

UKWA MPANA

UKUSHIMONEKA UKWA KWA

NABWINGA WAKWA KRISTU



Nafumishepo ubulendo bwakuya mukulunga, pakutila Ninga twalililapo ukubombela Shikulu. Eico cena ci . . . Tuli nensansa pakuba pano. Ni nctekela, inshita yaku shalikisha pano, Na limyebile: cilanshita lintu twaisa, palabako umuntu umo uushibapo. Kabili nga tukabwela uyu mwaka uuleisa, na Shikulu nga akokola ukwisa, kukabapo umuntu umo uushakabepo.

² Kulipo umo uwali uwapalamina nganshi ku mutima wandi, mumupashi; uyo ali ni Munyina Lyle. Lyonse naleba uwapokelelwa, ukwingilamo, nokwiminina kunuma kulya noku kutika kuku sambilisha kwakwa Munyina Jack, ukwimba kwakale kwa bantu bane. Bena baleimbila mu Bukata ileelo munshita yabushiku. Ukuba, kuli ishiwi limo palyabo ilili kale Kulya, ukulolela bambi batatu. Ndetunganya Nsha katale ndyufwampo pano pesonde nakabili. Lelo icine cine Nde kabila ukulyumfwapo kuntanshi nakabili, Munyina, Nkashi Moore pano, muli cilya Calo umo bena takwa . . . takwakabe imfifi.

³ Munyina Palmer aali umubomfi umukalamba uwakwa Kristu. Ndeibukisha Munyina Jack ukunjeba pa—palwa kuipelesha kwa mweo wakwe kuli Lesa. Bali nibakapala wambao, bonse. Kabili atiile kuti alelya ica—ica kulya capa kati ka mutwe, nakwata no mukate wabikwamo fimo pakati muminwe yakwe, alelya umukate wabikwamo fimo pakati uku nokubelenga Baibele yakwe. Mwamona? Alicitile ifintu ifyamaka ifikalamba, Munyina Palmer efyo acitile. Nikapala wa mbao umusuma, wishi umusuma kubana bakwe, ulupwa ulwatemwikwa. Abakushishe bonse ukubombela Shikulu. Ukukonka nefyo Naishiba, bonse balipusuka nokwisushiwamo na Mupashi wa Mushilo. Kabili ico cakupela icikalamba ku muntu onse muli shino nshiku, abalumendo naba kashana. Lelo, mwamona, fyonse filya abombelete teti fifikepo apakalamba ukufika pafyo abombelete Lesa, eico ena abombelete Lesa. Kabili munshita ino iyabushiku, ico abombelete pano pe sonde, nemicitile yakwe iyisuma, naya mukupoka icilambu cakwe, ukuba pamo nafyo. Lesa sungeni umweo wakwa munyina wesu.

⁴ Ninjishiba, apo ili lihema pano, kabili Ni—Ni njishiba aali . . . ishiwi lyakwe lili nokuba pano pene. Kuti mwalyumfwa.

Nkashi Anna Jeanne kabili—kabili na nkashi yakwe, uulelisha icinanda ca organ ne cinanada ca piano, ifyo bena nokulolela tabale lolala. Munyina Palmer aleiminina pano no kubuula ulwimbo, noku twalililapo. Bena kuti balwikata. Kabili Nsha talile. . . Nalelolela uku mumfwa aletungulula ulwimbo.

⁵ Kubana bakwe; kumukashi wakwe; nakuli Munyina Jack, cibusa wakwe, baliba ba cibusa pamyaka yonse iyi; kabili Munyina Brown, Nkashi Brown, nabonse imwe pe hema: Lesa amipale. Namufuluka, pamo. Lesa atushe umweo wakwe uwa bulamba, mpaka tukamonane nankwe na kabili mu mutende.

Natukontamike imitwe yesu.

⁶ Mwe ba Kusenamina mwebaba mu myuulu Taata, twacilalanda fye pali uyu umubomfi umukalamba, Nde mufuluka, munshita ino iya bushiku, ena ukuposhanya naine mu maboko, kabili nakulya ukumwentula ukwa kwikatisshako pano uko lyonse akwete lintu tulelanda ukuti, “Lesa akupale, Munyina Branham,” lintu tuleenda ukufuma pa mwinshi. Ninjishiba ukuti naisa ku N’ganda Yenu, munshita iya bushiku. Eico Napepa, mwe, Lesa watemwikwa, ukutila Mwa laleka ifisabo, imilimo yakwe ukuti imukonke, mukushiwe, ukutwalililapo nabana bakwe, no mukashi wakwe. Twapepa ukuti Mwala mupala, Shikulu. Mwa tile Muli nokuba umulume waba “mukamfwilwa abo ababa ba mukamfwilwa abene bene.” Napepelako Nkashi Palmer wesu kabili nabana bonse. Na lishiba umusango waku mfwila uluse kuli bonse babili, ukulufya cibusa obe kabili nokulufya ba wiso bobbe.

⁷ Eico, Taata, ilyo tuli pano, munshita ino iyabushiku, twapepa ukuti Mwa lapekanya imitima yesu, pamo, pali ilya ora. Ta twishibe. Cena limbi kuti caisa ngo kupumikisha ngafintu ena cali. Ifwe tatwishibe ilyo ili no kwisa, lelo natwishiba ukuti ifwile ukwisa. Eico twapepa, mwe Lesa ukutila mwala pampanta umutima onse uuli pano, munshita ino iyabushiku. Mwe Lesa, mwinsha. Pampanteni uwandi, pamo, kabili njesheni. Shikulu, ngakuti mwabamo ububi ubuli bonse muli ifwe, fumyeni cena. Tulefwaya uku Mibombela. Ubo ebwiminishi bwesu ubwapwilika, ubwa ku Mibombela.

⁸ Pongolweleni u Mupashi Wenu pali ifwe, munshita ino iya bushiku, kabili no mulungu onse. Paaleni lino ihema ilye shina Iya Life Tabernacle. Lekenilipokelele amapalo ayapwililika aye shina ilyo kabili nokuba umwisulo wa Mweo wakwa Lesa, uno mulungu, ukupususha umweo onse uwaluba, ukwisusha onse uwacetekela na Mupashi wa Mushilo, kabili nokulenga cipya cipya isubilo ilyo ilyaba muli ifwe, Shikulu, nakabili. Twapepa ukuti Mwalaposha pamo abalwele nabale cucutika abo abeshile pa kati kesu. Lekenilipashwa Mupashi wa Mushilo Wenu umukalamba abe pano, Shikulu, kabili nokundapafye. . . kabili subeni cila umo ukucetekela. Fikilisheni ifi fintu, Taata.

⁹ Lesa, ngafweni nomba. Nga cafilika, nomba yamfikila inshita yandi iya kulete Mbila. Napepa, mwe Lesa, ukutila Mwalaleka ici pandwa ca muntu ciminine kulubali lumo. Lekeni Mupashi wa Mushilo ese nokwenda pakati kesu, Shikulu. Lekeni Mupashi wa Mushilo abe kuntashi yakulongana, Shikulu. Na twishiba ukutila tatufikilepo. Teti tucite, nangu umo pali ifwe. Ta tulelanda ukuti kuti twacita ico. Lelo, Shikulu, natwishiba ukuti Nimwe Mweka mwebenga cita. Eico tulelolesha kuli Imwe, Shikulu. Endeni mwe Mupashi wakwa Lesa, kabili nokupona cipya pali ifwe. Twaipusha mwi Shina lyakwa Yesu. Amenii.

¹⁰ Nomba Ndefwaya ukuleta ama posho pali lamya, ukuya kuma chalichi yonse nomba ayale kutika ukupitila muma lamya mu calo conse. Tuleumfwa pali ba lamya, ico icili imibombele iisuma iyo tulepokelela, ukupitila muli Munyina Pearry Green ukufuma ku Beaumont, ku Texas. Kabili nama chalichi, mukupwililika, ayo ayale konka i Mbila, ukuya monse mu United States, nayabikwa pali balamya, munshita ino iya bushiku. Twatuma ama posho pamulu na panshi ya West Coast, munshila yonse ukufuma ku Vancouver noku tentemukila ku Tijuana, ku Mexico, ukupita mu San Jose, ku Los Angeles. Amabumba yonse ayali mulya, twamiposha ukufuma ku Shreveport. Pamo, munshila yonse ukuya ku Prescott, Arizona, kwibumba ilili kulya ilyo ilile lolala pali Shikulu, twatuma ama posho kuli imwe, kabili naku Tucson, pamo naku Sierra Vista. Inshilafye yonse ukufika ku New York, pamulu na pesamba, ukupita mu calo, Shikulu amupale, cila umo. Ukufwaishafye ukuti bonse nga mwaciba pano, munshita ino iyabushiku, cino icalo icisuma icakale ica Louisiana, uko cilemoneka ukuti ni n'ganda yacibili, kuli ine. Ine . . .

¹¹ Namwishiba, mwebantu bali uko ku New York, na mwishiba, Nda miseka panono, mumusango untu mulandilamo. Ndifye uwapokelelwa bwino munshita ino iya bushiku. Ee. Umuntu onse kuno, namwishiba, balelanda, "Uli shani, we watemwika, Munyina Branham. Mukalete Nkashi Branham nabaice bonse nokwisa kuno mukutumonapo." Oh, owe! Ico cilenenga ukumfwa bwino. Ico eci Sungu ici tuntulu, kuli ine. Tekusula imwe mwe bantu kukabanga nakuka pinda kakukulyo, kabili nencende shalekana lekana. Lelo, namwishiba, Ndetunganya Nafyelwefye mu Reb' yakale kabili naikele muli iyo iine nshila. Na—Na litemwa ico, palwandi. Cena Cisungu ici tuntulu.

¹² Nali kumwikulo waba Shimakwebo Abaume, pano tapapitile inshita, kabili bena batile, "Twalaiminina nomba nokwimba ulwimbo ulwa cishipa lwa calo." Kabili Naiminineko, natiile, "Palwa ng'anda yandi iyaku Kentucky iyakale, ukutali." Cisuma, kuli ine, ulo elwali ulwimbo lwa cishipa ca calo. Ecofye Ine naishibepo. Eico, twamitumina ama posho. Kabili nomba ku . . .

¹³ Ni nctetekela bale esha ukubika pamwela umwikulo, pamo, umwikulo waba Shimakwebo Baume, pa Cibelushi ulucelo. Munyina Green alemweba, pantu euli pafisoselo kulya nomba. Eico ena alemweba inshita umwikulo ukatampa, kabili panshita nshi, cila bushiku, iyakutwalako. Twamitotela nomucinshi. Mutupepeleko.

¹⁴ Nomba, kubalongana pano aba muncende ino, kabili ne hema yakwa Munyina Jack, Nde fwaya injipusheko ububile bwenu, munshita ino iya bushiku. Ukuba ukuti Naciba nokupela i Mbila yandi iyakutotela ukuya mu—mu calo conse, munshita yabushiku, kuma chalichi yesu aya muno mu ncende ayo ayalekonka i Mbila. Muli ici, Ine—Ine limbi kuti nakokolako panono. Kabili nomba, nakabili, limbi kuti Na shimikila Isambilisho. Eico, nga caba ifyo, kabili mwakana ukusuminako kuli Lyena . . .

¹⁵ Pamo nga fintu lyonse Inanda pakulya umukate wakubikamo utusabo: “Nga Na suma muluseke, Ine tekuposa umukate, Ine kuposa uluseke kunse, nokutwalililafye ukulalya umukate.”

¹⁶ Eico nga cakutula Naba uwakulanda icintu cimo munshita yabushiku, Ine . . . cisuma Ine . . . emulandu wine Nasumine kuli ubu bwite, munshita ino iyabushiku, ukuba pano, ukuleta i Mbila yakutotela kuma bumba yonse mucalo, nipamulandu wakuti Munyina Jack lyonse mubuntungwa alesula icibi cakwe nokutiila, “Shimikila icili panshi yamutima obe.” Eico Nda ba uwa pokelelwa.

¹⁷ Eico ico kuti caba ukuti muno, pakulongana kwapano pa cende pamo na Munyina Jack, kuti limbi kwaba bakapyunga nabantu bamo abo abenga kana ukusuminako kwi Sambilisho. Ilingi line Na likwata umucinshi ukukana lumbula isambilisho kucintamba camuntu, uyo unjitile ukwisa mushimikilako. Eico, panuma ya ino nshita yabushiku, Ni nsubila Na kula pepelakofye abalwele nokubomba umulimo wanshiku shonse. Lelo Na citontankanya ukutiila Mwi shibisheko ilyo inshita tailafika, ukutula nga cakuti icintu cimo ico Ni nga sosa limbi tamwinga suminako, mulandunshi, sisuminishenifye ku kukana ishiba kwandi, Nde tunganya, mukukana ishiba ifinga cilapo. Kabili mumpepeleko.

¹⁸ Eico nomba natwisule mu Cebo, kuli chapitala pano. Ndefwaya ukusontelelako muncende ishingini munshita ino iya bushiku, pantu Ni nkawata Amalembo ayengi nefilembelwe ifi nono pano pe tebulo.

¹⁹ Nde ibukisha umuku wakubalilapo Na ninine pacintamba pa Life Tabernacle, imyaka amakumi yabili iya pitapo. Nsha—Nshalingile ukulemba Amalembo nefyaku sontelelako. Nalifye nemyaka amakumi yabili ukucepako lilya. Lelo nomba Nalililapo pa makumi yabili—na ine, eico Ine . . . umuku wacibili.

Eico Ine . . . teti njibukishe cena ngefyo Nalecita lilya. Ndalembe Amalemba, nenshita shimo shimo ukwipifya icintu cimo ico Ndeya mukusontelelako.

²⁰ Kabili nomba Shikulu apale ilyo tulebelenga mu Cebo cakwa Lesa, kabili mwi Buuku lyabena Roma, chapitala ya 7. Nomba, Ndefwaya ukufundisha ici nga mwi sambililo lye sukulu lyapa Mulungu.

²¹ Ninjishiba kuli abantu abeminineko. Kabili pe hema, ilingi line, pa Jeffersonville, tulefwaya ukumiposha bonse munshita ino iya bushiku, pamo, mwishibe ukuti imwe namubikwa kuca kumfwilako palya pa tabernacle. Kabili cilemoneka kwati pe hema, munshita ino iya bushiku, ngacakuti mwaliko pano, abantu naba shinguluka ifibumba, kabili naba fulisha konse. Nomba, Ndesubila muli muli iyo nshila, pamo, abantu bonse abali muli lulya ulubali lwa calo, abo abeshile mukumfwa i Mbila.

²² Nomba twalabonfya ici kwati ni mwisambililo lyapa sukulu lyapa Mulungu. Kabili ici tacile lungamikwa pacintu icili conse, umuntu uuli onse, nangula icintu conse; lelo niku Chalichi, u Mubili wakwa Kristu ico tuleesha ukutungulula kumatontonkanyo aya shika nefya kwimininako ifyapa mulu, uku cetekela ukuti u Kwisa kwakwa Shikulu Yesu kuli mupepi. Twali cetekela ico. Nakucilapo, cili myaka amakumi yabili ukupalamina ukucila ifyo cali panshita yakubalilapo Na ishile ku Shreveport. Oh, ifingi fyalicitika ukufuma pali ilya inshita! Nomba tulelolesha kuntashi pa Kwisa kwakwa Shikulu munkulo yesu. Nshi lelolesha paku puputulwa mu nkulo yesu. Nde lolesha pa Kwisa kwakwa Shikulu, mu nkulo yesu.

²³ Nomba mubena Roma 7, ukucetekela ukuti namwisula ama Baibele yenu, konse ukomuli nomba ukuya mu calo conse, tulefwaya ukubelenga nokumfwikisha. Nomba, iyi, ni . . . iyi Mbila ukufuma pano, cilemoneka kwati yena ili pacupo noku lekana, lelo icine cine tefyo ili. Kuli ine, busesemo ubwa Chalichi munshiku shakulekelesha. Natubelenge:

Bushe tamwaishiba, mweba bwananyina, (pantu Nde landa kuli abo abaishiba amalango,) ifyo amalango yakwata bukateka pamuntu ilyo ali nomweo?

Pantu umwanakashi uuli no mulume alikakilwa kumalango yamulume wakwe ilyo aali nomweo; lelo umulume nga afwa, ena nakakulwako kumalango yamulume wakwe.

Eico nomba, ilyo umulume wakwe aali no mweo, elyo ena aupwa ku mwaume umbi, aketwa umucende: lelo nga cakuti umulume wakwe alifwa, ena mutungwa ukufuma kuli yalya amalango; pakutila ena nomba tali umucende, nangula aupwa ku mwaume umbi.

Eico, mweba bwananyina bandi, naimwe pamo mwalifwa kumalango ukupitila mumubili wakwa Kristu; ukuti imwe mufwile, mwaampana nangu, mwaupwa kuli umbi, nangufye kuli uyo wine uwabushiwa ukufuma kubafwa, ukuti tufwile ukuleta icisabo kuli Lesa.

Pantu lintu twali mumubili, . . . ifyakumfwa ifya lubembu, ifyo ifyali ukukonka namalango, fyabombele mufilundwa fyamubili ukuleta icisabo ukufika kumfwa.

Lelo nomba twali pusuka ukufuma kumalango, ukuti ukuba abafwa umo mwine twaikatilihwe; ukutla twinga bomba muli bubupya ubwa mupashi, kabili temuli bu kale ubwa malembo.

24 Kabili nomba natupepe.

25 Mwe Lesa watemwikwa, elyo twabelengafye ico twacetekelamo ukuba i Cebo camushilo icakwa Lesa. Kabili ico cine eco tulecetekela, ukutla nangu ukulemba ukunono nangu ici kalamba munshila yonse tacakapite ukufuma pali Ici mpaka fyonse fika fikilishiwe. Kabili twacetekela ukuti Shikulu wesu alitweba, mu Kusokolola chapitala 22, ukuti, “Onse uyo uukafumyako i Cebo cimo kuli Ici nangu ukulundako icebo cimo kuli Ici, uyo wine, icakaniko cakwe, cikafumishiwamo mwi Buuku lya Mweo.”

26 Kabili tulemona ukutla, muku kana pilibula bwino i Cebo, ngafintu Satana acipilibwile bubi bubi Cena kuli Efa, calengele ena ukutwishika i Cebo cimo, kabili caposele umutundu wamuntunse mubwafya ubukalamba. I Cebo fye cimo!

27 Nomba tulemona pakati ake Buuku, Shikulu kabili Umupusushi aishile, kabili Ena nokutupela ici icakwambula ukulola kuli Cena: “Umuntu tekalilala uwamweo kumukate weka, lelo ku Cebo conse ico icifuma mukanwa kakwa Lesa.”

28 Nomba ukusoka ukwabalanda mwi Buuku lyaku lekelesha, ilya Kusokololo kwakwa Yesu Kristu, “Onse uyo ukalundako icebo cimo nangu uukafumyako i Cebo cimo, icipandwa cakwe cikafumishiwamo mwi Buuku lya Mweo.”

29 O mwe Lesa, ukwishiba ukumona ifyo ifwe, twaba abanaka ukwishiba ukuti twendelafye pantambo iishakosa iya mweo, muli uyu mweo uufwa (ukukana ishita iyo ifwe tuketwa ubwite bwa mu Muulu), lekeni ifwe, O mwe Shikulu, tubike lubali ifintu fyonse ifya mumitima yesu, ifintu fyonse ifya mumano yesu, kabili nokulolesha mukulungatana ne Cebo Cenu, munshita ino iya bushiku, kabili Naimwe ukwisa nokupilibula Cena nefyebo fya mweo. Fikilisheni ico.

30 Lekeni u Mupashi Wenu uponene pali ifwe nokusuba i Cebo kumitima yesu, ukutla limbi twingafuma pano, muno nshita ya cungulo kasuba, ukuba abantu abasuma

ukucula pafyo tuli nomba, ukutila limbi twingakwata limbi ukupalamina kwakulolesha pali Yesu Kristu. Fikilisheni ico, Shikulu, ukutila twingakutuluka ubushiku ubo tuleikalilamo, kabili nokupekanya ukwakwa Lesa pabantu Bakwe muli ino nshita, iikalamba, iyashupa, inshita iyamfifi iyo tuleikalilamo nomba. Lesa, tusubeni, tekashimikilafye eka, lelo naba komfwa. Kabili, bonse capamo, mulenge imitima yesu ukututuma pa Cebo Cenu. “Pantu akatina kakwa Lesa entendekelelo ya mano.” Fikilisheni ifi fintu, Taata, twaipusha mwi Shina lyakwa Yesu. Amenii.

³¹ Ndefwaya ukubika umutwe pali ifi ifyakulanda ifinono ifyo Nalalanda pano, kabili na Malembo ayo Ndefwaya ukukonkeshapo bwino bwino panuma, Shikulu ngatemwa, ku—ku pela i Mbila yakutotela, ukukana moneka, ukwa, *Ukwa Mpana Ukushimoneka Ukwa Kwa Nabwina Wakwa Kristu. Ukwa Mpana Ukushimoneka Ukwa Kwa Nabwina Wakwa Kristu.* Cena tacile umfwika kwati ni Mbila iyaku pela ukutotela. Nangula, Amalembo yonse, tuletotela pali conse Ico.

³² Nde totela kuli Lesa pakwikala muli ino nshita yaficitwa fyakulekelesha ifye lyashi lya kale. Nshishibe. Nga cakuti Nalikwete ukulandapo kwa-ifyo ilyo umufula we sonde taulabako, kabili nga cakuti Lesa alibikile ubutantiko bonse kuli ine, nokulanda kuli ine, “Nde—Nde fwaya iwe ukulashimikila. Kabili nomba ninkulo nshi ulefwaya, ukuya shimikilamo pe sonde?” Ine nga nasalile ino nkulo, pantu Nde tontonkanya inoine e nkulo yawama.

³³ Ine icine cine nga natemenwe ukuba pano pene munshita Yakwe iyakutandalila isonde. Lelo, ncili, Nde tontonkanya ukuti inoine e nshita iikalamba, pantu e nshita iyo Ena aleisa mukusenda abantu abo Ena alubula, ukupalamina kukusumbulwa ilyo bonse abalubulwa bakafuma. We nshita yabukata we iyo tukwete, ukulanda kubantu abalefwa, inshita iikalamba! Tuli abacankwa palwaiko.

³⁴ Kabili natwishiba ukutila ilyashi lyakale lile lilepwa. Ilyashi lyakale ilye sonde lili nokupwa nombaline nomba tuli nokwingila mubushiku ubupya, ku myaka Ikana limo iikalamba. Ukutila, ngowa cetekela umo, Nacetekela muli...mu myaka Ikana limo, ukuteka imyaka Ikana limo na Kristu, imyaka ikana limo pe sonde; ukubwela ukwa kumubili ukwakwa Shikulu Yesu, ukwisa senda abantu baku mubili, abakatamikwa, ukupitila mu Mulopa Wakwe uuwamya.

³⁵ Paulo apa alepela icakulangisha, mu Malembo yesu, palwa malango nokusenamina, nokulangisha nge cupo nokulekana. Ici icipandwa tacishimikilwapo lyonse, pantu cena caba icacilapo nangu uku cepako, ukulola kwati, cupo nokulekana. Lelo nacena cisontelela kuci pandwa icikalamba ica cupo nokulekana, icamusango wakuti ena ale esha ukubika mumutande pano

ukuti ifwe, nge—nge Chalichi, tekuti nakabili tuupwe kwi sonde nakuli Kristu panshita imoine, kabili—kabili ukuti caba ica suminishiwa umwabela amafunde palwaciko, ukucila pakuba umwanakashi ukwikala no mwaume umbi ilyo nakwata umulume uuli nomweo. Kabili Ni nkwata amatontonkanyo yandi palwaico, kabili Nali cetekela ukuti ico Baibele yalanda e Cine.

³⁶ Nomba, lelo Nali cetekela, pamo, ico kucetekela kwandi ukutila cingasokolola cimo pafya nkama ifikalamba ifya busesemo. Kabili Ni nsubila ukuti Shikulu alatwafwa, munshita ino iyabushiku, ilyo tuleleta ici kubantu besu abalelolola ukuya monse mu calo.

³⁷ Cena cali landilwe, panshita imo (Na lebelenga, lintu Na lelemba ifyaku shimikilapo ifya ici, Ine—Ine teti injibukishe bwino bwino ibuuku ilyo cena cabamo, lelo Ndi—Ndi uwashininkisha ukuti ici nacilungama), ukuti (ibuuku limo Nabelengele palwakwa Mista Moody, Dwight Moody, mu Chicago; natukwata ichalichi icilekutika icikalamba mu Chicago, pamo, munshita ino iya bushiku), ukuti, Mista Moody, panuma yakubelenga abena Roma 7, abutukile mumu sebo, kabili umuntu wakubalilapo akumenye, atiile kuli ena ukuti, “Bushe walishiba ukusenamina?”

Kabili umuntu ulya amwaswike ukuti, “Ukusenamina wisa?”

Mista Moody atiile, “Ukusenamina kwakwa Lesa.”

³⁸ Eico, cali musansamwishe lintu amwene ifyo, ukusenamina kwatupatulula ukufuma kumalango, kabili nefyo, cilya icipandwa cakusenaminwa cabomba. Ukuba, nomba, conse ico Ndefwaya ukucita, cili lintu. . . Ndalanda lyonse kubantu, nga Naabuka umushilwa, ukuya kulubali lumbi, kuti Natemwa ukwimininako nokwimba:

Ukusenamina kwakupapusha! Ifyo ici uunda
cumfwika icawama,

Ico icapuswishe uwaonaika ngaine!

Ukusenamina, ukusenamina kusuma!

Ukwishiba kwakusenamina ukwacilapo!

³⁹ “Pantu nikuku senamina eko twapusukila; tekufintu ifyo tucita.” Ifyo twingacita, nafyonse ifyo tucita, tafipendwa nangu cimo kuli ifwe. Ukusenamina ekwatupususha. “Ukupitila mukusenamina emo imwe mwapusukila, ukupitila mucu cetekelo.”

⁴⁰ Lekeni Nundeko kuli uyu Na mayo, Kusenamina, lekeni Imubike Ena muli Baibele, pamo, ngafintu etwa Namayo wasalwa, uyu Misisi Kusenamina untu Na lalandapo. Namwishiba, Baibele yalanda, ukutila, “Kuli Namayo wasalwa.” Ico, ngakuti mwamona, “ukusala” cilefuma kwishiwi “Namayo

wasalwa.” Umo Namayo, pakati kabana mayo bambi, ewasalilwe.

⁴¹ Ngafintu, nacisungu ali nokufyala umubili uwakwa Lesa pe sonde. Aali mwanakashi uwasalilwe. Lesa asalile Maria.

⁴² Kabili, pamo, Lesa alisonta Namayo wasalwa, uyo uuli ni Nabwinga Wakwe. Ena alisalwa. Ndesubila tuli filundwa fyauyo munshita ino iya buskiku, ukuya mwisonde lyonse, ukuya mu calo, ukucila.

⁴³ Icakulangisha pano, cilelangisha ukwishibana kwabapo ukwakwa Nabwinga na Kristu, Namayo wasalwa: kabili nefyo Aali nokuletwa kuli Ena; noko Aali nokufuma; kabili nomusango Aali nokuletelwamo kuli Ena. I Chalichi pano, mukulangishiwa ukuti natukwata palwalala, cilelangishiwa no mwanakashi. Ico, umwanakashi lyonse emininako i Chalichi, pantu i Chalichi e Nabwinga. Uyu Nabwinga, Ena ni Nabwinga wakwa Shikulu Yesu, u Mwana wakwa Lesa.

⁴⁴ Lyonse, nga kuti mwamona, mwamona imibele nemi citile iya mwanakashi, kabili kuti mwamona napo ichalichi cili.

⁴⁵ Nomba, ifi, fimo ifi ifyakulanda kuti fyamoneka ifyeni kuli imwe bamo, lelo cakutotela ku Mbila iyo Nakwata ukufuma kuli Shikulu, intu Ndeesha ukufisha ku bantu. Mwamona? Imwe lolesheni ifintu fyonse ifya cifyalilwa, umusango filecitikilamo mucu fyalilwa, kabili lolesheni pali cena. Fyendelafye pamo mucituntulu nefya bumupashi, pamo.

⁴⁶ Nomba, nga mwamona imicitile yamwanakashi mwi sonde ilelo, mumone nemicitile ya chalichi camwi sonde ilelo. Muloleshefye. Ifyo fine, nomba, kabili kuliko imicitile yakwa Nabwinga wa bumu pashi, i Chalichi. Mwamona? Lolesheni Ico, pamo. [Tapali amashiwi pali tepu—Kale.] Pantu, icifyalilwa naco, cilalanda ukuba Nabwinga.

⁴⁷ Nomba, mukwai lekeni nande nakabili kubalongana pano. Mwiumfwa ububi nomba. Nde—Nde landa kuli bonse ukuya mu calo conse, kuco, Nto ntonkanya, pali Namayo wasalwa. Eico nga kuti kwaba bakapyunga abo aba shasumineko, ukuba, imwe mwikatililefye umutende wenu pakashita akanono. Mwamona? Moneni. Kutikenifye.

⁴⁸ Moneni iyi imibele. Ngamwamona abanakashi babafye icibebebe, nokucitafye nafyonse ifyo balefwaya, lolesheni ichalichi naco cilecitafye icintu cimo cine. Moneni.

⁴⁹ Lelo lolesheni, lintu Nabwinga wabumupashi, lintu Ena atendeka ukukwata ukupuputulwa, lintu Ena atampa ukubwela nokwiminina Umwine eka pamo ne Cebo cakwa Lesa. Lolesheni nomba, kabili, mwalamona, ifyo Amalembo, pali ilya nshita, kuli nokubako i Mbila iyakupyanga ukufumya pakwikata ulya Nabwinga, pakwikata ulya Umwanakashi, Uwasalwa.

50 Pantu nga fintu isonde, Satana, kabepa abepele ulya nabwanga wakubalilapo, ukubembukila Lesa, mukukana cetekela i Cebo Cakwe. . .

51 Kabili nomba, ileelo, iIyo tulemona ichalichi caci fyalilwa, mumbila yenu iya mumano, ukulaya ukufuma nokuya ukutali ukufuma ku Cebo, mu mbila yabwangelishi; tulesanga ukutula abanakashi aba mwisonde, mumisebo, bamembala babe fyo baleitwalafye palwabo mumibele imoine. Teti mubebe. Balilufya amano ayasuma ayo abantu bakwata. Mwamona? Kabili iyo ine emisango ichalichi cikwete. Kabili kuti mwamona cileya mukutambalala ku cisaka cafilonganino, ukubafye icashininkishiwa mwi sonde lyonse, nokuyafye mu Rome nangu cingaba icakosa shani ukuya, mwamona, pantu cena calisesemwa. Kabili ifyo efyo ena aali. Iyo ine emibele yakwe.

52 Lelo nomba lollelsheni ku Chalichi cabu mupashi, iIfyo lilya ibumba lya bantu, abaitwa, Abasalwa, ukupitila mukupuputulwa konse. Muli Martin Luther, cacitike munshila imoine muku Panga nakabili. Cena cacitike icintu cimo cine munshita yakwa John Wesley. Cena cacitike icintu cimo cine lintu Pentecosti yatampile mukubalilapo. Bena babwesheshe banamayo kunuma mukwiminina pamo ne Cebo, kabili nomba baishile fumako. Kulya eko ulya ena abwelelemo mucimfulunganya cikalamba. Lelo nomba inshita iyo abantu baipekanya ukwiminina bwino kulaba i Mbila iiletwa, kabili baleminina pamo na Yena.

53 Luther ewali inkombe yabushiku bumo, iya kulungamikwa, ne Chalichi caimine bwino pamo nayena, bamo pali abo. Abashalapo batwalililepo. Wesley aishile noku shilishiwa, i Chalichi caimine bwino pamo nayena. Pentecosti yaishile noku bweshiwa kwa fyabupe, i Chalichi caiminine bwino pamo na cena, Abasalwa babulya bushiku; kabili nomba fyalipwile, babwekele kunuma nokwingila mufilonganino nokufuma na bashala bonse, bonse ukubwekelafye mumulongo.

54 Nomba, lelo moneni, iIyo abantu batampa ukwiminina bwino ne Cebo, kulesa i Mbila iipya ukufuma mu Cebo cakwa Lesa, ukuya mukulungatana pabantu. Kabili balapokelela iyo Mbila nokwiminina nayo, inshita yonse. Cena cabafye muli Lesa. . .Twalikwata ico.

55 Twalikwata indupwa. Ulupwa lonse luli pano mukukonka ulutambi lwaico. Inshita shimo shimo ifintu fyonse kuti fyaenda bwino kuli iwe, pamyaka. Nomba, panshita imo, kuti waponenwa ne shamo, efyo tulanda imiku iingi kuno ku Masamba, “Lintu yaloka, ilapongoloka,” nafyonse fila lubana. Iwe ninshi ulepita munshita yabushiku. Nomba kulaba ukutula kwaka suba kabili nenshita ya bushiku. Fyonse fyendelafye muku twalilila.

⁵⁶ Kasesema, Paulo, pano alelanda ukutila umwnakashi teti opwe mpanka umulume wakwe uwakubalilapo afwa. Teti opwe lintu umulume wakwe ali nomweo; Ena, ukwabula ukukonka nangu cimo icacitika, nakalya. Afwile aikala uwakukana upwa nakabili lintu umulume wakwe uwakubalilapo ali nomweo. Kabili nga cakuti acita ulubembu lwamusango ifyo, “ena ali nokwitwa umucende.” Nde landa palwa cifyalilwa nomba, ukucipashanya pamo neca bumupashi. Ngacakutila uyu mwanakashi acita ulubembu lwabe fyo, ninshi ena abikwapo icishibilo, “umucende,” ngacakutila alikwata abalume babili abali nomweo panshita imoine. Eico, ena nalufya, muku cita ici, insambu shakwe kuli Lesa namu Muulu, mukucita ico. Ena mucitutulu naluufya. Ena untu waposwa ukufuma mucipao cakwa Lesa, umwabela Amalembo ayo Nabelengafye.

⁵⁷ Ifyofine efyaba ne chalichi, lintu caesha ukusakanya ama sambilisho necilonganino ne Cebo cakwa Lesa. Teti opwe kuci longanino, kabili nokuba Nabwinga wakwa Kristu, panshita imoine. Afwile ukufwa kucintu cimo. Ifunde elya tiila ifyo, pano. Mwali fula amalango mu Cebo cakwa Lesa. Kabili ayo amalango Yakwe, Paulo alelanda icintu cimo cine pano. Teti opwe ku chalichi camwi sonde ici funda ifyabufi, kabili nokuba Nabwinga wakwa Kristu, pantu ena...cimo nacipusanako kucinankwe. Nomba, ibukisheni.

Watiila, “Cisuma, natu cetekela *ici*, lelo tatu cetekele *Cilya*.”

⁵⁸ Nga cakuti walyupwa kuli Kristu, Kristu e Cebo cakwa Lesa. Mu Mutumwa Yohane, chapitala yakubalilapo, atiile, “Mu kutendeka kwali i Cebo, kabili ne Cebo cali na Lesa, kabili ne Cebo ecali ni Lesa wine. Kabili icintu cimo cine cali lengelwe kabili caikele napakati kesu.” Kristu ali i Cebo ca mweo. Ena lyonse ali Cebo. Ena acili Cebo. Ena lyonse akabafye Cebo. Ena alifye cakulangisha imibele yakwa Lesa, pantu Ena ali Mwana wakwa Lesa.

⁵⁹ Kabili no mwana onse aaba mibele yakwa wishi wakwe, kabili ngefyo wali mufilangisha umuntu efyo aba ifyaba taata obe, mu mubili wakwa taata obe lintu ena alifye unulumunde umwaice, iwe wali muli ena. Lelo, ena talekwata isenge naimwe, pantu ena takwishibe. Lelo, ukupitilafye mwifumo lyakwa nyina, iwe waletelwe muli lino isonde kabili nokuba icipasho cakwa taata obe, lyena elyo atampile ukukwata isenge naiwe.

⁶⁰ Kabili efyo mwali, mwe bana abaume ba kwa Lesa kabili nabana abakashana bakwa Lesa, lintu ninshi takulaba no mweshi, ne ntanda, nangu nama molecules. Mwali abana abaume kabili nabana abanakashi bakwa Lesa, pantu imwe mulifye ifimoneka ifyalangishiwa ifya mibele ifyali muli Lesa paku tendeka. Pantu, kwabafye umubele umo uwa Mweo wa Muyayaya, kabili noyo ali niwebo, kunuma kulya. Imwe tamwaishibapo icintu nangu cimo palwaico. Nangu kwishiba

tamwaishibe ilyo mwali muli taata wenu uwapa calo, lelo imwe mwalilangishiwa . . . mucu pasho cakwe. Mucu pasho cakwa Lesa emo imwe mwapangwa, kabili imwe mwalangishiwe kubukata kabili nesenge na Lesa.

⁶¹ Kabili, eico, nga fintu ifilanga fyali nokuba muli taata obe, cibe iwe taula fyalwa, ifilanga ifya ku mupashi fyali nokuba muli Lesa, pantu uli uwakulondolola imibele ya matontonkanyo Yakwe, ilyo umufula we sonde taulabako. Cisuma. Tapali icili conse icili kumbali yaico. Ico cishinka. Nomba, nomba tulemona, ilyo, ulya u Mweo ukuba muli iwe, u Mweo wakwa Kristu ukuba muli iwe, ukutampilafye ilyo umufula we sonde walengelwe.

⁶² Nomba, nomba, teti usakanye ukufundisha kwabufi ukwa mufilonganino ne Cebo, pantu ifi ifintu fyali pusaninina, cimo kuci nankwe.

⁶³ Ifyo efyo Satana aeseshe ukucita nokwishiba kwakwe pafya masambililo kuli Efa. Ena atiile . . . ena alisumine ukuti Lesa ewacisosele, lelo ena atiile, “Cine cine, imwe tamwakafwe.” Mwamona? Kabili bena bali cicetekele cilya.

⁶⁴ Kabili efyo kulya ukufundisha kwa bufi kwacita, mubushiku bwe leelo. Ifilonganino fyali patukanya abantu ku Cebo cakwa Lesa. Bushe Yesu tatiile, ilyo Aali nokwisa, “Imwe, ukupitila mu ntambi shenu, emo mwapanga Amalango yakwa Lesa ayashakwata nobusanso ku bantu?” Kabili mukupitila mukufunda kwesu ukwabufi, twali fumyapo isenge lya Mupashi wa Mushilo ukusuba i Cebo cakwa Lesa ico icafumishiwapo muli ino nkulo. Twali patukanya abantu eico, ukupitila mufilonganino, ukuti tabengakwata inshita yakumona Cilya.

⁶⁵ Nomba, Lesa, Ena, munkulo yonse, Ala lundako icipandwa icipya kwi Buuku Lyakwe. Conse cendelafye pamo.

⁶⁶ Kwati ngefyo umubili wandi wapangilwe. Nalyebwa ukuti catamiple mumongololo, lelo teconse cali umongololo. Cafumine kuli ico caya ku mbafu, kabili ukufuma kuli . . . pwapwa, kabili caya ku maboko, kuminwe, kumakasa, na fimbipo, kabili mukushalikisha mwafumine umuntu uwo Ine ndi.

⁶⁷ Kabili ifyo efyo Lesa aisokolwele mukutendeka. Kabili mukushalikisha Amonekela nga Yehovah, Lesa Taata. Panuma Aishile monekela nga Lesa Mwana, muli Yesu Kristu. Nomba Ena aamonekela nga Lesa uuli ni Mupashi wa Mushilo. Lesa Umo wine, inshita shonse, ukuilangisha patatu ukwa umo—umo wine Lesa.

⁶⁸ Nomba, tulesanga muli ici, ukuti, munkulo yonse, Lesa alibyalala i Cebo Cakwe ukutampilafye mu kutendeka.

⁶⁹ Kwati ngafilya icaleshunguluka caishile. Kwatifye nicilya icintu cakubalilapo Lesa alengele, kwati, filya cali . . . Kuti twalanda ukuti Ena alengele ifimuti na maluba, pakubalilapo. Nomba Ena alenga imyeo ya finama, ukukonkapo. Nomba

Ena alengele imyeo ya muntunse, uku konkapo. Cali kwati kupilibuka panuma ya nshita, cileima cileya pamulu.

⁷⁰ Eico bushe caba muli Lesa kabili namu Chalichi Cakwe. Ukulungamikwa pesamba yakwa Luther. Ukusa-...Ico ecilefumyamo Nabwinga Wakwe, nomba. Ena alepanga Nabwinga Wakwe. Ukulungamikwa pesamba yakwa Luther; ukushilishiwa pesamba yakwa Wesley; kabili namuli uyo musango, mwamona. Ena, ekupilibuka kwa Mupashi uko ukulepelwa ukucilapo no kucilapo, pantu u Mubili ulekulwa, ukwisa ku Mutwe, uyo uuli ni Kristu, u Mubili wakwa Kristu.

⁷¹ Nomba, Ena, ngo mwanakashi, Ena ngalyupwa kuli Kristu uuli Cebo, Ena teti opwe ku chalichi camufi longanino panshita imoine, pantu Ena alikakwa neco. Ena aali...teti ekale nabalume bonse babili panshita imoine. Fyaliba ifyapusana, cimo kuci nankwe. Umo untu uwatumwa-na Lesa, umbi nao untu watumwa no muntu, eico fyena fyalipusana. Atiile, "Lekeni ishiwi lyamuntu onse libe ilyabufi; Ilyandi libe ilya Cine." Lesa ewa sosa ifyo.

⁷² Ngefyo cabafye icapusana kuli limo nelinankwe, pamo ngefyo amalango yapusana kuku senamina, ngafintu Paulo aalanda pano. Umo afwile afwa pakukwata cimbi. "Kabili nga cakuti ena aesha ukufisakanya, aali nokwitwa umucende." Oh! Tontonkanyeni pali ico. New York, Arizona, ukuya monse mucalo, tontonkanyeni pali ico. Lesa alanda ukuti, "Nga cakutila ena aesha ukupwa kuli babili panshita imo ine, ena aketwa umucende." Mucende nshi akengila mu Muulu? Bushe Lesa kuti aupu umucende? Icline cine iyo. Aali twebele ukuti tatufwile ukucita ico. "Ena eco aketilwa umucende."

⁷³ Nomba, abana bakwe, ngacakutila ena mucende, abana bakwe bana bamucani. Bana bamucani! Ukuba abana bamucani kuli cinshi? Teku chalichi, lelo ku Cebo. Ena mwana wamucani. We cikope we wa Ukusokolola 3 pano, munshiku shakulekesha isha munkulo ya chalichi ca Laodekeya! Webumba we lyabana bamucani! We kusakana we kwafilonganino! Aba cifulefule, ukutwalilila ifyo fine nokulaita abene beka abena Kristu, kabili nokukana i Cebo cakwa Lesa, "Abakwata imibele yabu Lesa, lelo abakana amaka yabuko," ngafintu kasesema atiile bali nokuba.

⁷⁴ Icupo ecintu cakale mwisonde. Icupo cacitilwe mukubalilapo, kabili cacitilwe, mwibala lya Edeni.

⁷⁵ Umwanakashi alipelwa imibele imo iyo tafwile akowesha. Umwanakashi aali cetekelwa pali ico. Tapaba icibumbwa icaba ngo mwanakashi. Takwaba imbwa iyikota, takwaba icikota nangu cimo icapelwa imibele iyo umwanakashi aba nayo.

⁷⁶ Umwanakashi taali namu—namu bubumbo bwaku balilapo, pantu Lesa alishibe ukuti aali nokupona. Ifikota fimbi tekuti ficite ubucende. Ena eumofye epela uwinga cita ubucende. Nga

cakuti apangilwe ngowakubalilapo, ico nga tacaba ica mucinshi kumano ayakalamba ayakwa Lesa. Mwamona? Ena apangilwe icafumishiwe ku mwaume.

⁷⁷ Lelo pamulandu wakuti aposelwe muli lulya lubali, naena alipelwa umulimo wamushilo ukufuma kuli Lesa, pamulandu wabulubulo. Aali kwata imibele iyo tafwile uku kowesha.

⁷⁸ Ngacakuti ena aonaula yena, ninshi ena aba uwakoweshiwa mu mweo wakwe onse. Temulandu nangu engaba uwaelelwa shani, teti alungamikwe. Nalaumaulapo pali ico munshita iinono. Ninkwata Ilembo palwa ico, munshita iinono. Ena kuti aelelwa paku koweshiwa kwakwe, lelo teti alungamikwe muli uyu mweo. Cena lyonse kubafye pamo naena. Moneni nomba. Aali pelwa ici. Limbi kuti aelelwa, lelo tekuti alungamikwe.

⁷⁹ Umubili wakwe wapelwa kuli ena, ica cetekelwa ica mushilo ukufuma kuli Lesa. Takuli imbwa iikota, takuli icuni, takuli inama iimbi, takuli icibumbwa cimbi icaba ngeco. Iyo. Ewaba umofye epela. Muli cena, ena aba . . . Umulandu ico abela uwa mushilo nganshi, nico afwile aleta umweo pe sonde. Umubili wakwe encende yakufyalilwapo umweo, eico uyo wine emulandu apelelwa ukucetekelwa kwa mushilo.

⁸⁰ Nomba apa epaisa ici ico limbi mwingakana, mwebengi, imwe mweba sambilila ifya bukapepa. Ifyo eflyo umutundu wa muntu onse waba uwakowela, nibulya ubucende pakubalilapo. Umubili wakwe uwakufyalilwapo walyonaike. Ena afyele balya bampundu, Kaini na Abele. Ukubomba kumo kwaletele, abana babili. Kuti mwafwaya mu Malembo. Uh-huh.

⁸¹ Moneni nomba. Tulesanga ukuti umubili wakwe encende yaku fyalilwapo, kabili eico yena nincende iya cetekelwa iya mushilo, iyo iishilefwaikwa ukukoweshiwa. Nomba, Ndelanda, ukuleta ici mukulangishiwa, ukumilangisha apo i Chalichi caiminina. Nshilelanda pali imwe mwe banakashi. Fyonse ifyo mwaba, ico cili pakati kenu na Lesa, nangu imwe mwe baume. Lelo Ndelanda pa Chalichi na Kristu.

⁸² Nomba, ici ico ena apelwa ica kuleta umweo ico ni Lesafye Palwakwe umwine ewinga pela. Umulume wakwe eufwile ukuba kasenda wamweo, lelo Lesa eufwile apanga umweo. Ico nacilungama. Cifwile caisa, umweo onse ufwile waisa ukufuma kuli Lesa. Umweo uuli onse ufwile waisa ukufuma kuli Lesa. Cena calipilbulwa, ico ecalenga cena ukuba ulubembu, lelo umweo ufwile wafuma kuli Lesa. Ena e Kapela wa mweo. Nomba ena alikwata ica- . . . umo . . .

⁸³ Ndefwaya nande ifintu fitatu pano ifyo tafwile afumako. Nomba, Ndelanda biken i chalichi mu mano ilyo Ndelanda ico kumwanakashi uwa cifyalilwa, ngafintu Paulo pano, mu chapitala 7 iya bena Roma.

⁸⁴ Aalikwata ukucetekela kwa mushilo ukwa maka ukwapelwa kuli ena na Shikulu wakwe, amaka yamo ayaibela. Takwaba

umbi uwaikatilila ico kano umwanakashi. Cisuma. Ayo ayapelwa kuli ena na Lesa. Tafwile uku kowesha ayo amaka.

⁸⁵ Nga cakuti acita icintu cimo icalubana afwile alanda ico kumulume wakwe ilyo talamusenda, nokucilenga ica lungama. Ico cimo cine ne chalichi ico icaupilwe kumalango, cifwile caisa pamo kuli Kristu, ilyo takulaba icupo ca bubili. Afwile alanda ico. Nga tacitile ico kabili aikala pamo nomulume wakwe pamyaka ikumi elyo aisa cilanda, nakwata insambu ishakumuleka nokupa umwanakashi umbi. Ayo e Malembo. Ubulalalale bwikashi ubwa kowela.

⁸⁶ “Yosefu, witina iyo, bula umukashi obe Maria, pantu ico icimitwe muli ena ca Mupashi wa Mushilo.” Ena alefwaya ukuti amuleke mubumfisolu, mwamona, panuma yakumukobekela. Lintu iwe wa mukobekela, ukukonkafye nefyo caba kuli Lesa, iwe ninshi naumupa.

⁸⁷ Moneni nomba. Ena aali kwata ukucetekelwa ukwa maka ayo ayapelwa pali ena, ukucetekelelwa ukwape lwa pali ena Shikulu. Lesa ewamupele yalya amaka. Pamo nga fintu cali mwi baala Iya Edeni, kuti alanda “ee” nangu “iyo.” Aali kwata ukucetekelwa kwa mushilo ukwa bwanakashi, ukuti tafwile ukuputula. Ubwanakashi Ndelanda pano pa mibele yakwe, icifyalilwa cakwe ukulola ku baume. Tekuleka umwaume onse. . .

⁸⁸ Alolesha pa fitunshitunshi no kumona bakangala ba ma mangalo baleitomona, nokuikumbatila, nokuilekelesha, nokulaishingulusha, pali aba banakashi. Umwanakashi acita ifyo, wa micitile yabipa. Ena limbi kuti aba uwabunjinu, ngateifyo. Lelo, mwamona, mu mutima wakwe. . . Lintu, yalya mate, amate yabufyashi, yaba mukati ka milomo. Umwaume nga atomona umwanakashi, ninshi pakucita ico, mu cituntulu, nacita nankwe ubucende. Amate ya bufyashi yaba mu milomo ya mwanakashi kabili na mu milomo ya mwaume. Kuti amutomona pa cisansa, teti kube ukusakanya ukupitila mu mate yabo. Lelo amate ya bufyashi yaba mu milomo. Kabili moneni fyonse ifi ifyabulamo amano mu—mu Hollywood ileelo, fyonse ifi ifya kuilekelesha no kutemwana na banakashi, ne fyaba ngefyo, no twaice utukashana tulelolesha pali fyonse ifyo. Emulandu wine imisango nayonaika noku boola, no kutapa, mwamona, pantu balelangisha abana. Ico nacilungama. Cena cifwile caba ifyo fine mu bushiku bwakulekelesha.

⁸⁹ Nomba tontonkanyeni pe chalichi. Ale tomona noku ilekelesha, kabili ukuisakanya muli fyonse ifintu kanofye i Cebo, lekeni ciwa, na ma sambililo, ne fya kufwailisha ifya bu scienci, na fimbipo.

⁹⁰ Lintu, ifya bu scienci, ifya masmbililo, fyonse, fyaliba ifya pusana kuli Lesa. Imibombele yonse iyakutumpuluka iyo twakwata nomba yaliba mucituntulu iya bu mulwishakristu.

Imibombele ya masambililo yaliba iya bu mulwishakristu. Ukutumpuluka kula lwishakristu. Ila lwisha Lesa. Watila, “Ukulwisha ukutumpuluka?” Lesa ali nokukwata ukutumpuluka, bumo panshiku ishi, ukushakakwate imfwa ukwampana muli kwena. Uku ukutumpuluka kwisa na Satana. Nala cishininkiksha ico kuli imwe, nga cakuti Shikulu asuminisha, munshita ino iya bushiku, ukufumya muli Baibele. Fyonse ifi fintu fyakwa Satana. Ukutumpuluka kwesu ukupya takwakakwate nangu cimo pali ifi muli kwena.

Alikwta bunamayo ubu ubwamushilo.

⁹¹ Emulandu balya abaume bacitila muli ulya musango nga bali na banakashi, pantu abanakashi balicta muli ulya musango nga bali na baume. Ala panga ifya kucita cita kunse kulya ninshi nafwla nakaputula, kabili akaikata-pamubili, kabili ne fyakufwala fya baume ne fintu, mulya mu musebo, alesunsha nokusunsha. Temulandu fintu alanda, kuti aba uwabunjinu ku balume wakwe nga fintu engaba, lelo, mucinso cakwa Lesa, “Mucende.” “Uyo onse uwalolesha pa mwanakashi ukumukumbwa, kale kale nacita ubucende nankwe mu mutima.” Kabili ali itwele umwine kuli ico.

Kabili ico bwino bwinofye eflyo ichalichi cacita ne calo.

⁹² Moneni. Ifyo eflya bikwa kuli ena: amaka ya mushilo, bunamayo bwa mushilo, kabili bunyina, ukucindika umulume wakwe.

⁹³ Loleshenifye ileelo. Mu misumba imo, imisumba iingi, balakwata namangalo ayakalamba umo beta ubwikashi bwa bantu, ba membala ba ma chalichi, pamo. Babika ifisote fyabo panshi, no kukolwa nokubika imfungulo shabo muli fyena. Cila mwanakashi aya nokusenda imfungulo ukufuma mu fisote, pa mwaume balaikala nankwe pa nshiku sha kutusha. Yonse aya musango ayo amangalo! Apo, Nkwete ifingi ifya kulandapo apa, nga Shikulu atemwa, Nshi kwete inshita yalinga ukuti ningengila muli ici. We fiko we!

⁹⁴ Kabili ichalichi cibipilefye nga bena, nacilungama, ukupanga ubucende na fyonse ifintu, kabili takwata necakufwaya ukwingilamo. Afwile ukwikala ne Cebo.

⁹⁵ Ifikulwa fyabafye bwino. Ifipatala fyabafye bwino. Fyonse ifi fyonse fyabafye bwino. Ukutantika kwa masambililo, ifyo filifye bwino. Tufwile twaikala pano, tufwile twabelenga, ukulemba. Ifyo nicimo pafya mibombele.

⁹⁶ Nga fintu, tatwali nokulafwala ifyakufwala, mu kutendeka. Nka shimikila pali ico, kuntashi uno mulungu, Shikulu nga asuminisha. Lelo tufwile ukufwala ifyakufwala pantu Lesa alitupele ifyakufwala. Lelo, ku kutendeka, tatwafikabile. Twalifimbwa.

⁹⁷ Nomba alifimbwa mu lubembu lwakwe. Taishiba nokwishiba ukuti alebembuka, mwamona, nga fintu aali lilya. Kuli ba... Nomba alifimbwa kuli ciwa; nomba alifimbwa kuli Lesa. Ebupusano bwaciko.

⁹⁸ Nomba twasanga ukuti alipelwa ukucetekelwa kwa mushilo uko tafwile ukuputula: ukwa bunamayo, imicitile, imibele yakwe, ukukusha abana bakwe, ukuba uwaicindika ku mulume wakwe.

⁹⁹ Shino nshiku, balaposako amano kuli ico nga fintu ifishabako mu calo. Mufwile ukwikala mwi ofishi lyandi inshita shimo no kumona abaume baleleta abakashi babo, uko besha ukuba munshila iyalungama na Lesa kabili ukulanda pa baume bonse abo baikala nabo, kabili na fyonse fimbi, apo baupaninna. "Oh," mwatila, "ifyo..." Iyo. Abo niba Pentecosti. Uh-huh. Bambi tabakese. Eico cili...

¹⁰⁰ Nde landa umusango untu cena cingafuminapo, lintu mwasakanya cena pamo ne sonde, ne chalichi, kabili nama fashoni yonse nefintu ifyo twakwata. Ifwe tatuli nakabili kwati niba Pentecosti aba kubalilapo abali muli bulya ubushiku ukucila ukufuma munshita ino iya bushiku. Ifwe twaselela ukuya ku ncende imo, nokuya mu ncende yafita iya cimpfunganya ku ncende imo, nokuluba.

¹⁰¹ Weku cetekelwa we ukwamushilo! Wekushingamwa we ku mwanakashi! Nomba tulemona umulandu ico ena abela ica kupashanya ca Chalichi, ico icakwata ukushingamwa kumo kwine. Ngafintu umwanakashi akwata umushingamo wa mushilo iyabu nyina, kumaka yakwe, kumulume wakwe, i Chalichi calikwata umushingamo wa mushilo kwi pepo naku Cebo, nakuli Kristu cimo cinefye ngo mwanakashi.

¹⁰² Kabili nga fintu umwanakashi asendwa no mwaume umbi; lintu ichalichi cafumapo pa buutantiko bwamibombe, ubutantiko bwa mikulile nama sukulu, nefyaba ngefyo. Nshaba kwatila icintu nangu cimo icabipa. Bena bonse baliba abalungama. Balabombela nobukabilo bwabo. Lelo tababa...

¹⁰³ Yesu tatalile alanda ukuti, "Kabiyeni, noku panga ama sukulu." Ena atiile, "Kabiyeni nokushimikila i Cebo."

¹⁰⁴ Apo epo bacilekeleshe Cena. Tekupanga incende, ifipatala, nefyaba ngefyo. Kuli bena fyonse fyalilungeme lelo uyo temulimo wa Chalichi. Umulimo wabo kushimikila i Mbila nsuma, lelo twali bombelamo ifintu fimbi lelo ifyo. Kabili twaponenamo, nga fintu Satana acitiile, nokucisakanya ne Mbila nsuma shimo, icintu cimbi, kabili icintu cimbi, mpaka cena tacakwata nangu cimo ica aampama. Ukonaika, nangu fye lyonse, kabili lyonse isonde! Moneni ifyo cicitwa mwi sonde.

¹⁰⁵ Ukubelenga ipepala lya *Reader's Digest*, pano tapapitilie nenshita iitali apo abakashana banono balepita munshita yakuleka ubufyashi, nabaume nabo balecinja imibele, pakati

ka myaka amakumi yabili na makumi yabili na yasano iyakufyalwa. Bena balepita munshita yabukalamba. Ukonaulwa (Mulandunshi?) pamulandu wafyakufwailisha fya scienci palwa fyakulya nefintu ifyo ifya onaika, ukufuma kufintu fya cifyalilwa ifyo tubika mumibili yesu. Tatwaba nangu cimo lelo abantu abalefwa kukonaulwa.

¹⁰⁶ Nomba, ifyo efyo ne chalichi cili, pamo. Cili mumibele imoine.

¹⁰⁷ Ena cakupashanya. Alikwata amaka yamoyene ayasuma ukupitila mu Mupashi, ayapelwa kuli Ena, kukusunga u Mupashi ne Cebo, kabili niku kukana cita ubucende necintu conse ica mwi sonde nangu icili conse. Ikalafye nacisungu ku Cebo, ngefyo umwanakashi afwile ukwikala uwabunjinu ku mulumeme wakwe. Kwena ku cetekelwa ukwa mushilo, uku katamika i Cebo cakwa Shikulu Cakwe pamulu wa mamasambililo yonse umuntu-apanga, amano, nokwikatililwa konse ukwabapo. I Chalichi calipelwa uku cetekelwa.

¹⁰⁸ Nga cakutila balanda ukuti, “Ukuba, ichalichi candi...” Nshi lesakamana fintu ichalichi cobe ca cetekelamo. Ngacakuti cintu capusanako ku Cebo cakwa Lesa, fumako kuli cena.

¹⁰⁹ Baibele yatiila, “Yesu Kristu aba cimo cine maillo, ileelo, no muyayaya.” Mako 16 yalanda ukuti, “Ifi ifishibilo fikabakonka abo aba cetekela.” Ngacakuti ichalichi cashimikila icapusanako kuli Ico, taufwile iwe. Iwe ufwile wafwa kuli ico cintu. Nokufyalwa cipya cipya, mu Cebo cakwa Lesa. “Kabiyeni mwi sonde lyonse monse noku shimikila i Mbila nsuma kucibumbwa conse.” Apo epo Cena calingile ukufika. “Ifi ifishibilo fili nokukonka abo aba cetekela, mwi sonde monse, kabili necibumbwa conse ico icili noku cetekela.” Moneni fintu twafumine kuli Cena? Mucishinka. Lelo Ena ewashingamwa pali Ico.

¹¹⁰ Lelo nomba moneni ifyo, Hollywood, afumyapo ifintu fya bunjinu pabanakashi besu.

¹¹¹ Ninjikala pano ndolelesha namayo umukalamba uwatemwikwa, Nkashi Schrader, abengi banamayo pano, na kunuma, na Nkashi Moore apo palya, banamayo abakalambako abebukisha imyaka iinono iyapitapo. Nga cakuti ba nyinabo, nangu bena, nga balyendele mu misebo, munshila intu aba abanakshi balecita ileelo, ba membala ba mu ma chalichi, nga balibakomene balya abanakashi pakupena. “Aci laba ukufwala shiketi.” Ukuba, nga cakuti lilya cali kupena, na nomba kupena.

¹¹² Ukuba, moneni, icalo conse cilashininkisha ukuti uku kupena. Moneni pa fyakwipaya ne fintu ifilecitika nomba mu calo. Mwamona? Kupena!

¹¹³ Conse icintu cileisa mukufikilisha Ukusokolola. Tuli nokufikako kuli ici, uno mulungu. Uko, ifyo fintu fya tapa, tafyaba ifya cifyalilwa. Ifyo fyaba ifya ku mupashi, ifilenga

abantu balapundila amabwe ne mpili, kabili na fimbi fyonse, ukuti fiponene pali bena.

¹¹⁴ Ukwa pwililika, ukupena cino calo cili nokuyamo, panshita iinono, ili nokufika nombaline. Mulandunshi, kuti mwamona ifilengo fya makasa ifya uko. Uko kuli apo. Kule—kule foleka kunse kulya mu misebo, ukwisa mu fipuna fya mu ma chalichi, ukupena ukwapwililika, ukucita ifintu ifyo umuntu nse teti atontonkanye ukucita uwa tumpuluka.

¹¹⁵ Moneni ifyo Hollywood acita ku mwanakashi. Moneni ifyo caba. Caliba amaka ya bu mushilo uwa mwanakashi. Kuti twayafye tuletwalilila, kuti twatwalilila. Mwamona?

¹¹⁶ Fyonse ifi alilufya. Bushe acitile shani? Pantu pali ica bucenjeshi icibombelo icitikwa ichalichi, nga fintu cali mwi bala lya Edeni. Umuntu uwa bucenjeshi, ciwa, aingile mwi chalichi nga fintu acitile mwi bala lya Edeni, nokumubeleka ukwingila muli ico. Alibelelekwa. Umwanakashi atontonkanya... tacipilibula ena ukuba mu cilubo.

¹¹⁷ Efa tacipilibwile ukuba mucilubo. Tacali bufwayo bwakwe. Lelo ena... Baibele yatile, muli Timote Wacibili, Timote Wacimo 3, “Alibelelekwe.” Kabili *ukubelelekwa* temukutula ulefwaya ukucita cilya cintu. Ni lintu iwe wabelelekwa ukucita cilya cintu.

¹¹⁸ Kabili ifyo bwino bwino efilecitika ileelo. Ali belelekwa, ku citunshitunshi, kumapepala ya lyashi, kuli aba bantu, aba, fyonse ifintu balecita ukuya, mu misebo. Abakashana ba nomba, balolesha pa mapepala ya lyashi nokumona ifikope. Ba lolesha pa musebo. Bamona ifyakufwla mu matuka. Fintu Satana, cilya icibombelo ca ku—ku mbo, aisa panshi nokuba na bantu kabili ukubabeleleka ukubengisha muli ifi fintu! Kabili umwanaksahi amona kwati nalungika. Kabili alifwa kabili taishiba ici. Ena aba ukutali na Lesa. Mwamona fintu alufya fyonse ifi, na fintu cali ica bucenjeshi?

¹¹⁹ Ileelo, Nde fwaya mu loleshe. Yesu alilandile palwa ici. Kabili, nga kuti mwafwaya uku belengapo, Yesu alilandilepo ukutula icicintu cili nokupita (Bushe mwalishibe ico?) muli ba ora Yakwe bakushalikisha, cibe ukutanikwa Kwakwe takulacitika. Na tupabelenge, Uwashila Luka, i—i chapitala ya 23, kabili pakashitafye akanono, ngo kusambilila kwi sukulu lya pa Mulungu. Ukutampa ne versi lya 27, Nde cetekela Na lilembapo pamo. Yesu aleya ku Kalbale. Umfwenifye kuli ici lintu Nde belenga. Cisuma. Uwashila Luka 23:27, Nde cetekela, epo tu cikwete. Ifyo ndembele efyo filesosa. Ee. Aya yali apa.

Kabili abantu abengi balimukonkele, kabili... abanakashi, abalelosha no kumulila.

Lelo Yesu apilibukile kuil bena nokutula, Mwebana banakashi baku Yerusalemu, mwindila, lelo ililileni mwebene, na bana benu.

Pantu, moneni, ubushiku—inshiku shileisa...lintu baka tila, Balipalwa abashifyala, ne fumo ili shafyalapo, na mabele aya sha onshapo.

120 Aletontonkanya, ileelo, ukuti cansoni kuli Ena ukukwata umwana. Mwamona?

Nomba bakatampa ukusosa ku mpili, Poneni pali ifwe; kabili ify-...kabili ku ifyulu, Tu fimbeni.

Pantu nga bacita ifi fintu mucimuti ca katapa katapa, nifinshi bakacita mu ca uma?

121 Ukulanda pa bushiku ubo abanakashi teti bafwaye abana nakabili. Ba lefwaya imbwa nangu pushi, nangu icapala ico, lelo tabalefwaya abana nakabili. Mulandunshi? Ena ni “Ninyina wakwa Hubbard Umukote” nga akwata umwana. Mwamona? Ta lefwaya. Ico fya—fya kulanda fya mu Hollywood. Ta cifwaya uyu umwanakashi ukuba “Nyina wakwa Hubbard Umukote.” Eico ena ali, ali nokuya mubombelapo umwine nangu ena, imo, ico cikabalesha ukukwata abana. Ta bafwaya abana.

122 Yesu alilandile pali ici. Kabili nifinshi Alandile? “Pali ilya nshita bakatampa ukulilila amabwe ne mpili ati ‘Ponena pali ifwe.’”

123 Akalabomfya ifya kulesha ubufyashi ukubako, ukuti aleya ku mangalo. Teti asakamikwe ku konsha umwana. “Fikamulemanika. Lintu aba pabukulu, fika ba, fikesa mulemanika. Takamoneke fintu alemoneka.” Kabili umulume wakwe, uwaba uushaishiba ukumuleka ukuya iyo nshila. Tali nokumupela umwana.

124 Yesu alilandile pali ici. Kabili Atile, ukuti—ukuti, lintu balecita ici, pali ilya nshita bakaya mukulila nomba ku mabwe ukuponena pali bena. Uku Kwisa kwakwa Shikulu.

125 Balalipila indalama ishingi nganshi pali ba pushi, imbwa, ukuba bu nyina kuli shena. Ico nacilungama. Afwile ukuba nyina ku cintu cimo, pantu cifyalilwa capelwa kuli-Lesa.

126 Na mona. Nda lunga inama shampanga ishikulu. Cibuli umukalamba ku kupwa kwa mwaka, lintu aimitwe kuli cibuli iilume, akwete utwana utwafyelwe. Twali utukalamba-bwino utwafyelwe, limbi twalefina ba paundi umwanda nangu ukucilapo. Ale tupanga ukwenda bwangu nokutusha palwatuko, pantu ali nokuleta natumbi utwana. Twafyelwe mu Kabengele kakalamba. Cibuli taishibapo nangu cimo palwa ico.

127 Tufyalwa muncende ishinono. Fintu Lesa esa mukwisula tulya tucende utunono, utwine, utunono...kwati nikalya babikamo ka lamya kakwenda nako. Twafwaya nenshila tuleshinguluka. Nyina ninshi nalala mutulo. Talilepo nangu cimo ukufuma mu Lusuba lukalamba, kabili kano Kabengele kakalamba. Tulesa mukonka mpaka pakati ka Kapepo kanono.

¹²⁸ Nomba nga camona utwana twaciko, twena ninshi natukula-bwino, tulefina nangu ikumi limo na yasano amapaundi kamo. Twalyonkele kuli cena. Fintu citupela umukaka, ilyo litontokanyo lwakwa Lesa. Cilekala, icine ceka, kabili ukupanga umukaka wa twana.

¹²⁹ Kabili nomba nga tacimite, kabili tacikwete utwana natumbi, cili nokula tufwaila ifyakulya pa mwaka...utwa mwaka-wapitile utwana, kabili nokutusunga mulusuba lonse, pantu ici litontokanyo lya cifyalilwa capela-Lesa. Cifwile ukuba nyina wa cintu.

¹³⁰ Kabili nga umwanakashi nga teti akwatile umulume wakwe umwana, ali nokusenda imbwa nangu pushi, nangu icintu cimo. Afwile aba nyina kucintu cimo. Cena cifyalilwa cakwe. Lelo ukukwatila umulume wakwe umwana, no kumukusha mukubombela Lesa, ico mukupwililika tacaba mumutande wakwe. Afwile...Oh, ena kuti—oh, kuti aba uwansoni, nga cakuti alicitile ici, ku musango wa mwanakashi wa mu 1965 uwa bantu batemwa-ulubembu.

¹³¹ Icikope ica cishinka ica chalichi ya nomba ileelo! Kabili nama chalichi yanomba tayafwaya icili conse pali ifi apa, ukubilikisha, ukupunda, ukulanda-mu ndimi, Imilimo ya Batumwa 2:38 abanono uku mushinguluka. Ee. Ee. Mwamona? Ee. Tafwaya abali bonse ukupunda, kabili ukulila, kabili ukubilikisha ukutila, "Ameni! Alleluya!" Mulandunshi, umwana waifyo mukwangufyanya kuti amutamfisha mu cilonganino. Balikwete umo uwaba ngefyo muli cimo pa ma chalichi, mulandunshi, kuti bamutamfya mukwangufyanya.

"Malandunshi mwingalekela ifya musango ifi ukutwalilila?"

¹³² Eico, mwamona imwe, ena naimita icintu cimo, pantu ena aleleta ba membala inshita yonse. Lelo talefwaya nangu umo ukulabilikisha, ukupundisha, ukupongomoka, Imilimo yabatumwa 2:28, ifibumbwa fyabulanda ifyo ena atontokanya ukutila efyo fyaba. Cena icine cine kuti camulenga insoni ena. Kuti camonaula ena namasambililo yakwe, no bwiminishi busuma, ichalichi cabantu aba fya scienci abo aalimo. Bena kuti bamutamfya ukumufumya kunse, mu cisaka cimbi icali nokukonkapo. Ena teti acikwanishe ico. Eico talefwaya ukwimita i Cebo, pantu ico emusango umo untu i Cebo cingaleta ukumoneka.

¹³³ Icafyalwa ku Mupashi wakwa Lesa, cena cali kwata u Mupashi wakwa Lesa muli cena. Takuli ukwampana kwa mumano pakwampana-ne chalichi no kulaya-ku masambilisho, ukuputula imishishi, ukupenta icinso; tamwaba icintu icaba ngefyo muli Cena. Teti musange ifyaba ifyo mu Cebo cakwa Lesa. Kuti mwasanga uwa mafashoni-yakale, uwashilishiwa, umwana waisushiwamo na Mupashi wa Mushilo, uwafyalwa

ku Mupashi wakwa Lesa, alebilibikisha, ukupundisha, alepunda, alelumbanya Lesa.

¹³⁴ Ifyo fyonse teti akwanishe. Tefyo ena alefwaya Ifyo. Oh, iyo, mukwai! Iyo, icine cine. Cinshi ico ena alefwaya ukucita nomba? Eico ena aleta fibili, icinso-icapentwa, ukufwala-utuputula, ibumba lwakwa Yesebele, aba mucani ba “pushi,” efyo baita abene, Ndetontokanya ukuti nifyo fine. Mwamona? Ndetontokanya bafita ati ba pushi. Mwamona? “Lolesheni pali ulya pushi aleya kulya,” bena efyo balanda, nangu icintu cimo icaba ngefyo, na mwishiba.

¹³⁵ Ena afyelwe, nangu ukuupwa, ukubwelelamo ku mulume wakwe uwakubalilapo, Adamu wakubalilapo, no mukashi umucende Efa, umukashi wakubalilapo uwakwa Adamu. Imwe mulanda ukuti, “Uwabucende?” Ena mu cine efyo aali. Lelo, oh, ena alanda ukuti uyu Adamu, Adamu wakubalilapo, alifwa. “Oh, mu cine, ena afwile inshila ntali yapitapo. Ine nali fyalwa cipya, kabili,” ena alandile ukuti, “kabili Nalyupwa icine cine kuli Adamu wa Cibili, Kristu, i Cebo.”

¹³⁶ Mu musango nshi? Moneni ifyo atemwa. Losheni umutemwikwa wakwe, mulefwaya ukumona untu aba nankwe pamo mu citemwiko. I Cebo calanda *Ici*, lelo ena atiile, “I chalichi candi calanda *ici*.” Nomba ninani aba nankwe mucitemwiko pamo? Umulume wakwe ninani? Ifi sabo fyakwe efishininkisha untu ena aba. Nacilungama bwino, filangisha ifyo ena aba. Moneni. Ena afyelwe, mukubalilapo, kuli Adamu, pantu uko ekufyalwa kwa cifyalilwa kwakwe. Mwamona? Kabili tafumapo apo. Uyo emutemwikwa wakwe uwa mwi sonde. Ena alanda ukutila alifyalwa umuku wa cibili, kuli Kristu. Lelo umutemwikwa wakwe, moneni, ni Adamu, libe, ena aali temwa isonde.

¹³⁷ Kabili icintu—icintu cimbi, moneni umusango wa bana abo ena alefyala. Ico ecilanda ifyo wishi wabo aba, nangu cingaba ni Adamu wakubalilapo nangu Adamu uwa Cibili. Nga cakutila i Chalichi cakwata umwana wamuli Adamu wa Cibili, imiticitle yakwe ifwile ukuba iya kwa Adamu wa Cibili, nga fintu bacitile pa Bushiku bwa Pentecosti. Balya ebali abana icine cine abakwa Adamu wa Cibili. Mwamona? Nacilungama. Icfyalilwa cali kwati cakwe ne cakwe ena. Ee, mukwai. Abana bakwe abakashana, ifinso-ifya pentwa, imishihii-iyaputulwapo, ukufwala ifyakufwala fya baume, amatoloshi. Baibele yalanda ena ukukana “cita ico cena.” Ena ukuputula imishishi yakwe. “Cena ca nsoni kuli ena.”

Imwe mwalanda, “Leka ukulanda pali ico.”

¹³⁸ Ifyo efyo i Cebo calanda. Nde langishafye icifyalilwa. Ifyo efyo ena acita.

¹³⁹ Abana bakwe abaumwe, abana bakwe abaume aba fyalwa ukufuma muli ena, bashintilila pe sukulu, pa masambililo,

pesukulu ya Baibele, ifyo-itwa, ama college yamo ayakalamba ayo ayali nokuba ku nshita yakale iyapita, ukula batoota bena ukubafumya, mu cakubatootelamo icibomba muli uyo wine musango. Bakafwaya-wa filonganino, aba bukapepa bwapala ubwa kwa-Kaini ababafye aba mucani ku Cebo nga fintu Kaini aali; cisuma, ukubafye abalwala, abamucani nga fintu Kaini aali, icine cine, bakafwaya-ba filonganino. Imwe mwamona ifyo ifyo cena cili?

¹⁴⁰ Lesa tatalile abika ifilonganino pamo. Lyonse ena alakanako kuli ico. i Cebo Cakwe cilakanako kuli ico.

¹⁴¹ Lelo balekatilila bwino kuli cena, eico kuti mwamona neco baleleta icilemoneka. Ici langisha ifyo wishi wabo aba pamo pene na nyina wabo. Bwino bwino fye. Bwino bwino fye. Ukubafye abana bamucani nga fintu Kaini aali. Uyo emusango wa mwana akwete ukufuma kuli Efa. Bena bafumine ku Cebo, nomba moneni ico ena aletele. Ico ecofye bwino bwino ichalichi nalyo lya leta, icintu cimo cine.

¹⁴² Kuti nashininkisha ico kuli imwe ukupitila mu Cebo, ukuti apo epo amasambililo no kutumpuluka fifuma, ukupitila muli Kaini. Ico cilifye icalungama bwino bwino. Pantu balanda... Lelo bena—bena balanda ukuba abana bakwa Lesa, lelo bantu bafyalilwa-mufilonganino, abasambi bamasukulu ya mufilonganino, ne fintu fimbi. Ico nacilungama bwino bwino fye. Ubucenjeshi, uwacenjela! Owe! Ifyo efyali ne nsoka, wishi wabo. Cisuma. Ukubafye aba bucenjeshi kabili bakashimikila bafya scienci nga fintu Kaini aali. Mwamona? Cena caba bwino bwino fye icintu cimo cine.

Imwe mwatiila, “Munyina Branham, bushe ico cacine?”

¹⁴³ Isuleni ku Kutendeka 4:16 no kusanga ico. Mubwelele pano mu Kutendeka 4:16, pakashitafye akanono, mwalasanga ifyo cacitike.

Kabili Kaini aile...ukufuma mukubapo kwakwa SHIKULU, no kwikala mu calo ca Node, ku kabanga ke baala lya Edeni.

Kabili Kaini aishibe umukashi wakwe; kabili ena aimite, noku fyala Enoki: kabili akulile umusumba, nokwita ishina lya musumba, ishina...lya mwana wakwe, Enoki.

¹⁴⁴ Ukuya ku Tubali, ukusenselako kuntanshi, batampile, kwaba bakapanga wa fya kubomfya, inyimbo, na fimbipo. Ukutumpuluka kwaletelwe na Kaini, bwino, ukukula imisumba, ifibombelo. Abaishiba ifya scienci baletelwe na Kaini, ulubuto lwa nsoka. Nomba moneni versi 25:

Kabili Adamu aishibe umukashi wakwe nakabili;

145 Nomba, ena aishibe umukashi wakwe umuku umo kabili akwete abana babili. Mufwaye mu Malembo. Akwete Kaini na Abele. Mukwishiba kumo, abana babili. Mwa tiila . . .

146 Bali njebele, tapapitile inshita, ukutila teti cicitike, ukucitika. Natukwata umulandu mu Hollywood. Hollywood? Natukwata umulandu mu Tucson pali ino ine nshita, mu cilye ca milandu. Umwanakashi afyele umwana uwafiita no wa buuta, pa nshita imo ine. Bena batiile teti ena acite ico. Kuti ena akwata amani yabili ayatuntulu, pamo. Nabakwata bena uyo mulandu mu cilye ca milandu nomba. Nalishiba imbwa kuti shacita ifyo. Inama kuti sha cita ico. Kabili akwete kulya, umusungu atiile, “Na kulatungililakofye umwana wandi epela, lelo teuyo umbi.”

147 Kabili umwanakashi alandile ukuti. Ena alele no mulume wakwe mu lucelo lulya lwine, kabili no wafiita alele nankwe mu cungulo cilya cine. “Nga cakuti ulubuto emo luli,” dokota atiile, “mu nshita yaba ora amakumi yabili-na yane, kuti cacitika nga cakuti kuli ilini limbi ilituntulu mulya.” Kabili ifyo efyo acitile ico.

148 Kabili ifyo efya citike bwino bwino pano. Kaini ulya . . . Satana, lulya ulucelo, ne nsoka; kabili Adamu, mu cungulo. Lintu ena . . . Kabili akwete abana babili.

Nomba, *Adamu aishibe umukashi wakwe nakabili* (umuku wa bubili); *kabili afyele umwana umwaumwe*, . . .

149 Ibukisheni, tamwaba nangu pamo muli Baibele apo calanda ukutila Kaini aali ni mwana Adamu. Catiila, “Ena aali uwa mubifi,” te Adamu, “ciwa”.

. . . *aishibe uwakwe* (umuku wabubili), kabili aishibe . . . kabili akwete *umwana umwaume, nokwita ishina lyakwe Sete: Pantu Lesa, atiile ena, napyanishapo* . . . (Uyo tali u Lubuto ulutuntulu) . . . *aali mpela ine ulubuto lumbi mu cifulo cakwa Adamu, untu Kaini aipeye*. Eico . . .

Kabili kuli Sete, kuli ena pamo kwafyelwe umwana; kabili amupele ishina Enosi: kabili nomba abantu batampile ukwita pe shina lyakwa SHIKULU.

150 Te kufuma muli Kaini, ilya inkulo yacitoto, lelo ukufuma mu citoto cakwa Sete.

Eico, “Kaini emubifi umo.” Kwaishile insoka.

151 Nomba moneni. Baibele pa bwelu yalanda pano, ukutiila, “Umulumu wakwe uwakubalilapo afwile afwa,” teku mulekafye. Ena afwile afwa.

152 Napwishishefye nombaline ukushimikila pa *Kupana No Kulekana*, kabili imwe bonse namwishiba palwa ico. Nshilelandapo nomba, capamo, pali luno ulukuta pano, lelo ukuya monse mucalo. Cisuma. Nomba mwamona icacitke kulya,

mu *Kupana No Kulekana*. Lintu...?... Ifikakatikilo Cine lubali fya iswike, ico caletele Icine ici tuntulu pa lwaico.

¹⁵³ Eico, ukupwa kuli Adamu wa Cibili, Kristu, i Cebo, ufwile ukuiipatula we mwine ne mfwā, ukufuma ku cilonganino ku mulume obe uwa kubalilapo, pantu tapalipo umo pali bena uyo uwinga senda i Cebo conse ica kwa Lesa. Nangishafye ukuli uyo umo. “Oh,” imwe mwatiila, “uwandi.” Umbi umuntu alanda uwakwe, pamo. Babikeni capamo, kabili mwalasanga ukuti imwe bonse babili, namuluba, lilya line mwaba icilonganino. Belengeni Ukusokololo 17. Eico, mwamona, mufwile mwafwa ukufuma kuli cilya cintu.

¹⁵⁴ Nomba, Nshilelanda ifi ku bantu abalongana pano. Ndelanda capamo ukuya mu calo conse. Imwe mufwile mwafwa ku mulume wenu uwakubalilapo. Nga cakuti mwalikatana na Kristu kabili mu cili mwalyupwa ku cilonganino, imwe muli bacende. Muli ba Laodekeya.

¹⁵⁵ I Chalichi mu calo conse, bonse tulekonka Yesu Kristu, i Cebo. Ukuba muli Nabwina, mufwile mwa upwa nakabili ku Cebo cakwa Lesa, ico ni Kristu. “Mukutendeka kwali i Cebo; i Cebo caali pamo na Lesa, kabili i Cebo cali ni Lesa. Kabili i Cebo calengelwe umubili no kwikala pakati kesu.”

¹⁵⁶ Apo iwe uletwalililapo ukwikatilila ku ntambi sha filonganino, iwe witwa, mu Cebo cakwa Lesa, “umu cende.” Apofye iwe uuli kafwaya-wama sambililo ya cilonganino, uwaba chalichi wa cilonganino ico icakana i Cebo, iwe uli “mucende,” efyalanda Baibele.

¹⁵⁷ Yesu atiile, “Iwe tekuti ubombele ba lesa babili pa nshita imo ine. Iwe limbi kuti wabombela Lesa nangu icalo.” *Mammon* e “sonde.” “Ena uyo uwatemwa isonde, nangu ifintu fya mwi sonde, ukutemwa kwa kwa Lesa takwaba muli ena.” U Lubuto lwa kwa Lesa tekuti lusangwe muli ena pa nshita imo ine (ukutemwa kwa kwa Lesa) ukutemwa kwe sonde kuli mulya. Ilyo Lubuto lwa kwa Lesa lule bomba ukupitila muli iwe, ico e Cebo cakwa Lesa. Ukutemwa kwe sonde tekuti kube mulya pa nshita imo ine. Nomba ni kwisa ukuli umushishi uwipi, no tuputula, ne finso ifyapentwa? Nomba ni pesa fili?

¹⁵⁸ Iwe tekuti ube uwa bunjinu kuli Kristu, i Cebo cakwa Lesa, kabili no kubombela icilonganino icapangwa-na bantu pa nshita imo ine. Cena cintu capusana ku Cebo. Paulo alanda pano. “Nikwisa twingaya?” Abena Roma 7.

¹⁵⁹ Nangu iwe ukufyala abana abakwa Lesa, aba Cebo Cakwe, kuli ili bumba lya cilonganino cabana ba mucani. Tekuti ucite ico. Umwa kutotela kobe, teti ufyale umwana i Cebo cakwa Lesa. Ndelanda ku chalichi. Lelo mucili muletwalila ukulanda ukuti muli babukapepa nganshi. Ifyo fine efyali na Kaini, umwana we ule Efa, uwabukapepa nganshi, akulile ifipailo nokulapela amalambo, kabili no kupela ifye kumi no ku lacita ifintu

fyonse ifyo umuntu onse uwabukapepa engacita. Lelo afililwe ukusunga cilya Cebo. Afililwe uku kwata ubusokololo.

¹⁶⁰ Kabili ubusokololo e cintu fye cimo, ubusokololo bwa Cebo. Ni cinshi. . . Ubusokololo nicinshi? Yesu atiile, “Pali ili libwe epo Nkakula i Chalichi Candi, ne mpongolo sha kumbo tashaka lwanshe Lwena.” Icicetekelo busokololo; pantu Icicetekelo cali sokololwa kuli imwe.

¹⁶¹ “Abele, ku cicekelo, apele no busokololo (icicetekelo), apele kuli Lesa ilambo ilya wamishapo ukucila ilya kwa Kaini.”

¹⁶² Kaini atontonkenye ukuti pantu bena balya ama apples. Bena balifye nalilya line itontonkanyo, lelo tacali fyo. Cali bucende, ulubuto lwa nsoka. Kabili palya lintu Ifikakatikilo Cine lubali fyaiswike, fyena fya lilandile no kushininkisha ifyo. Ibuuku lyandi ilifumine lilelanda pali co cine. Totonkanyeni, natukwata ikana pano nombamba. Mwamona? Moneni. Ifyo fya mu Malembo, ukufuma ku Kutendeka ukufika ku Kusokolola.

¹⁶³ Pampela ya nshita, fyonse fibili ifimuti fili noku fika pakutwala imbuto no kuishininkisha ifine fyeka. Tuli pano, ileelo linefye, Laodekeya na Nabwinga, ifyo fye cilemoneka bwino nokuyemba ngefyo caba mu Malembo, kabili bwino ku finso fyenu. “Imwe tekuti mubombele Lesa ne sonde.” Tekuti iwe ube uwabunjinu umwina Kristu uwacetekela-Baibele kabili uwa ampana pamo we mwine mu ficitika mu filonganino. Iwe tetifye ucite ico pa nshita imo ine. Umo afwile afwa, no kulenga umu ukuba no mweo.

¹⁶⁴ Nangu imwe ukukwata i Cebo umwana wakwa Lesa. Nangu ichalichi teti cikwate ico. Bena tabafwaya cimo cimo pali ifyo, abana ababilikisha, abapunda no kulandila mundimi, kabili ne fintu fyonse ifyashala. Bena, teti ucite ifyo mu chalichi icilonganino. Bena tekuti bafwaye iwe ukuba nabo. Bena tababakusha muli uyo musango ngefyo. Baba sendafye ifyo fine nokuposhanya mumaboko yabo no kutiila, “Nga cakuti iwe nga wacetekela, ninshi iwe naukwata Ico. Apo ishina lyobe lyalilembwa mwibuuku, ico ninshi capwa epela eco iwe ufwile ukucita.” Mwamona? Bena—bena bana ba mucani ku Cebo, abatwalililapo ukulanda ukuti niba kapepa.

¹⁶⁵ Eico, baisulamofye amano yakwa Satana no kwishiba, efyo ichalichi casanguka! Batuma abantu babo ukufumapo ukuya ku sukulu, ukuya mukusambilila ifya kulanda “ameni” bwino mukulungama. Balasambilila umusango wakulandilamo fyena fyonse ifi, kabili no kuba aba mano nganshi. Cinshi ico? Ni ciwa ukubabikamo. Cintu nshi Satana abikile muli Efa? Kukana i Cebo, kukuba aba mano, kuku cenjela, kabili caonawile ububumbo bonse. Ifyo efyo bwino bwino acita mu Cebo ileelo, i chalichi. Aali bikamo umwine ama sukulu ya Baibele nama college, ne fintu ifyaba ngefyo, ukubelenga, ukulemba, ne nsamushi, kabili tabaishibapo nefingi palwa kwa Lesa ukucila

pafyo ba Hottentot baishiba palwa bushiku bwamu Egypto. Bena balishiba amasambililo yabo, amabuuku ya mapepo, kabili nafimbi ifintu, lelo tabaishibapo nangu cimo pali Lesa.

¹⁶⁶ Bena balishiba lintu i Cebo cashininkishiwa, lintu Lesa alandile kulya ku numa no kubika i Cebo Cakwe kuli cila nkulo ngefyo shalekonkana. Kwaishile Noah, kabili ashimikile kuli ilya nkulo.

¹⁶⁷ Nomba, nga ngacakutila Mose na ena ngalishile pamo, nokutila, “Natukule ubwato”? Ena nga alifuma mufyo cali. Lelo aali ni kasesema. Aali kwete no busokololo bwakwa Lesa.

¹⁶⁸ Lesa aali cishininkishe ukuba Icine. Ena afumishe abana, Israeli ukumufumya, nokulangisha i Ntumba ya Mulilo kuli bena, no kushininkisha kasesema; noku mweba bwino bwino ico Aali nokucita, kabili eco Ena acitile.

¹⁶⁹ Batiile, “Mwileka Lesa alande. Leken i Mose alande, epali twafwa.”

¹⁷⁰ Aatile, “Nshili nokulanda pamo na bena mu musango uyo, lelo Ndi noku bemisha bena ba kasesema, kabili bali no kulandu.”

¹⁷¹ Palya paiminine Esaya, atiile, “Nacisungu akemita.” Umuntu uwaba nga ena mubushiku lintu. . . Ni mumusango nshi na cisungu akemitilamo? “Kuli ifwe u Mwana nafyalwa: u Mwana nafyalwa, u Mwana na pelwa. Ishina Lyakwe likaba, ‘Kapanda wa mano, Cilolo wa Mutende, Lesa uwa Maka yonse, Taata wa Nshita pee.’ Ukekala pa cipuna Cakwa wishu, Davidi, Ena akateka. Takwaba impela ku Bufumu Bwakwe.” Nimu musango nshi cikabelamo? Ena taishibe. Alandilife mufyo Lesa alandile. Cena calicilapo pa cakutunganya conse, amano yonse. Cena cali cilapo napa fyakufwailisha ifya bu scienci. Cena Cebo cakwa Lesa.

¹⁷² Nomba tulasambilisha abasambi mu masukulu ku sambilishamo bashi mapepo mu Baibele ne fintu fyaba ngefyo, ifya mipepele yapangwa-na bantu, natukwata ama chalichi ayengi ayali fye nga Laodekeya, nga fintu Lesa alandile ukuti eflyo cikaba. Oh, owe! Lintu Na lolesha pali ico, cila nenga ukututuma. Abaisulamo amano yakupelulwila! Ufwile ukukwata amasambililo yesukulu likalamba ilyo taula ingila. Ufwile wakwata. . . ufwile waya mona shin’anga wamalwele yalola ku matontonkanyo ilyo tabala kulashika.

¹⁷³ Bushe kuti mwaingililamo Petelo, Yakobo, na Yohane ukuya kuli shi ng’anga wamalwele yaku matontonkanyo? Ibukisheni ukuti umwanda umo namakumi yabili pamulu palya, tabaishibe nefya kulemba amashina yabo? Ukwiminina kuli shing’anga wa malwele yaku matontonkanyo, ukumona nga cakuti bena. . . nga cakuti fyonse. . . nga cakuti ifyakwankula fyonse fyabo fili bwino, nafimbipo? Bena nga cakuti fileankula, lelo tafyali fya mano yakupelulwila nangu ifya kufwailisha ifya scienci. Cena

cali ukupitila mu Maka yakwa Lesa. Lintu Ya ishile pali bena, bena tabaishile cimbi icakucita lelo kano cintu Mupashi wa Mushilo abebele ukucita. Tabale kutika ku cintu cimbi ica mano yambi, ico ichalichi calandile, kabili na fintu ba shimapepo balandile, ico *ici* calandile, *cilya* calandile. Bena baleenda no Mupashi; abantu abashaletina.

¹⁷⁴ Yohane Wacimo 2:15, Aatila, “Nga cakuti watemwa isonde, nangu ifintu fya mwi sonde, ukutemwa kwa kwa Lesa ninshi takwaba muli iwe.” Mwamona? Eico ni mu musango nshi wingesulamo ne Cebo cakwa Lesa ico icisusha isonde, icisusha Hollywood, icisusha yonse ama fashioni yaciko, icisusha yonse amangalo ne fyakutwalililapo, kabili nefyo ifyo-ifitilwa mwi shina lya bukapepa? Cena cilasusha ico. Ni mumusangonshi i Cebo cingengisha mu muntu: nimusangonshi umwanakashi waputulapo-imishishi, uwa penta pa cinso, uufwala utuputula?

¹⁷⁵ Ni mumusangonshi kashimikila, engaya kulya ku sukulu basambilishako bashimapepo, kabili alolesha na mu Milimo ya batumwa 2:38 amona nokuti ta mwalimo umuntu nangu umo muli Baibele uwabatishiwe mu mitwe, kabili nokutwalililapo ukulanda ukuti ena alisulamo ne Cebo cakwa Lesa? Ninshi alemweba ubufi! Aali shitisha ububeli bwakwe. Aali citile ubucende ukulola kuli cilya Cintu ico ena alandile. Bali muleka, balilekana.

Les aali no kukwata i Chalichi icabunjinu, bwino bwino fye, Nabwinga.

¹⁷⁶ Baibele yalanda ukuti, “I Cebo tacaba muli imwe.” Kanshi muli bana bamusango shani mwe bafyalwa? Mwe baisulamo ifilonganino. Tapabapo imfwa iya mi patulako ukufumako ku mutemwikwa wakubalilapo.

¹⁷⁷ “Cinshi ba Yonese benga tontonkanya nga Naya ndelila nokulandila mu ndimi? Cinshi benga tontokanya nga cakuti Nali batishiwa nakabili?” We fyabulamo amano we! Bushe waupwa kuli Yonese? Nangu, waupwa kwi chalichi? Nangu, waupwa kuli Kristu, i Cebo?

¹⁷⁸ Nomba, uyo wine emulandu acili alefyalila abana bakwe. Bana ba musango nshi akwata? Aya yamo ema shina ba beta ileelo: bapuushi, bamukunkunya, ifinama fyabipa, Ba Ricky, ba Ricketta. Ba puushi, bamukunkunya, abo eba membala wa chalichi. Mucishinka. Bonse bana bakwe, ba mwana Kaini, abo ababa abana banamambi incenjeshi, ababa abaololoka efyo bena baba.

¹⁷⁹ Nomba kwateni ukulolesha bwino pakashita akanono, no kumona kwenu ukwa bumupashi, pa mweo wenu. Loleshafye ukushinguluka. Ndelanda ukuya monse mu calo nomba. Loleshenifye pama mineti ayanono, imwe mwebali mu Branham Tabernacle, imwe mwebali muma hema ku West Coast, na Arizona, na konse kuntu muli. Iloleshe we mwine pama mineti

ayanono. Iwe watiila, “Iyo i Mbila uleshimikila, Munyina Branham, nailubana.” Iloleshe we mwine pa kashita akanono. Leken i Mupashi wa Mushilo abebete amatontonkanyo yenu ne Cebo pamo, iwe walasuminishako ku Mbila. Leken i Kristu, i Cebo icasubwa, cibebete ka mpingu yobe. Leken i Ena engile muli iwe, umone nga cakuti Na cilungama nangu iyo. Kabili ico cilifye icintu cimo nangula fibili fintu Nalumbula, ilyo kuli imyanda ya fyena.

¹⁸⁰ Bushe Baibele ilasuminisha umwanakashi ukuputulapo umushishi wakwe? [Ulukuta lwatiila, “Iyo”—Kale.] Bushe Baibele yalacetekela, ukusuminisha fitatu, ulubatisho mwi shina lya “Taata, Mwana, na Mupashi wa Mushilo”? [“Iyo.”] Takwaba icintu ca musango ngo yo. Bushe Baibele ilasuminisha umwanakashi ukufwala icakufwala ca mwaumwe? [“Iyo.”] Cisuma, bulenipofye fitatu palya, lintu pali imyanda ukucilapo. Fwailisheni ico mu Lubuuto lwa Cebo cakwa Lesa.

¹⁸¹ Imwe mwatiila, “Ndi membala wa chalichi.” Efyo na Kaini aali. Efyo na Efa aali. Baibele yalisobela kali bela, mu nshiku shakulekelesha, ukutila Laodekeya akaba cimo cine.

¹⁸² Leken i Mupashi wa Mushilo abebete kampingu wenu, kabili walasuminishanya na Danielo 5:12, lintu na mfumu aishile ku cinsu cakwa Belteshazzar, kabili no kutiila ena asangile ukuti kwali kasesema, Dainielo, aali pakati kabo, kabili aali ni kapwisha wa kutwishika. Iwe leka Mupashi wa Mushilo, Ena e Kasesema wa buno bushiku, leka Ese mu mutima obe pali nomba line kabili no kwesha ne Cebo cakwa Lesa, kabili ifya kutwishika pa Mbila fyonse fyalapwa. Ena alapwisha ifyakutwishika fyonse. Iwe walasanga ukuti, cena bwino bwinofye cili pa Cebo ca buno bushiku.

¹⁸³ Iwe teti ushimikile imbila yakwa Luther ileelo. Yena ushimikile Yena, lelo ayo emakasa. Uh-huh. Uh-huh. Teti ushimikile iya kwa Wesley. Teti ushimikile iyaba Pentecosti. Ifwe twalikwata icine twalilapo apo. Bena baali icilonganino kabili balifwile. Bena emupeti.

¹⁸⁴ Umupeti wishila pamo ne cipembala mukubalilapo kwa mibele ya chalichi. Nomba, ukuti fyena tafimoneka kwati e lubuto lwakubalilapo ulwa byelwe mumushili, ingano.

¹⁸⁵ Ica bubili icakonkelepo ukufuma bungululu. Ico naco tacimoneka kwati lubuto. Bumoneka kwati cimo cine na lwena. Lwena lulemoneka nge cipasho ca lubuto ulutuntulu. Lelo amapembale mu cituntulu tayamoneka kwati lubuto ulwa byelwe mu mushili. Yena ni yakasenda wa bumi ubwali mu lubuto. Lelo cinshi ico lwacitile? Lwena lwamoneke ukucilapo, ngafintu ububumbo bumbi bwa mpama pamo na lwena. Lwena lwali fwile.

¹⁸⁶ Elyo cinshi? Ubumi buya mu mpupunga. Shena shalikwata utunono—utunono utubulungwa utukobama kuli shena,

tumoneka kwati tunono—tunono utubuto utwikata kuli shena. Elyo shimoneka kwati lubuto ulutuntulu, lelo te lwena.

¹⁸⁷ Elyo lwa ponena mu cipapa. Kabili cinshi ico lwena luleta ukufuma? Icipapa.

¹⁸⁸ Nomba, wabula ulubuto lwa ngano, lintu ingano shatampa ukusapula. Kabili Yesu atiile, “Ulubuto lwa ngano. . .” Kabili wabuula ilya ingano no ku isula. Wafumyako umupeti. Walolesha pali lwena. Watiila, “Natukwata ulubuto lwa ngano.” Ufwile wacenjela. Lwena lulemoneka mukupalana kwati eelo ulubuto, lelo tamuli napanono ulubuto muli lwena. Cena cipapafye.

¹⁸⁹ Kuli ba Pentecosti, “Abengi nganshi,” nga muli Mateo 24:24 ifyo calanda, “ukubepa nangu ulya wine Uwasalwa mu nshiku shakulekesha, nga kuti cacitwa.” Lelo iwe kutinta ibuula nebuula ku numa, iwe taukwete no lubuto. Ulubuto luli kulya ku numa ya luko. Mwamona?

¹⁹⁰ Kabili nomba u Mweo wabwekelamo ukufuma muli cilya icilonganino, ukuya mu lubuto. Nomba cinshi cicitika? Ilyo ulubuto lwatampa ukukula, kabili ukukulilako pakuti Lwena lwakupikila pa cintu cimo, icilonganino cafumako kuli Lwena. Mulandu nshi tatwinga kwatila icilonganino ukufuma Ici? Bena kuti babe. Ulo lwena lubuto. Tekuti luye ku ntanshi kumbi. Ifwe tuli pa nshita yakulekelesha. Nomba lufwile Lwacita cinshi? Ukwikala Mukubapo kwa Mwana, pakuti lwapya, ico cili bwino bwino, i Cebo ukupya mu mutima obe, ukuleta ukumoneka no kwikala ifyo ifwe tulelandapo. Ee, mukwai.

¹⁹¹ Nomba tamuli no kutwishika nakabili, nga cakuti mwaleka Mupashi wa Mushilo asokokolola Ico kuli imwe, nga fintu na mfumu alandile palwa kwa Danieli.

¹⁹² Limbi kuti mwatiila, “Cinshi ico ici cikwete no kutotela? Cinshi ico ulelandapo, Munyina Branham? Pano epo cena cili, kwashala ama mineti ikumi na yasano ukuti naini koloko ifike. Tamwacilandapo nangu cimo palwa kutotela.” We Mbila we iya ino nshita, kuli ine! Ee, icine cine.

¹⁹³ Bashifwe abalebeshi balitotele nganshi pa nshila yabo iipya iya mweo-ilya sangilwe. Ukuba iya patulwa ukufuma ku filonganino fya Cisungu ifya kale na ma sambililo, bena kuti baampana ku ca subwa i Cebo ca nkulo yabo; ico nacilungama, i Cebo icipya icasubwa ica nkulo yabo, ica bushiku bwabo.

¹⁹⁴ Eico natube abatotela, nga balebeshi, nga Abrahamu, ukuipatulako fwe bene ku fintu ifya mwi sonde, bonse bacibusu besu. Abrahamu aali mulebeshi. Lesa aali tupatulako ukufuma kuli bukapepa bwafwa. Ndelanda nomba ku calo nomba, yonse amasambililo yafwa. Kabili kuli cinshi? Yatupatwile, nokutwiswila icalo cipya, i Mbila iipya iya bunu bushiku.

¹⁹⁵ Pentecosti yalyumine no kufwa, kwati ni Luther, Wesley, na yonse aya shala. Yena tayaba nge bumba lya ma chalichi

ayatintwa no kuletwa capamo. Bantu abasuma ababa mulya, lelo bafwile ukufuma mulya.

¹⁹⁶ Cinshi ico Acitile? Aiswile Ifikakatikilo Cine lubali ifya Mbila yaku shalikisha. Mwa mona ico? I Fikakatikilo Cine lubali, ifyo, ifya nkama fyonse ifya nkulo sha chalichi cine lubali fyakakatikwe ne Fikakatikilo Cine lubali. Ba kaleta pamo tabakwete inshita iya kucita ico mu nshiku shabo. Taba ikele inshita iitali. Lelo ubu ubusokololo ubwa palwa Fikakatikilo Cine lubali, fyali sulwa kuli ifwe muli shino nshiku shaku lekelesha, ukufuma mu busesemo ubo ubwaile ku Arizona.

¹⁹⁷ Ilyo Na ipwishe Lesa, ubushiku bumbi, “Cinshi ico Mulecita na ine muno mu ciswebebe?”

¹⁹⁸ Bushe mwalishiba ukuti Mose ewalembale Icipangano Cipyaa... nangu Icapango Cakale? Ewa citile icine cine. Ama Buuku yane ayaku balilapo yapela amafunde, na fyonse: Ukutendeka, Ukufuma, Ubwina Levi, na Malango. Alembele Icipangano Cakale. Pakucita ico, ashile fyonse ifibusa fyakwe naba temwikwa bakwe nokuya mu ciswebebe.

¹⁹⁹ Paulo alembele Icipangano Cipyaa. Ico nacilungama. Alembele Abena Roma, kabili Abena Roma na yonse ayashalako kuli Yena kulya, Aba Hebere na Timote, na yakonkapo. Kabili pakucita ico, aali ipatwile umwine, nokutentemukila mu Arabia, mu ciswebebe, pa myaka itatu, no kukwata ubusokololo bwakwa Lesa.

²⁰⁰ “Oh,” imwe mwatiila, “nga palwa kwa Mateo, Marko, Luka, na Yohane?” Bena eba kalemba balya balembale ifyo Yesu acitile.

²⁰¹ Paulo apatwikeko no kubika i Cebo pamo. Ico nacilungama. Cisuma, nomba, moneni, nga cakuti asendele ico, nokuya ku ciswebebe, ukufuma ku batemwikwa babo...

²⁰² Ibukisheni cinshi, *Ni Nshita Nshi Ino, Mukwai?* Nibanga abaumfwa ico? Tileni, “Ameni.” [Ulukuta lwatiila, “Ameni.”—Kale.] Bushe caciba icalungama bwino bwino? [“Ameni.”] Nomba natukwata ubusokololo muli shino nshiku shakulekelesha, pa Mbila yakwa Shikulu Lesa iya kulonganya Nabwina Wakwe capamo. Takuli inkulo imbi umo calaiwa. Cena calailwa muli ino nkulo: Malaki 4, Luka 17:30, Uwashila Yohane 14:12, Yoele 2:38. Ubo bonse ubulayo bwabafye cimo cine ngo bwakwa Yohane Kabatisha uwalangishiwe palwakwe mu Malembo.

²⁰³ Yesu ailanga Umwine eka. Cinshi cintu balandile? “Tatule mufwaya umuntu wabefyo!” “Yohane muntu wamumpanga.” I chalichi cali kene ukucipokelela ico. Iyo enshila. Nangula ichalichi teti lipokelele ico ileelo.

²⁰⁴ Lelo, ku Basalwa, Lesa aleita Abasalwa. Balishiba ico: ukwita Nabwina wa bunjinu, i Cebo, Chalichi ya bushiku-

bwaku lekelesha, na Mayo wasalwa uwakwa Shikulu Yesu Kristu, i Cebo. Nga . . . Yesu e Cebo. Nibanga bacetekela ico? [Ulukuta lwatiila, "Ameni."—Kale.] Cisuma. Nomba, Nabwinga lyonse aba ulubali lwakwa Shibwinga, eico Nabwinga teti abe icilonganino. Cena cifwile cabafye i Cebo, icasokololwa, pakuba Nabwinga wakwa Kristu. Alaile ukucicita cena. Ena alandile ifyo Acitile. Tatala abomfya . . . ukulufya inshila Yakwe. Ena lyonse abomba ukukonka inshila. Efyo acita cena, inshita yonse, ukupitila mu nshila. Alacita ico nakabili, ukwita Nabwinga Wakwe uwabunjinu ukufuma mu bushiku bwakushalikisha, Rebekah umusuma ukulolela Isaaki Wakwe. We nshita isuma we!

²⁰⁵ Pano cileleta pa mbilibili, ama buuku yabili ayo ayalaba ayeni kuli imwe lintu mwabelenga ibuuku lya *Nkulo Sha ma Chalichi Cine lubali*. Amabuuku yabili: i Buuku lya Mweo, atiile, kuti walembwamo ishina lyobe, talya katale alifutwamo; limbi lyatila fumyamo ishina lyakwe mwi Buuku lya Mweo. Icalaleta bwino bwino pa mbilibili, bwino pano pene. Nalaimininako panono pali ba miniti banono, limbi, pa masihiwi ayanono ayalembelwe pano, mumfwikishe ici ilyo tatulaisalila.

²⁰⁶ Umweo cintu cimo ica mushilo, kuli Lesa, kabili calilembwa mwi buuku. Lesa e Kalemba wa mweo. Bushe mwalicetekela ico?

²⁰⁷ Ubwikashi bwa cifyalilwa cesu pano, ubo twakwata, buntu bwa pilibulwa bubi bubi. Bwena bufwile ukuba ubwikashi ubwa lungama, mukubalilapo fye, lelo bwali pilibulwa bubi bubi no kufyalwa kwa cifyalilwa. Ubumi bwaku balilapo, nangu ukwampana kwenu ukwa kubalilapo, kuntu imwe mwa ampenemo pa kufyalwa, ku cifyalilwa, imicitile ya cifyalilwa. Umuntunse wa cifyalilwa uwa ampanishiwa, umwaume no mwanakashi capamo, ukwa ampanishiwa capamo mu mibele ya cupo, ukwaletele umweo obe uwantanshi pano, kabili ifyo fyaba ifya ampana pamo no lubembu ne mfwa. Nga kuti wakana shani ukumfwikisha ulubuto lwa nsoka?

²⁰⁸ Lintu wa mona umwanakashi, uwafumishiwa; temwanakashi umbi nga ena; uwapangilwe muli ulya mutande, ukwishiba ukuti ena aali no kubepakwa. Lesa alishibe. Nga cakuti Ena taishibe impela ne ntendekelo, nomba ninshi Ena taali ni Lesa. Nga cakuti Tasangwa konse konse, nga Ena teo, nga cakuti Taali . . . kabili teti abe uusangwa konse konse ukwabula ukuipanda amano, ukusangwapo lyonse, ukwishiba ifintu fyonse, uwa Muyayaya. Eico Ali shibe ifintu fyonse, kabili Apangile ulya umwanakashi.

²⁰⁹ Umwaume takwete umukashi. Umukashi no mulume baali cimo cine. Ena aali kwete imibele yamupashi ya bwanakashi neya caume muli ena eka.

210 Aali patulwile, abula icafumishiwe, panuma ya kupanga ububumbo bonse. Takwali umwanakashi uwapangilwe na Lesa, mukubumba kwa kubalilapo, uwinga cita icintu ca musango uyo. Ena apangilwe ukutila, enga cita ico. Aali shibe ukuti ena aali nokucita ico. Nga cakuti Tacitile, Ena ninshi taali ni Lesa.

211 Lelo, mwamona, imibele iya yakwa Lesa yali nokulangishiwa. Ena—Ena aali nokuba Kalubula. Kabili no kupanga fyonse ifyapwililika, mu nshila Aci pangilemo, nomba ninshi takwingaba nangu cimo ukuluba. Oh, tamufwile ukuba abaice. Mufwile ukuba abaume nabanakashi. Tuli pa mpela ya musebo. Moneni.

212 Nomba, cena cali cifyalilwa, ica ampene pamo nemfwa. Umulume wenu uwakubalilapo, uyo uwa kwete bu kateka pali imwe, cali mibele ya cifyalilwa cenu. Icfiyalilwa, iwe walitemwa isonde pantu uuli sonde, kabili ulubali lwe sonde. Ico nacilungama? Ukukabila kwenu kwali, ku cifyalilwa, ukutemwa isonde ilyo mwaba ulubali nalyo. Imwe mwaba ulubali lwa cifyalilwa. Mwacetekela ico? Kabili ico ecintu cacifyalilwa cenu.

213 Uyo wine emulandu ufwile wafyalilwa cipya cipya. Ufwile waipatulako; ufwile ukufwa kuli ulya umulume obe uwakubalilapo. Teti wikale na cena. Iwe teti ulandefye ukuti, “Ukuba, Ndi noku mukana, nokumuleka aba ifyo fine pano mpaka bulya ubwafya bwapwa.” Iyo, mukwai. Takuli ukulemba kalata yakulekana! Ena ninshi afwa. Imibele ye sonde ifwile yafwa. Ubwafya bonse muli ena bufwile bwafwa. Mufwile mwabweshanya capamo, nakabili, ne Cifyalilwa cimbi.

214 Ishina lyobe ilya kubalilapo, lyali fyelwe, kabili nokubika mwi buuku lya mweo. Yonse imicitile yobe yalilembwa muli lyena, pamo. Fyonse ifyo wacita muli cilya icifyalilwa fyalilembwa muli lilya ibuuku, ilitwa ibuuku lya mweo.

215 Moneni, muli Daniele, lintu aisa ku “Mukulu wa Nshiku, Untu umushishi wali uwabuuta ngo butonge. Amakumi yamakana pa makumi ya makana yaishile pamo na Ena, ukwisa mukupyunga kuli Ena; na—na Nabwinga. Kabili nomba ama buuku yakupukwilwe.” “Kabili ne Buuku limbi lyaliswilwe, ilyo ilyali i Buuku lya Mweo.” Mwamona? Mulya mwaba abashila kale, i Chalichi, Nabwinga. “Nalimbi i Buuku lyaliswile ilyo ilya i Buuku lya Mweo.”

216 Nomba, imwe, lelo lintu mwapatwilweko kuli kulya ukwaampana, kwa mfwa yakumupashi: Uku kabila kwa cifyalilwa kubeya imishishi yobe. Ukukabila kobe ukwa cifyalilwa kufwala utuputula, ukupenta icinso cobe. Ukukabila kwa cifyalilwa kobe kuba uwasambilila, uwacenjela, uwaishiba ifintu ukucila abanobe. Ifyo efyo Efa alefwaya. Ico cine e cintu cilya cinefye alefwaya.

217 “Ukuba, landa! We munono, katamusha wa fibili-na fine kashimikila, iminina apo nokunjeba? Nalikwata Ph.D., LL.” Ifyo

fikutalusha fye ukufuma kuli Lesa, inshita yonse walundako icintu cimo. Mwamona? Mwamona? Ico nacilungama. Cena cacine. Mwamona?

²¹⁸ Ifyo eflyo Efa abulile. Ena aali uwaimita kuli ulya musango wa kwimita. Ifyo eflyo i chalichi cili ileelo, ukupitila muma sukulu ya Baibele naba sambilila. Kabili, moneni, umuntu onse alekana ukusumina kumunankwe, ubwafya ubukalamba bwino bwino ifyo Baibele yalanda, “Babyloni.”

²¹⁹ Nabwanga alishiba apo Aminina. Aba umunono nganshi. Tamuli nokuba abengi abapusuka; banono nganshi, nganshi, abanono nganshi. Iwe watiila, “Ukuba, kulya, balanda, ‘amakana.’” Ee. Lelo balisa ukupitila mu myaka amakana yabili, pamo, mu nkulo yonse umo Cena cafuma. Ici . . .

²²⁰ Inkulo yakwa Luther nalilya ibumba; kabili nomba calipwile, kabili baile, ababa ifilonganino; elyo nomba Wesley; kabili kwaishile ba Pentecosti, na fyonse ifyaba ifyo. Tonse utu misambo utunono utwa ba Baptisti, Presbyterian, ba Methodist, Nazarene, Pilgrim Holiness, ne fya ifyo, mwamona, yonse iyo imisambo ukufuma mulya nge buula.

²²¹ Lelo, ibukisheni, lintu lwa shikilwe mu mushili, kabili no lubuto lwatampile ukupya, mulesanga ukuti, ilyo lulya ulubuto talulapya, ifintu fyonse muli ulya mupeti fifwile fyafwa. Alleluya! Bushe teti mumone apo twiminine? Ubumi buli mu lubuto nakabili. Cintu nshi ico? Bwino bwino fye luli ngo lubuto lwa shikilwe mu mushili, Yesu umo wine mu mibebe yakwa Nabwanga, amaka yamo yene, i Chalichi cimo cine, ifintu fimo fine, i Cebo cimo cine. I Cebo cimo cine icasendelwe ukupita muli fyonse no kwisa pano, no kufika ku mutwe pano. Kabili no Mweo onse waisa ukupitila pano, wasenda abantu bauko. Nomba wena ule pangwa mu mutwe, muku Sumbulwa. Nkalanda palico mailo munshita ya bushiku, nangu ubushiku bukonkapo, bumo, Shikulu nga atemwa.

²²² Ukuba, imwe mwapatwike ku kwampana kwakubalilapo, ukupitila mu mfwa ya ku mupashi. Nomba mwalifyalwa cipya cipya, nangu mwalibweshanya mu cupo nakabili, ku kwampana kwa mupashi upya; te wa mweo wa cifyalilwa uwa fintu fya mu calo, lelo uwa Mweo wa Muyayaya. Ulya mweo uwali muli imwe pa kutendeka, waishile musanga.

²²³ Nomba, ibuuku lyobe ilya kale lyaliya, pamo no kwampana kobe ukwa kale. Nomba, ishina lyobe mu lyakale, mulyobe. . . balitwala. Nomba, watiila, “Bushe mulepilibula ukunjeba ukuti li buuku lyandi ilya kale. . .” Lesa aliposa muli Bemba wa kulaba Kwakwe. Wa iminina uwa pwililika ku cinso cakwa Lesa.

²²⁴ Nomba, ishina lyobe lyaba mwi Buuku ilipya; te buuku lya mweo, lelo mwi Buuku lya mwana wa Mpaanga ilya Mweo, lilya i Mpaanga yalubwile. Te buuku lya kale ilya kwampana kobe ukwa cifyalilwa, lelo ukupya, Nabwanga. Aleluya! Umweo obe

upya uuli mwi Buuku lya mwana wa Mpaanga ilya Mweo, icitupa ca cupo cenu, alleluya, uko umweo wa Muyayaya uutuntulu, ukufuma ku kutendeka, waikatililafye. Nomba ta waelwafye, lelo wali lungamikwa. Ubukata! “Uwalungamikwa,” Abena Roma 5:1 yatiila. Ee. Abena Roma 5:1 yatiila, “Eico ukuba abalungamikwa ne cicetekelo.”

225 Moneni ishiwi. Ishiwi talilepilibula “ukwelelwa.” Ishiwi lilepilibula “ukulungamikwa.” Lyena talilepilibula ukuti iwe walyelelwa.

226 Mucakumwenako, iwe wali umfwa ukuti Ine nalikolwa no—no kucita ifintu ifibi, na fyonse. Nomba waisa, ukulanda kuli ine. Iwe walisanga ukuti Nshacitile ifyo fintu, nomba waisa, watiila, “Munyina Branham, Ine nakwelela.” Ukunjelela ine? Nshacitile ico, muku balilapo. Mwamona?

227 Nomba, nga cakuti Nalicita ico, Ndi no mulandu. Lelo kuti wanjelela, kabili teti Mbe uwa mulandu. Lelo libe Nshili uwalungamikwa, pantu icine cine Nali cita ico.

228 Lelo ishiwi, *ukulungamikwa*, lyakuti kwati iwe tawa citile ico. Ameni. Cena tabala ciposako na mano, nakalya. Cibomba shani? Mwi Buuku lyakwa Lesa ilya muli Bemba wa Kulaba, ibuuku lyobe ilya kale ne cupo fya lilekana no kufwa, cena tacaba na mukwibukisha kwakwa Lesa. Ameni. Iwe walilungamikwa. “Eico ukuba uwalungamikwa.” Cena calipelwe umulandu. Iwe wali pelwe umulandu. Iwe tawa citile ico, mukubalilapofye. Ukwampana kwa kale kwaba muli Bemba wakwa Lesa Uwakulaba. Tawaupilwe kuli cena, mukubalilapo. Ena, Shibwinga, asendele ifya nsoni fyobe, Palwakwe, pali iwe, mucifulo cobe. Asendele icifulo cobe, pantu wa mwenenwe libela kuli Ena, ukuba muli Nabwinga Wakwe, nelyo umufula wa calo taulabako. Baibeke efyo yalanda. Uuli Lubuto lwamwenwa libela.

229 Nimumusango nshi wacitilemo ici? Wabepekwe muli cena ukupitila mu cupo cobe icakubalilapo, ku bafyashi bobo aba cende, Efa. Te mulandu obe pa lobe. Ukupitila muku fyalwa kwa cifyalilwa, wupalile Efa, uwacitile ubucende. Uyo wine emulandu wafyalilwe umucende. Uuli mu bembu, mukubalilapofye. Ico nacilungama. Wabepekwe muli cena. Ta wakwete. . . Iyo, iwe, te mulandu obe.

230 Ta watalile aucita ico. Pantu, ulya umweo unono uwali muli iwe, wali niwe, ilyo umufula wa calo taulabako. Lesa abikile ishina lyobe mwi Buuku lya mwana wa Mpaanga ilya Mweo.

231 Pamo nge lyashi lyandi ilyakwa kapumpe munono, imwe bonse mwalyumfwa. Nankoko. . . Shibulimi wakale atekele i—inkoko iikota, panshita imo. Eico takwete inkoko ishing. . . amani aya kubika pe samba. Eico asangile ilini lyakwa kapumpe, kabili balibikile pe samba lwakwe. Lintu kapumpe afyelwe, alemoneka uwaibela muku moneka pa nkoko shonse isho inkoko

shiine tashatalile ashimonapo, kapumpe umunono alekonka ukwendela pamo. Ne nkoko ikoota yaleya ilelila, “Ko, ko, ko, ko.”

²³² Kapumpe munono atiile, “Nshishibe ifyo uko ukulila kuli, lelo Nalamukonka, nangu cibe ifyo.”

²³³ Kabili shaile mu ncende basungilamo ifya kulya nokutampa ukusalawila mu miina ya mufundo batulike. Kabili alilile, “Ko, ko, ko. Ici cisuma. Ici cisuma. Iwe isa tube pamo. Kabili ifi efyo. . .”

²³⁴ Ulya kapumpe umunono, afililwe ukulya filya fintu. Mwamona? Ena fye—ena fye aile pamo ne nkoko pantu taishibe. Ena taishibe ifya kucita. Kabili afumine aya kunse kulya, kabili ena alebula *ici* nangu *cilya*. Kapumpe munono alebulafye. . . alelyafye ifyo, lelo ta—ta ishibe umusango wakucitilamo. Lelo alemona inkoko shonse shilecita ico, lelo palipo icintu cimo icapuseneko. Ena tatemewe cilya.

²³⁵ Eico, ubushiku bumo, nyina alishibe ukuti abiikile amani yabili. Eico atampile ukufwaya ulya umo, ukulapupuka ukushinguluka, ukulafwaya, kwati Mupashi wa Mushilo umukalamba. Ubushiku bumo apupwike ukwabuka umwakusungila ifyakulya, cilya icilonganino. Aloleshe panshi palya, kabili amwene akana kakwe. Abilikishe. Lyena lyali Lishiwi lya cintu cimo icatumine iciunda ukufuma mukati lya cintu cimo icatumine iciunda ukufuma mukati lya ena. [Pali tepu tapali amashiwi—Kale.] Oh, Ico caumfwika icalungama! Oh! Leken i uwa mwenwa libela—umweo wafyalwa, uwa mwenwa libela na Lesa, umfwe Cebo cakwa Lesa, Cena lwimbo kuli ena. Aali shiba ukuti Cena e Cine.

²³⁶ Alinaka kuli filya fintu fya mu cilonganino, nangu cingaba ifyo, “Isa twampane pamo. Isa, tuye pamo. Natukwata amangalo ya mubwikashi. Natukwata *ifi*. Na tukwata. . .” Cena tacaumfwike icalungama, ku kantu kalya akanono.

²³⁷ Ena atiile, “We mwana, tauli wa mwibumba lilya, nangu cibe ifyo. Iwe ufwife ukuba naine. Uli wandi.”

²³⁸ Atiile, “Mayo, ico caumfwika icituntulu. Ni mumusango nshi Ndi nokufuminamo?”

²³⁹ “Tolokafye. Ndekwikata.” Uh-huh. Ifyo epelafye efyo ufwife ukucita.

²⁴⁰ I Cebo icasubwa icakwa Lesa ukuba ica shininkishiwa ku cinso ca muntu onse uyo uwafyalwa ukuba umwana wa kwa Lesa, uwamwenwa libela pamo no mweo muli ena uwa ino nshita, aali nokumona i Mbila ya kwa Lesa mu cine ngefyo mwaba Lesa mu Muulu. Martin Luther alicimwene Cena ukuba ica bakwe. Wesley aali cimweene Cena ukuba ica bakwe. Ba pentecosti balicimwene Cena ukuba ica babo. Nomba ngapa lwa imwe? Uh-huh. Bena baile mu cilonganino. Pano pali i Cebo

icilesusha ico; ukukweba paco tufwile uku kwata ileelo, kabili bwino bwino fye Malaki 4 na fyonse ifi ifya bulayo bumbi ifya nshita. Cinshi ico ulemona? Cinshi ico uleloleshapo? Ameni. Pano efyo tuli. Abatuntulu, ba kapumpe balomfwa. “Impaanga shandi shumfwa Ishiwi Lyandi. Umweni teti shimukonke.”

²⁴¹ Mulandunshi? Cena cabikilwe mulya no kumwenwa libela. Walashikilwe libela ku mwana wakwa Lesa. Waali muli Lesa ilyo umufula wa calo taulabako. Iwe walangishiwafye muli buno bushiku kuku cindikwa Kwakwe no bukata. Nimumusango nshi winga citilamo ukwa buula uku cindika i Cebo Cakwe, kabili no kwiminina ne Cebo conse icakwa Lesa? Ee, mukwai. Cintu, iwe waba icipandwa ca cilya Cebo, muku mwenwa libela. Pantu, lolesha, Lesa e Cebo. Wa cetekela ico? [Ulukuta lwatiila, “Ameni.”—Kale.] Ukuba, nomba, nga. . . Ena lyonse aali Cebo. “Mu kutendeka aali Cebo.” Kabili nga Cebo aali ni Lesa, nomba ninshi imwe mwali muli Lesa. I Cebo, icipandwa ico iwe ufwile wabombelapo, caali muli Lesa ilyo umufula wa calo taulabako. Aali ku mwene. Aali kwishibe. Akumwenene libela kuli ico.

²⁴² Ndekweba, pamofye nga filya ulya kapumpe aishibe lilya shiwi, efi cita u—umutuntulu, uwafyalwa-cipya cipyu umwina Kristu eshiba Ishiwi lya kwa Lesa ukulanda ukupitila mu Cebo, lintu ba mona Cena ukuba icasubwa kabili ica shininkishiwa. Moneni. Aloleshe palya pa *Muulu*. Ta mwene uyu nankoko wakale alelila ko-ko ukushinguluka *pano*, “Isa tube bonse kabili tuye *nakulya*,” kabili, “tuye *ifi*,” kabili, “tuye kuli *ifi* na *kulya*.” Amwene i—i cintu nga fintu ena alefwaya ukuba, cilepupuka mu mwela, cilebilikisha, icintungwa, mulya umutali, ukucila pa makubi yonse ne fintu fya pe sonde. Aleluya! Alefwaya ukuba filya pantu cena cali muli ena ukuba filya.

²⁴³ Kabili umuntu uwafyalwa kuli Lesa, umwana wakwa Lesa, afwile akwata imibele yakwa Lesa. Ena afwile ukuba nga Lesa. Ala cindika Lesa. Ena aba ulubali lwa Cebo cakwa Lesa. Kabili muli shino inshiku shakulekelesha, isha kwa uyu na Nabwinga alebula imibele, bwino bwino fye amaka yamo yene ayo yantu Alimo pa kutendeka, yalisa ukupitila muli utu utubungwe, nefyaba ngefyo, nokufuma uku konka Nabwinga. Teti abe icintu cimbi kano cilya.

²⁴⁴ Bena balingile ukufimona Ifyo, bena aba Yuda mubushiku bwabo, lintu ba mwene Cena casokololwa kulya kuli bena, nga fintu kasesema alandile Ena efyo aali. Atille, “Mufwaya mu Malembo; muli Yena imwe mutontokanya ukuti namukwata u Mweo wa Muyayaya. Niyena Niyena eya pela ubunte palwa Ine. Nga Nshi citile imilimo yakwa Taata Wandu, tamufwile ukuncetekela Ine. Lelo nangu, ta Muncetekele, citeni i... mufwile mwacetekela imilimo iyo Na bomba.”

²⁴⁵ Bena batiile, “Bashifwe balile manna mumatololo pa myaka amakumi yane. Twalishiba apo tufikule.”

246 Atile, “Kabili bonse balifwa,” uko, ekupatukana u Muyayaya. Onse umuntu aali fwile. Kwali fye batatu, babili abafumine muli millionsi, yabili ama millionsi. Uyo ni umo muli millionsi.

247 Mulandunshi, inshindano, amenshi yabufyashi ukufuma ku caume na ku canakashi, lyonse kubafye ilini limo ilyapya. Kuba ilini limo, umweo umo uwapya, mwali mona paku sakanya mu n’gombe. Moneni. *Apa* pali u—umo millionsi wa mani; *apa* pali umo millionsi wa myeo; kabili lintu yena ba—ba yafumya, ukwisa capamo mwi fumo, ukupitila mu mupaipi no kwingila mwi fumo, emo fyakumanina. Yamo pali ayo mani. Umo millionsi wa mani; umo millionsi wa myeo. Mulifye ilini limo mulya ilyapya. Mulifye umweo umo uwapya. Yonse yali no bumi. Kuti mwa tumona utuombe tunono tulepitana uku shinguluka mulya, icintu cimo ico mwingabika pali cimo nokupashanya.

248 Kabili Demos na bonse balekutika muno bushiku, kabili alebukisha lintu twayatwele. Antwele kulya, no kunangisha ifyo cibomba. Utumipaipi, kabili babikilemo utwalinga utwa kuti wabika ukufika ku mpela ya kulinganishapo. Cali makana ya tuombe utunono ne shilume mulya, lelo ni imo pali shena iili no kuba no mweo. Imo fye mpo ukufuma mwi shena! Kabili shili ishabungana mi cisakatu icikalamba, *pano*. Kabili mwala mona, imo yala kalafuka ukufuma pali ishi shimo *pano*, nokutolokela kulya, umweo walaisa pano pene, kabili ne lini lyalaisa *kuno*; kabili ne lini lyaisa ukufuma pakati ka aya mani yambi ayali *kuno*, kabili yala kuminkana capamo. Aya shalapo pali ayo kufwa. Libe yena yali no mweo, lelo yena kufwa.

249 Pantu, kuliko Icintu cimo, Umuntu umo aali lenga *ili* lino ukupya, no kulashika *ili* limo, pamo. Lintu lyamwenwa libela, munyinane. Mucine. Lesa eufwile aishiba nga cakuti aali nokuba umulumendo nangu umukashana, uwakashikilila-umutwe, uwa fita-umutwe, nangu conse ifyo cingaba cena. Cena cishibikwa na Lesa. Ica nkama ukucilapo ne cakufyalwa kuli nacisungu, kuli ine. Lelo, moneni, ayashalako yonse yalafwa.

250 Kwali abantu ama millionsi yabili abafumine, baimbile, ba pundile, bacitile fyonse. Balandile mu . . . taba talile abalandila mu ndimi. Lelo bapundile, no—no kupela Lesa ubukata, no kucinda mu muulu-na-panshi kuli bembaba, kabili bacitile fyonse ifyo na bonse abashala bacitile, lelo kwalifye babili abaingile mu calo ca bulayo. Kaleb alingilemo, Kaleb na Yoshua, babili fye mpo. Ico ni umo muli millionsi. Ico ni umo ukufuma muli millionsi mukufyalwa kwa cifyalilwa. Onse pali bena akwete amapalo yamo yene.

Oh, imwe ba Pentecosti, Ndesubila tamufwile mwa celwa saana.

251 Umo ukufuma muli millionsi. Lolesheni. Ku fwile kwaba imyanda isano yama millionsi kuli abo abetwa abena Kristu

mu calo conse ileelo. Nga cakuti Yesu abwelele, kuti kwabafye imyanda isano abengaya pamo Nankwe, nga cakuti ifyo ifipendo kuti fyaba ifya cine. Mulandunshi, kuli abengi ukucila pali iyo abale luba cila bushiku, mu calo monse. Tabaishiba nangu cimo palwa ico.

252 “Nakutuluka,’ bakalemba batiile, ‘mwalishiba ukuti...’ Mulandunshi bakalemba balandile ukuti—ukuti, ‘Elias afwile abalilapo ukwisa?’” Batiile kuli Yesu.

253 Atiile, “Elias aalisa kale kabili tamwaishibe ico.” Mwamona? Acitile bwino bwinofye ico Amalembo yalandile ukuti ecili no kucitika kuli Ena. Mwamona? “Eico u Mwana wa muntu afwile acula. Pesamba...” Ta ba Mwishibe. Cibe, bonse baali mu chalichi. Bonse balelanda ukuba aba mweo.

254 Kabili lekeni uwacine, uwafyalwa-cipya umwina Kristu, umubomfi wa cine uwakwa Lesa, omfwe i Cebo cakwa Lesa, akesa no kupita mu cilonganino conse, ku ulya umushili uusuma, ukupitila mu Cebo, umushili wakupapilwapo. Aali nokucitafye. Nshishibe umusango akacitilamo ico. Lesa ewalashika ico ukucitwa.

255 Wa libelelekwe pa kutendeka, mu cupo cobe icakubalilapo. Nomba walishiba icaba icine. Pamo nga fintu Nalandile, kapumpe munono lintu aumfwile Ishiwi Iya kwa Shibwinga, aali likonkele Cena, ica subwa, icashininkishiwa i Cebo cakwa Lesa mu nshiku shakulekelesha.

256 Noah ewali i Cebo icashininkishiwa ica bulya bushiku. Bushe mwali cetekela ico? [Ulukuta lwatiila, “Ameni.”—Kale.] Cisuma, imbila yakwe teti ibombe ileelo.

257 Mose aali i Cebo icashininkishiwa ica mu bushiku bwakwe. Bushe namucetekela ico? [Ulukuta lwatiila, “Ameni.”—Kale.] Cena teti cibombe pali nomba. Yesu aali...

258 Yohane aali i Cebo icashininkishiwa. Mwacetekela ico? [Ulukuta lwatiila, “Ameni.”—Kale.] Tekuti cibombe mu nshiku shakwa Yesu. Icine cine iyo. Iyo, mukwai. “Amalango naba kasesema fyali mpaka pali Yohane; ukufuma apo, Bufumu bwa mu Muulu.”

259 Abatumwa, abalembele Baibele. Apa tulemona Luther aisa, Mukwisacinja, amashiwi yakwe, yakutila, i chalichi cakwe, tacifwile ukubomba ileelo. Aba kwa Wesley tabafwile. Ba Pentecosti tabafwile. Ico cabombe mu bushiku bwabo.

260 Lelo bushiku bumbi. Uku ekwisula kwa Fikakatikilo Cine lubali. Ni njishiba Ca umfwika iceni kuli imwe, lelo Lesa alicishininkisha mukupwililika bwino bwino. Tamwaba ica—ica kutwishika muli Cena. Ica pwililika bwino! Nshile pela ico ku balongana pano. Ndelanda ku bantu bonse ukuya mu calo. Mwamona? Kutu wacita conse ulefwaya kuli cena.

261 Nomba moneni i Cebo casubwa ica mubushiku bwakwe, ico cintu na imwe mwaba ulubali, ukupitila mu kumwenwa libela. Imwe palya penefye, kwati, mwalishibe. Lintu mwaumfwile Ico, mwali shibe bwangu bwangu ukuti imwe muli kapumpe. Mwailwike pamo ukuti tamuli inkoko ya mu cilonganino, muku balilapofye. Mwali shibe ukuti kwaliko icintu icalubene kulya. Kwaliko icintu cimo icalubene, ico nacilungama, pantu imwe mwalishibe ukuti mwabepelwefye muli ico, ku kutendeka.

262 Ena, Shibwinga, afumishepo ifya nsoni shobe, “No kushiposa muli Bemba Wakulaba, ukupitila mukusambwa kwa Menshi ya Cebo no Mulopa wa Mweo.” Ifyo efyo Baibele ilanda. Umulume wenu uwaku balilapo untu mwaupilweko, icalo. . . Shibwinga wasubwa, uyo uwa milashikile libela, alimisamba nokusambwa na Menshi. Ne “chalichi”? [Ulukuta lwatiila, “Iyo”.—Kale.] Ico tacumfwike bwino, te ifyo? [“Iyo”.] Kuti limbi mwasanga ico mwibuuku lilembwa pa myaka, lelo te muli Baibele yakwa Lesa. “Ukupitila mukusambwa kwa Menshi ne Cebo”. Mu Cebo! Mwamona? Ne. . .

263 Mwa iminina abalungamikwa muku pwililika, kwati tamwa cicitile ku kutendeka. Iyi e Mbila yandi ku Chalichi chi nomba. Lintu imwe. . . lintu tulefuma pa mwela, pa nshita fye inono. Imwe na mwiminina, ngacakuti mwiminine pa Cebo cakwa Lesa kabili pamo ne Cebo cakwa Lesa, ameni onse, utunono tonse, icifulo conse. Nipesa wiwminine? Ndeesha fye uku myeba, ukumifumyako mufipapa. No kwisa muno mu ngano, umo mwingapya kucinso ca Mwana. Ndeumfwa ukwisa kwakwa kabika pamo. Mwiminine abapwililika, abalungamikwa, kwati tamwa citile ico mukubalilapo. Aleluya!

264 Landeni palwa kutotela! Naumfwa bwino icine cine. Ndetotela apakalamba pali ico ukucila pacintu conse Naishiba.

265 Niwe we uwabula ifiko, uwabunjinu, Nabwinga wabula ulubembu uwa Mwana wa kwa Lesa wa mweo. Umwaume onse no mwanakashi uwa fyalwa ku Mupashi wakwa Lesa, kabili nokusambwa mu Mulopa wakwa Yesu Kristu, kabili uwacetekela mu Cebo cakwa Lesa, uwaiminina kwati tacitapo no lubembu muku balilapo. Waliba uwa pwililika. U Mulopa wakwa Yesu Kristu! Kuti waba shani. . . Nga cakuti umuntu. . .

266 Nga cakuti Nali nokufwa mu lucelo, umuntu umo abula icifulo candi, Nakana ukufwila pali lulya ulubembu. Umuntu umo ewabula icifulo candi.

267 Na Yesu, i Cebo, abulile icifulo candi. Asangwike ine, ulya umubembu, ukutila Ine naba Ena, i Cebo. Ameni. Lekeni njikatilile uwa cine kuli Ico, te chalichi. I Cebo! Ameni.

268 Oh, uko ukwampana kwa mupashi ukwa kwa Kristu ne Chalichi Cakwe nomba, lintu umubili uleba i Cebo, kabili ne Cebo naco cileba umubili, icasokololwa, icashininkishiwa. Ico Baibele yalandile ukuti cika citika muli buno bushiku, cena cile

citika, ubushiku no bushiku. Mulandunshi, cena cilelundwako mukwangufyanya kulya, mufi swebebe filya, ne fintu ifilecitika, ifyo Ine tekuti nkumanishe. Tuli mupepi no Kwisa kwakwa Yesu, ukwampana pamo ne Chalichi Cakwe, apo i Cebo nombamba caba i Cebo. Ukwita kwa Mupashi wa Mushilo, ukubebeta imitima!

²⁶⁹ Nawiminina, mukupwililika. Tawabembukanapo mukubalilapo. Lesa taishibanapo nangu cimo. Lwena lwaba muli Bemba wakulaba. Iwe tawacitile ico. Bakubepeshefye, kuli kabepesha. Lelo icine cine, ukufuma kukutendeka, iwe wa mwenenwe libela ukuba umwana umwaume no mwana umwanakashi uwakwa Lesa. Na wiminina apo, uwasambwa. Kabili nebuuku lyobe ilyakale ilya kulekana lyali fumishiwapo, kabili lyena lyalifwa, mukupwililika talimoneka, nangu fye nimumatontonkanyo yakwa Lesa.

²⁷⁰ Niwe Nabwinga wa bunjinu uwakwa Kristu, uwasambwa mu Mulopa wakwa Kristu. Umusuma, uwabunjinu, uwabula ulubembu u Mwana wakwa Lesa uwaiminina ne capwililika, icishafumishiwa i Cebo-Nabwinga ico Asambile na Menshi ya Mulopa Wakwe Wine; uyo uwali umubili no kusokololwa, ukutila Enga bula imwe mwe ba mwenenwe libela pa cifuba cakwa Wishi, ilyo ukutendeka takulabako, cimo cine nga fintu Ena aali. Ewali ilya imibele ikalamba iyakwa Lesa, iyo twita “ukutemwa.”

²⁷¹ Fyonse fintu mwaba, muli babomfi bakwa Lesa, nafyonse fintu Lesa afwaya imwe ukucita, apaba icifulo cenu. “Lesa abikile mu Chalichi, bamo abatumwa, bakasesema, bakafundisha, bakakumba . . .” Abikile ico ukupitila mu maka yaku mwenwa libela Ayakwe Palwakwe. Kabili imwe mwali ico, mukubalilapo.

²⁷² Ubwinga bobe ubwakubalilapo bwali kanshilwe. Efyo bwali. Iwe tawacitile ico, mukubalilapo. Pantu, kwabafye icintu cimo icinga cita ico, ico ni Lesa ukwikila, Palwakwe, nokubula icifulo cobe mu mibele ya Mwana wakwa Lesa, Yesu Kristu, no kusamba iwe na Menshi, ukusamba na Menshi ya Cebo. I Cebo; te cilonganino! I Cebo ecakusambile. Nga kutila tawiminine mukusambwa kwa Menshi ya Cebo, nimumusango nshi uli nokusambilwamo? Iwe ucilifye uwa matoni matoni nga fintu Efa aali.

Oh, wewatemwikwa we mwana wa Mpaanga
iilefwa, Umulopa Obe uwa Wamisha
Tawakatale lufya amaka Yauko,
Mpaka conse icashitwa i Chalichi cakwa Lesa
Cikapusuke kukukana bembuka nakabili.

²⁷³ Ulubembu ni cinshi? *Ulubembu* “kukana cetekela.” Ukukana cetekela muli cinshi? I Cebo; ukukana cetekela muli Lesa, uwaba e Cebo.

274 Icawama, icishabikwako nangu cimo; oh, alleluya; ukuya nomba line mu makumbi; ameni; ukwiminina abaipekanya. Tontonkanyeni. Insalu shenu, ukusambwa na Menshi ya Cebo icilesuma! I Cebo ukwaluka u Mulopa. I Cebo casumine imwe, ukusambwa na menshi ya Cebo. I Cebo, cilesuma! U Mweo wakwa Lesa mu Cebo, kabili ne Cebo casumine imwe, ukuti imwe mwinga sambwa ukufuma ku fiko fya aya amaule, kabili nokuba aba wamishiwa noku shilishiwa nokusambwa na Menshi ya Cebo, no kulenga amano yobe no mutima ukwikala pali Lesa kabili napa Cebo Cakwe.

275 Nomba, musango nshi wingeshibilako ukuti Cena cituntulu? Lintu Lesa aikila panshi no kushininkisha Cena nokupela icishininkisho.

276 Iwe kuti watiila, “Cisuma, Ine nshacisumine Cena muli ulo lubali.” Taba cisumine Cena nangu munshila yakwa Yesu, lelo Lesa aali cishininkishe Ico. Taba cicetekele Ico mu nshila yakwa Noah. Taba cicetekele Ico mu nshila yakwa Mose. Bena bakabile ukusenda ishiwi lyakwa Balaamu pali Ico, “Ifwe bonse twalingana, eico lekeni tuleumfwanafye capamo.”

“Ipatuleni mwebene,” Baibele efyo yalanda, “ukufuma ku kukana cetekela.”

277 Alleluya! Nomba moneni. Imwe tamwabafye ico ceka, lelo muleya ku Bwinga mu makumbi. Kabili na mufwala ne ninda minwe yakumwenwa libela, ukusenamina kwabula ukubomba, ininda minwe ya kusenamina kwa bula ukubomba kwenu. Lesa ewacitile ico, Palwakwe. Aali mishibe nelyo umufula wa calo taulabako, eico Ena amifwikile ininda minwe yabwinga pali imwe Kulya, no kubika ishina lyenu mwi Buuku. We kupela ukutotela we! Alleluya! Lumbanyeni Lesa wesu!

278 Nomba, mukwisalila, limbi kuti Nalanda ici. Bonse twalishiba ukuti chalichi ya nomba, Pentecosti, mumibele ibelelemo nomba... Ifilonganino fyonse pamo, Nalafibika fyonse mu mwanshi umo, pantu efyo fyaba. Ibukisheni, Ena aali noku kaka amankumba, mukubalilapo, noku yoca. Ukubula i... Akabula ifyani fya ngano nokufyoca fyonse, mukubalilapo; nomba Akesebula, akese nokubula ingano Shakwe no kushitwala ku ng'anda. Bena bonse baka bikwa capamo mu mwanshi umo, umwanshi waba Methodisti, ba Baptisti, ba Pentecosti, bonse ukuya mu Cisaka Cafilonganino. Epela fye. Fyonse ukocewa. Mwamona?

279 Bonse twalishiba ukuti ichalichi calelo, mu mibele cilimo nomba nefyo cilemoneka, te mibele inga pwisha icakulashika cikalamba ico Lesa apele i Chalichi ica bunu bushiku. Nibanga ba Pentecosti bengalanda ukuti “ameni” kuli ico? [Ulukuta lwatiila, “Ameni.”—Kale.] Cisuma. Mwamona? Cena ci . . .

280 Ifwe nifwe ba Oneness, Twoness, Threeness, *ici*, *cilya*, *cimbi*, ukuilishanya ukulwa. Umo ali *ici*, na umbi ali *cilya*,

kabili *naumbi*. Kabili na onse pali bena, aletina ukulolenkana ne Cebo, ukufika bwino ku kwishiba. Mwamona? Balishiba. Nga wabeba palwa Cena, batiila, “Ine—Ine teti ncafwe cena. Teti nctetekele Ico. Nshilesakamana fyonse alecita. Ine...” Mwamona? Mwamona? Mwamona? Cilangisha ba mayo na bataata abomwakwata. “Iwe limbi kuti waba kashimikila wa ncende ikalamba ubushiku bumo. Kuti limbi waba *ici, cilya*, nangu *cimbi*.” Cawama waba umwana wa kwa Lesa.

²⁸¹ Nomba, natwishiba ukuti ichalichi tekuti, ichalichi caba Pentecosti, mu nshila yonse, mu nshila yonse, tekuti basende i Mbila yabushiku-bwakushalikisha mu mibele intu cibebelele. Bushe kuti cacita? [Ulukuta lwatiila, “Iyo.”—Kale.] Mulandunshi, cena teti cisumineko pa Cebo cimo nangu fibili mu Baibele. Nimunshila nshi winga citilamo ico? Cena naciflwa. Eico, mwamona, icilonganino nacifilwa. Ico nacilungama.

Cena cifwile ukubafye abantu abasalwa kulico. Mwamona?

²⁸² Nomba, ishibeni, kabili eico nabonse pakati kesu twalishiba, ukuti umulongo wa ifilonganino fyonse, ba Pentecosti na bonse, balifwa, ico cili, ku bena Kristu bafyalwa-cipya aba mu Mbila. Uh-huh. Umulume wenu uwakubalilapo aalifwa. Mwalishiba ukuti ena aalifwa. Lesa alicileka cena cafwa. Cena calipwa. Nafyonse ifya bu scienci fyakwe, amano, amasambililo, inshila sha scienci iya ifyo-beta amasukulu ya Baibele ne fintu fya lyonaiika. Finshi fya cita? Fyali patukana, ba oneness *pano*, naba trinities *pano*, kabili ba twoness *pano*, kabili nakuno *kumbi*, na *kulya*, kabili ifya fulungana ifyo, kabili nokulaita abene beka ba Pentecosti.

²⁸³ Mulandunshi, Naile ku mwaice, ubushiku bumbu; ale umfwako, nomba line. Kabili umwanakashi umwaice, ena waku chalichi cimo. Atiile...Natiile...Bali lekene. Natiile, “Mulandunshi?”

Atiile, “Tuli ba cicetekelo icapusana.”

Natiile, “Oh, Naumfwa ubulanda. Muli ba Katolika?”

²⁸⁴ Ena atiile, “Iyo.” Anjebele ichalichi ca cilonganino abako, ni Pentecosti.

²⁸⁵ Natiile, “Muli bani *imwe*?” Ena nao ni Pentecosti, pamo, lelo icilonganino cimbi. Oh!

²⁸⁶ Mwa lishiba ukuti, ichalichi ca Roma Katolika ecatampile, Pentecosti? Nibanga baishiba ukuti ico ecine? [Ulukuta lwatiila “Ameni.”—Kale.] Papita imyaka amakana yabili ukufika apo cifikile nomba, tabasendapo nangu cimo ica mu Malembo na kabili. Takwaba. Mulandunshi, ba Pentecosti, mu myaka amakumi yabili ukufuma nomba, bakaba ababipilako ukucila ifyo bali nomba, cena ciletwalililafye ukuba mu musango cibebelele nomba. Mulandu nshi, icine. Mwamona? Cili cinshi ico? Cili cinshi ico? Lolesheni ifyo wishu wabo na nyina ifyo baba.

Ukuleka abanakashi babo ukubeya imishishi yabo. Bena kuti bacita conse ico bengafwaya ukucita. “Apofye bena baba mu chalichi, ico ecaba icikabilwa capwa.”

²⁸⁷ Oh, emulandu, emulandu ukususha Lesa kuilako pa muulu! Lesa acibika icalungama kuli imwe Naimwe mwaisala amenso yenu kabili nokufilwa ukulolesha pali Cena. Ee. Ukwisala imweo sha luse lwenu, lintu mwamona i Cebo ca cine ica kwa Lesa ne Fikakatikilo Cine lubali file shininkishiwa no kulangwa ukuti eflyo fyaba. No bunte mu myuulu, ukuya monse mu fyalo na konse mu ncende shimbi, ukuya monse mu fyalo na konse mu ncende shimbi, ukupitila mufishibilo fikalamba ne fisungusho ifyo Alaile Ena ukuti aali nokucita, nomba mwaisalako, mwatila, “Ine—Ine nshishibe. Ine—Ine teti ncafwilisho ico. Ine. . .” Mwamona? Oh, owe! Cena califwa, kabili nokwishiba tamwaishiba ico. Imembu ne filubo! Imwe mwalifwa. Oh, owe!

²⁸⁸ Bonse natwishiba ukuti ichalichi muli ilya mibele cilimo teti cipwishe buno bushiku bwakulekelesha. Kuti caleta shani Malaki 4? Kuti cabomba shani? Taba cetekela namu cintu camusango ngo yo. Kuti cacetekela shani, mwaletamo Luka 17:30? Kuti cacita cinshi ilyo mwaletamo aya Amalembu yambi ayo ayalaiwa muli buno bushiku bwaku lekelesha? Teti cicite ico, pantu cena cilakana Ico. “Nga fintu cali mu nshiku shakwa Loti eflyo cikaba napakwisa kwa Mwana wa muntu.”

²⁸⁹ Lolesheni pa mibele, Loti, muli ulya Sodomu alimo, muli bulya bushiku. Lolesheni, imibele ya chalichi iya ino bushiku. Lolesheni pa cacitike pali Abrahamu, uwa Salwa.

²⁹⁰ Lolesheni pa cacitike pali Loti na bonse mulya mu Sodomu. Lolesheni pali Billy Graham na Oral Roberts, bena kulya pakati kafilya filonganino. Lolesheni pa casalwa i Chalichi cakwa Abrahamu, ba fuminemo.

²⁹¹ Losheni pa musango wa cishibilo, ico Yesu Umwine palwakwe, Lesa uwaipilibwile uwaiminine palya mu mubili wa muntu. Imwe mwatiila, “Ulya aali ni Malaika.” Baibele yatiila Aali ni Lesa.

²⁹² Shikulu Lesa, Elohimu, naiminina mumubili wa muntu, ukulangisha ukuti Ena aali nokusuba i Chalichi Cakwe mu nshiku shakulekelesha, cena cikaba ni Lesa ukubombela mu mubili wa muntunse nakabili. “Nga fintu cali mu nshiku sha Sodomu, eflyo cikaba pakwisa kwa Mwana wa muntu.” Umusango wa cintu cimo cine. Bacimwene icalungama mulya mu Malembo. Belengeni ama. . . “Fwailisheni mu Malembo, pantu muli Yena imwe mutontonkanya ukuti na mukwata u Mweo wa Muyayaya.” Kabili Yena e Yena aya pela ubunte pali Ici. Mwamona? Mwamona?

²⁹³ Eico twalishiba ukuti balifwa. Lesa lekeni cena cifwile mukuitemwa kwaciko, scienci, ubutantiko bwa masambililo.

²⁹⁴ Bonse ba Pentecosti balelanda palwa—palwa kutuma abana bano ukuya ku sukulu lya Baibele, kunuma lintu umukalamba Munyina Loyate na bena baali pano, kuti bakutamfya ukufuma mu chalichi. “Lelo, oh, cena cintu cimo icikalamba. Umwana wandi aliya kulya kusambilila Baibele.” Ena alembila inshishi yakwe. Eico, nomba, mulentonkanya kuti bacipokelela Ici, ileelo?

²⁹⁵ Mulentonkanya Ndeesha ukutungilila ukukana ishiba? Nshiletungilila. Nde mweba ukuti kwalibapo ubupusano pakati ka nkulo ya ba mano iyo tuleikalilamo, umo ichalichi caba icaimuta scienci na fyonse ifi-twa “ifyakupangwa” na fyonse. Taufwile Lesa ulemupangafye mu mano.

²⁹⁶ Cisuma, bena—bena bashi mapepo babulile Lesa ukulamupangafye icapwililika, bena balishibe ifyo Messiya aali nokwisa, lelo aishile Ena uwapusanako ukufumako kufyo balemupangafye. Cena tacali ni scienci. “Ni mu musango nshi uyu Muntu, ukuba u Mwana wa mucani? Nikwisa kuntu Ena aile kusukulu? Nikwi uko amasambililo Yakwe yafumine? Nikwi kuntu Ena apokele uku kusambilila?”

²⁹⁷ “Mulandu nshi, Uleesha uku tufunda? Iwe wafyalilwa mu bulalelale.” Mwamona? Oh, pa mulandu wakucita icintu icisuma!

²⁹⁸ Mwamona icintu cimo cine ukubwelelapo nakabili? [Ulukuta lwatiila, “Ameni.”—Kale.] Mwamona cabwelelapo nakabili? Fyonse muli scienci wa mipepele, scienci wa mipepele umwa bela ifyo isukulu lya Baibele lyalanda, uyo wine emusango bafwailamo Cena. “Uyo wine emusango cifwile Cena cabelamo, nangula te Ico.”

²⁹⁹ Lesa abatumfyafye bena, ishita yonse. Cena lyonse cibafye icapusana. Cena cacitike mu nshita yakwa Noah; cacitike mu nshita yakwa Mose; cacitike mu nshita yakwa Kristu; cacitike mu nshita yakwa Yohane; cacitike mu nshita ya basambi; cacitike munshita yakwa Wesley; cacitike munshila yakwa Luther; cacitike munshita ya Pentecosti; nacitika nakabili. Cena tacicinja uku tantikwa kwa Ciko. Lyonse cishilafye mu musango umo wine. Niba kaleta pamo ukupitila mu nkulo cine lubali... mutanda inkulo, mpaka iya cine lubali. Kabili Ukusokolola 10 kulanda ukuti muli iyi nshita cena cikacinja. Kabili cena efyo cali.

³⁰⁰ Nomba tuleisalila, nokulanda ici. Ukupwisha icakusubwa icikalamba, ni mu musango nshi benga citilamo ico? Twalishiba ukuti bena balifwa. Lesa alicilekele cena ukufwa muli ino nkulo ya scienci, conse fye umupwilapo, pa—pa kuti Ena kuti (acita cinshi?) engesula ifya nkama Ifikakatikilo-Cine lubali kuli Nabwinga ushaba icilonganino. Nimu musango nshi icilonganino cinga pokelela ifyo Ifikakatikilo Cine lubali, lintu Cena caliba icapusanako muku pwililika, ulubuto lwa

nsoka kabili na fyonse ifyo fintu fimbi? Fyonse, ifyapwililika ifyankama cine lubali ifyaba ifya pusanako ku fintu bena babafundisha, pantu basenda ukusambilila kwe sukulu lya kale ukufuma muma sukulu yabo aya Baibebe.

³⁰¹ Kabili ne Fikakatikilo Cine lubali ifya kwa Lesa, lintu Fyena fyaiswilwe palya pa lupili: Lesa kuti, aleka ine nafwila pano pene pa cintamba nga cakutila Ico te Cine. Kabili Nali myebebe libela, umwaka umo ne myeshi mutanda ilyo tacilacitika, ifyo Ena anjebele, “Kabiye ku Arizona,” nafyonse ifyali no kucitika kulya mu ciswebebe. Kabili pali abantu abekele pano, mu nshita ino iya bushiku, abaiminine palya pene abalipo lintu ba Malaika cine lubali baikile panshi. Ne pe- . . . Ipepala, ipepala lya *Life*, ilyalembete ilyashi palwa Ico. Lyena lyaba mulya mu cikulwa ba bebete imyulu, nafyonse. Nomba tabaishiba ifyo Cena caimininapo.

³⁰² Ne fintu fyonse fyalilandikwa, oh, nangu nikukonaulwa kwa California, ukuleisa nomba, kabili ne fintu fyonse fimbi. Kabili Nalibebele ne nshiku cikasenda, nefyo cikaba uku ici icinkukuma cikalamba cikacitikila ku Alaska, kabili iyo eikaba intendekelo ya cishibilo ca nshita, na fyonse ifyo ifikacitika. Kabili ishiwi ne shiwi, ifyo Cena calandile, Cena tacafilwapo napanono. Tamwatala amumonapo cafilwa. Kabili Cena teti cifilwe, pantu Cena Cebo cakwa Lesa. “Kabili Muulu na pesonde fili nokupita, lelo Cena teti cifilwe.” Ico nacilungama.

³⁰³ Lesa aiswile filya Ifikakatikilo Cine lubali, te mu cilonganino. Ine ico lyonse ndakanako. Lelo, ukufuma mu cilonganino, Ena engabulamo Nabwinga, te nabwinga wa cilonganino. Ena teti acicite ico. Cena cilakana i Cebo Cakwe Cine. Aiswile ifyo ifya nkama cine lubali mulya. Ifyo ifya langishe ukumoneka, ukulangisha ifyo fintu ifyo ifyafishilwe ukutula pa mufula wa calo, ukuti finga sokololwa mu nshiku shakulekelesha, ku bana bwakwa Lesa. Baletele Ico ukumoneka nomba ku bantu, ukuti benga cimona Cena kulya, imwe nomba, kuli uyu Nabwinga uushaba icilonganino. Oh, owe!

³⁰⁴ Ayo ema buuku yenu. Limo pali ayo li Buuku lya mwana wa Mpaanga ilya Mweo. Ishina lyobe lyaba Mulya lya mwenenwe libela Mulya. Lyena teti lifumemo, pantu iwe teti kabili ulifumyemo mwashala umwabula, mwamona, pantu lyali lashikilwa libela ukuba Mulya. Lelo ibuuku lya cilabushiku ilya mweo, kuti lyafumyamo pa nshita. Mwamona? Iwe taulapila, kufumyamofye lyena, nangu cibe ifyo, pantu iwe ukaya iminina mu Bupingushi. Nabwinga takeminine mu Bupingushi; ena kuyafye muku Sumbulwa. Pamo nga . . .

³⁰⁵ Nde landa ici, mu kwisalila. Yena inshita naipwa, eico . . . ili mupepi na naini-sate. Kabili ifwe twalafuma pano ne nshita ya naini-sate, Shikulu nga atemwa. Tubefye aba mucinshi nomba, kutikeni. Inshita imo . . .

³⁰⁶ Ukulanda ici nomba ici cilya monse ukupita mu calo. Mu New York, nomba yaba twenti-faifa minetis pa muma ya lebeni. Ukuya mu Philadelphia nokushinguluka ukupita mulya, balya abashila ebekele mulya balekutika, pali ino nshita, mu chalichi ukushinguluka konse. Ukuya, ukuya mu Mexico, ukuya no kufika mu Canada nokushinguluka konse, ukuya monse. Ba mailoshi imyanda ibili, konse mukati ka calo ca North America pano, mupepi, abantu nabekala, balekutika pali ino ine nshita. Imyanda ukutamushapo imyanda, abalekutika.

³⁰⁷ Iyo e Mbila yandi kuli imwe, mwe Chalichi, imwe mwebaikatana pamo, ukwikatana kwa ku mupashi ne Cebo, ukutula imwe mwalifwa akale kuli aba abalume benu aba kale. Imwe mwafyalwa cipya. Tamufwile ukuba shula. Bena balifwa. Nga cakuti imwe muli bena Kristu abafyalwa cipya cipya, uyo umweo unono uyo uwamwenemwe libela kuli imwe, cena Cebo ukwisa pa Cebo, pa Cebo, pa Cebo, pa Cebo, no kwisa mu mwisulo wa mushinku wakwa Kristu, ico nacilungama, pakuti Engesa nokwisa senda Nabwinga Wakwe. Nomba tuli aba ipekanya pa cintu cimo, uku Kwisa kwa kwa Shikulu.

³⁰⁸ Palya epaba ishina lyobe mwi Buuku lya Mweo. I Buuku lya Mweo e Cebo cakwa Lesa, pantu i Cebo ni Lesa, kabili Lesa ecintufye cimo icakwata u Mweo. Eico ishina lyobe lya bikilwe mu Baibele ilyo Baibele tailabikwamo i Cebo. Kabili nga cakuti uli pano ukucita ico, bushe Cena teti cishininkishe cilya Cebo? Bushe i Chalichi tekuti ciishininkishe Icine palwa ciko? Bushe Malaki 4, nafyo ifi fintu, mukupwililika, mukupwililika ukuishininkisha Icine ceka nokulangasha cilya ukuti Efyo Cena caba?

³⁰⁹ Lintu Yesu aishile, Atiile, “Nga cakuti Nshicitile imilimo iyo bandaile Ine uku cita, tamufwile ukuncetekela Ine.” Li bumba nshi pa mubumba ilyo Ena ayampenyeko? Ena atiile, “Bonse pamo . . . Iwe uuli wakwa wiso, ciwa, kabili ne milimo yakwe eyo mucita.” Mwamona? Mwamona?

³¹⁰ Tuli munshiku shakulekelesha, we Chalichi. Iyo e Mbila yandi iya kupelelapo ukutotela kuli imwe.

³¹¹ Nomba, ilyo tatula isalila. Inshita imo Nali mulya mu Glacier National Park. Twaumfwile, akasuba konse, ukuti balikwete—balikwete ukupona . . . umulilo wa menshi makasa uwali nokupona mu nshita ya bushiku. Eico abantu baali aba pamfiwa, akasuba konse, ukupekanya cilya cintu, pantu bali noku upongolola, munshita yabushiku. Babikile umwa kuponena umulilo wa menshi, kwati cikalamba ica menshi makaasa. Lelo cena . . . Camoneke ngo mukola mfula, mupepi neco, lintu cafuma muli ulya mulilo ukulapona ukufuma muli aya menshi makasa. Ukushinguluka konse ukupita mu park, umukashi Naine, nabana, twaenda wike ukushinguluka akasuba konse. Twalefwaya ukwikala, no kumona ukulangishwa kwa

mulilo. Eico cena—cena—cena balitulaile ukuti tule umona wena, kabili tuli nokwisa cimona nakabili. Batile bala kwata cena lyonse ukupita mu lusuba ne fyaba ngefyo. Natile, “Cisuma, bushe tukasuminishiwa uku cimona cena nakabili?”

³¹² Atiile, “Ifwe twacilaya munshita ya bushiku. Ifwe bacitulaya ico.” Atiile, “Bena baali palya balepekanya cena nomba.”

³¹³ Panuma fyonse fyapekanishiwe pa cali nokucitika! Ifyo efilecitika pali ino nshita. Fyonse fili ifya pekanishiwa pa cala citika, i Chalichi ukutintwa ukufuma pa mulandu we Shina Lyakwe, ukufumya Nabwinga Wakwe pakati ke sonde, ifi ifilonganino ne sonde lyonse, kabili ne fiko ne fintu ifya mwisonde.

³¹⁴ Umuntu onse; icakucitika nacipwa ukupekanya. Umuntu onse naiminina ku kumona. Batiile, “Nomba twalilileni ukulolesha, palya pene pa muulu wa lupili palya.”

³¹⁵ Uyo wine emusango lyonse Cena cishilamo. Uyo wine emusango Cena calaishilamo pali ino nshita. Uyo wine emusango Cena lyonse cishilamo. Tekupitila mu cilonganino! Lesa tatala Abomfya icilonganino, tatala iyo!

³¹⁶ Kampanya afuma ukuya, abula i Cebo cakwa Shikulu. Kabili nomba lintu afwa, bakulamo icilonganino ukufuma muli cena. Ifyo efyo ba Pentecosti na bonse bacitile. Lintu ifintu ifipya, ifintu fyonse, iyo ine enshila fye, iyo ine enshila icintu cishilamo. Ishiwi ilipya ukulundwako, nomba apo pene bakula ne cilonganino ukufuma pali ico, bapangile icilonganino, baipatulwile abene beka. Cena cali nokuba muli uyo wine musango.

³¹⁷ Nomba, teti ucimfye—teti ucimfye ubu bumbo. Ubu bumbo bukonkafye mu nshila yabuko, inshita yonse: umupeti, ibuula, impupunga, nefyaba ngefyo, ifikapa, nomba engano.

³¹⁸ Nomba moneni. Fyonse fyalipekanishiwe. Ifintu fyonse fyali mishiwe nokuba ifya ipekanya. Na bonse ba iminineko ukulolesha. Na ine naimishe umutwe wandi pa muulu, ninkumbatila umukashi wandi. Twalelolesha. Nabana nabeminina palya, ifwe bonse tulelolesha pa muulu, mumusango *ulya*. Owe! Cena cali icintu cimbi, pantu twale cenekela ico. Cali lailwe kuli ifwe.

³¹⁹ Amen! I Cebo calaya Ici. “Cena cikesa fikilishiwa, ilyo ubushiku bukalamba kabili ubwakutinya ubwa kwa Shikulu tabulaisa, moneni, Nkatuma kuli imwe Eliya kasesema. Akesa pilibula imitima ya bana ukubwesha kuli ba shibo, kabili nemitima yaba...” “Cikesa fikilishiwa mu nshiku shaku shalikisha, Nkpongolwela u Mupashi Wandu ukufuma mu Muulu.” “Imfula iyakale ne ya kuntanshi fikesa pamo mubushiku bwakulekelesha.” Bonse ubu ubulayo, ukupitila mu Malembo, ayo ayale pelwa. Ifwe tulelolesha mu muulu. Ukulamona Nabwinga wa cine ukuya monse mu calo ino

nshita, ukulolesha pa muulu. We chalichi, Ena aleisa, bumo muli ishinshiku. Bwino bwino fye mukushininkisha nga fintu Ena aishile mu muku wakubalilapo, Aali nokwisa na kabili. Pekanyeni fyonse. Ipatuleniko mwe bene ukufuma kufipapa. Lambalaleni pa cinso ca Mwana. Twalilileni ukulolesha pa muulu. Mube pe samba lyakwenekela.

³²⁰ Pa muku umo, twaumfwile icintu cimo ukufuma pa muulu wa lupili, ishiwi lyaikile ukupitila mu cisoselo, lyatiile, “Ifintu fyonse nafipekanishiwa.”

³²¹ Nomba uyu muntu, uwaiminine palya pene ku lubali lwandi, atiile, “Lekeni umililo upone.” Wena waishile, ulepongoloka panshi ukuyaponse pa lupili, icibungulubwe ca menshi makaasa ya mulilo na caka cilepya cilepyanga napanshi, icimonwa cakutamba nganshi.

³²² Munyina, natubike ifintu fyonse ifyapekanya, pantu ubushiku bumo muli ishi nshiku u Mulilo uli noku pona. Ifwe tukaya mu muulu. Nomba natuipokanye panshita ya Kupona-umulilo. Tuli mu nshiku shakulekelesha, bonse twalishiba ico, kabili abaipekanya pa Kwisa kwa kwa Shikulu. Icintu caku cita kui ipatulako we mwine ukufuma kulubembu. Ipatuleko we mwine ukufuma ku cintu conse icalola kwi sonde. “Mwitemwa isonde nangu ifintu fya mwi sonde.”

³²³ “Mwileka umuntu nangu umo, mu masambililo yakwe, amibepe.” Imwe ikaleni abalungama no bulayo bwakwa Lesa, i Cebo cakwa Lesa. Kabili neco Cebo, nga cakuti Cena Cebo cabuno bushiku, Lesa alacishininkisha Cena ukuba ifyo. Nga Ena akana ukucishininkisha, ninshi te Cebo ca buno bushiku.

³²⁴ I Cebo cilya icaponene pa Bushiku bwa Pentecosti teti cibombe muli buno bushiku. Iyo, mukwai. Cilya cali capa Pentecosti. Ici cakwa Nabwinga, aleya ku N’ganda yakwa Nabwinga. Twalikwata icintu cimo icapusanako. Ba Pentecosti baiminineko ico, nakabili. Twaba mu nkulo yakwa Nabwinga. Takuli nakabili i—i Cebo cakwa Noah ukubomba mu nshiku shakwa Mose; takwali amalango ya kwa Mose ukubomba mu nshita yakwa Paulo pano. Ena alyeshe ukubeba, “Imwe mwilifwa kuli ico, kabili teti mukwate ico.”

³²⁵ Chalichi, imwe mwebo Nde landako, mu nshita ino iyabushiku, ukuya monse mu calo, nga—nga cakuti mwali ipatulako mwebene ukufuma ku cilonganano na fyonse ifya fiko ne fintu fya mwi sonde, kabili nefintu fyonse ifyo ifi mibika mu masambililo ya pangwa-na bantu nefya mitande ne fintu fyaba ngefyo, ipatuleni mwe bene palwenu: Lolesheni mu muulu. Ipekanyeni. U Mmulilo walapona, mu bushiku bumo muli shino nshiku. Lesa aali no kumulekela Ena ukwisa, kabili cimonwa cakutamba. Bushe muli nokuba abaiteyanya lintu Akesa? Bushe mukaba abaiteyanya ukuya pamo Nankwe lintu Akabwela? U Kusumbulwa kwa munkama ukwa maka yacilampo ayakwa

Nabwinga, “Ena akapangwa uf- . . . ukufuma mukufwa nokuya mukukanafwa; uku cinja, mu kashita akanono, mukukapakapa kwa linso. Ifwe fwe ba mweo fwebabapo tatwakatangilile bena abo abalala.”

³²⁶ Ubushiku bumbi, pa Bushiku bwa kwibukisha abacikalamba Abashilika ba nkondo, Naimine kulya mu Tucson. Umulumendo wandi umunono alefwaya uku mona pelete. Nale belenga, kabili Nshakwete inshita iya kucita ico. Kabili Nakwete balamyā abengi baletuma abalwele ne fintu. Eico ena alandile ukuti, “Taata, bushe tabansende.” Ena atiile, “Ukunsenda ine.”

³²⁷ Natiile, “Cisuma.” Munyina Simpson, Ndetontonkanya aali pano; kabili umulumendo wakwe umunono alefwaya ukuya. Eico Na bengishe muli motoka no kubutuka.

³²⁸ Naiminine palya pa cinshoko no kulolesha. Kabili pa numa ya kashita, Naumfwile, ku numako akatalamukila intampulo shile isa, “womp, womp,” ing’oma, shilelila. Naiminine palya. Natontonkenye, “Ukuba, aba abantu abanono, bena icine cine balabelenga aya ma buuku palwa ba shilika. Bena icine cine balitemwa ico.” Na mwene, icabalilepo ukwisa cali tanka iya kale iya Munkondo ya Calo conse iya nambala I. Kwaishile, abantu abanono panono mu musango nga ulya. Kwaliko na bambi abakonkelepo ukwisa, panuma ya balya; icaishile konkapo panuma cali ni tanka ikalamba iipya iya Munkondo ya Cibili iya Calo conse, Sherman tanka ikalamba naku muyengo kwali kaki lweko. Nomba kwaishile icakonkelepo, ne cakonkelepo, kabili panuma yakashita kwaishile ba Gold Star Mothers.

³²⁹ Kabili nomba, panuma ya kashita, kwaishile intukushi ikumi limo na shibili ishashelepo, mu calo conse ica Arizona, ukufuma mu Nkondo ya Kubalilapo iya Calo conse; intukushi ikumi limo na shibili. Panuma ya abo kwaishile uwakwelela, umushilika uushaishibikwa, ka musalaba akanono akabuuta. Kwaishile iminina kensha we shitima lya pa menshi, umushilika wa pa menshi, no mushilika, uwakulonda uwaiminineko; ico batutwile pe banda lya bwato. Ku lubali lumbi kwali umukote wamfwi-ku mutwe nyina, naikala no lutanda lwa golide ulo batungile kuli pini pali ena, umukashi umunono uwatemwikwa alelila, umulume wakwe aali fwile; umulumendo munono uwasapula, umutwe wakwe walepilibuka uku noku. Ba wishi balibepeye. Kabili na kunuma ya ico kwaishile abengi ba bengi na bengi, kabili nomba kwaishile abashilika abapya. Naimine palya. We cakumonwa cakatamba, lelo we cabulanda we!

³³⁰ Natontonkenye, “O mwe Lesa, bumo munshiku Nka mona icakumonwa nacimbi.”

³³¹ Kukesā ko abushiku bwa kwima, ubo, “Aba kubalilapo bakaba aba kulekelesha; bena abo abaali abakulekelesha bakaba abakubalilapo.” Ba kasesema bakale eba kafuma,

abaku balilapo, kabili no kumona ifyo fyonse fikala konkana, ukulaenda mulwelele. “Kabili ifwe fwe bali no mweo no kwikala tatwa katangilile balya abalala. Pantu ipenga lya kwa Lesa likalila, abafwila muli Kristu bakabalilapo ukwima.” Naifwe tukaba konkapo mu mulongo pamo na bena ukwingila mo, alleluya, bonse ukuyafye na mu nkulo yakwa Luther, Wesley, Methodisti, Presbyterian, ukuyafye nokufika ku nkulo yakulekelesha, abo abapokelele i Cebo mu nkulo yabo.

Lesamipale. Bikenifintu fyonse ifyapekanishiwa, kabili u Mulilo uuli no kupona.

³³² Natukonkeke imitwe yesu pakashita akanono. Ndesunguka, muli lino ibumba lilemoneka mu nshita ino iyabushiku, iyo Ine misungile pano pa . . . mpaka naini-sate. Bushe paliko umo pano, bushe ikumi limo na babili pano, ni banga pano, abalelanda ukutila, “Munyina Branham, Ine palwandi naumfwa insoni, umusango Naikalilamo. Ine na libomba ifingi mu cilonganino na bantu. Nalishiba ukuti Nsha ikala bwino ne Cebo cakwa Lesa. Nalakwipusha ukuti umpepeleko, Munyina Branham?” Imyeni amaboko yenu. Lesamipale. Lesamipale. Lolesheni fye palya mufipuna fyapa muulu, ukushinguluka. Lesamipale. “Ninjishiba . . .” Nomba mwilengwa insoni. Nomba, mwiba iyo.

³³³ Kabili kulya kumbi, ukuya mu calo monse, ukufuma ku New York ukufika ku California, ukufuma ku Canada ukufika ku Mexico: imwe mwe bantu abalongene muli yonse ama chalichi (umo yonse ama bumba ayanono aya bacishinka abo aba cetekela iyi Mbila ne mitima yabo yonse; Balifumamo, ukufumamo mu bucushi bukalamba, ukufumamo muli fyonse filya ifilonganino; bena myeo ya Bumi) bushe muleumfwa icakukabila, mu nshita ino iya bushiku, nga kapumpe munono, ukutiila mwaumfwa Icintu cimo ico cili icapusana ko panono kuco mumfwile, lelo, cibe, mu mutima obe nawishiba ukuti cena e Cine? Imwe, mwebali mukati umu, kuli kakumba uwiminine uko ku ncende ino. Nawimya ukuboko kobe pa muulu. Nala kupepelako.

³³⁴ Ifintu fintu tafya citilwe mu bumfisololo, cibusa. Ibukisheni, “Yali salala impongolo kabili ne nshila yakamfyemfyem, kabili lelo banono abasangwamo mulya.” Taufwile ukwenda pamo ne bumba lilya lileya kwi shilya, cibusa, ilya Nkulo ya Chalichi ca Laodekeya. Cena kuti catoloka panshi-napa-muulu, ukushana lintu inyimbo shilelila, ukuba icifulefule. Tacalanda ukuti cali icatalala nga menshi makasa, cena calanda ukuti cali icacifule fule, ico ni Pentecosti, kabili nokukana ishiba ukuti cili icabulanda, icapomonwa, impofu. Impofu kuli cinshi? Ku Cebo, kuku sokolwa kwa Cebo; pantu Cena tacaishile ukupitila mu tubungwe twabo, bena teti bacipokekelele Cena.

³³⁵ Kabili imwe ba kapyunga ba kulya ku Tucson, munshita ino iyabushiku, Nshile mweba ukuti mwalishingamwa palico.

Lesá ewaba. Nali kulya pa myaka itatu. Nalimyebele ukuti Ine teti ntampe ichalichi. Nsha tampile. Munyina Pearry Green ewatampile cena. Nali kulya pa myaka itatu, kabili tapali inshita imo iyo mwanjitile ku cintamba cenu. Naikele mu Tucson pa myaka itatu. Lesá akamfumyamo mu ciswebebe mu nshiku shino ishi. Iyi Mbila ifwile yaikala. Nalyeseshe na maka yandi ukuti ninga fika kuli imwe. Na—Na lishiba umulandu mwacitile ico. Mwaumfwa? Umulandu fye umo ico, wakutíla icilonganino cenu cili noku mitamfya ukufuma mo. Kabili mwalishiba, imwe mwe bengi Nalilanda naimwe, kulya ku Furr's Restaurant, kabili namwishiba ukuti ico e cine. Insoni pali imwe.

³³⁶ Fumenimo muli ico. Fumeni muli cilya, munyina. Nga cakuti mwaliba u Mweo muli imwe, imwe muli nokuba kwati ni kalya ka kapumpe kanono Nacilalandapo, imwe muli nokumfwa i Cebo cakwa Lesá. Ibukisheni, imwe kuti mwaumfwa Ici mu nshita yakulekelesha, munshiku shakulekelesha. Tuli icine cine abapalamina nombá. Bushe tamwise, munshita ino iya bushiku?

³³⁷ Lesá Mwebatemwikwa, twaikala pano abasangalala nombá, ubushiku ubwakupela ukutotela ngefyo icine cine bwena buli, Shikulu. Ndetotela, Shikulu, ukuba uwa mweo muli bunó bushiku. Bunó bushiku ubukalamba. Paulo umutumwa akabile ukumona bunó bushiku. Aba kalamba bonse abakale bakabile ukubumona bwena. Ba kasesema bakabile ukubumona. Bonse baloleshe kuli bunó bushiku. Abrahamu aloleshe kuli bunó bushiku, pantu alefwaya Umusumba Uyo Kakula kabili kapanga ni Lesá; wena uuli fye pa muulu wesu, munshita ino iyabushiku. Yohane amwene u Mupashi wakwa Lesá uleikila ukufuma ukufuma mu Muulu, walepela ubunte, ukwishiba ukuti aali Mwana wakwa Lesá. Kabili, tontonkanya nombá, Ena alesala Nabwinga Wakwe.

³³⁸ Lesá Mweba temwikwa, ukuya monse monse mu calo konse, landeni ku mitima yabo. Nimwe fye Mweka mwebenga cinja imitima yabo. Nga cakuti talwali Lubuto ulwabikilwe mulya pa kutendeka, bena tabakatale aba cimona Cena, Shikulu. Bena balifye. . . “Impofu nga yatungulula impofu ibiye. Shonse shibili shili nokuponena mu cilindi,” mucituntulu conse, pantu i Cebo Cenu calanda ukuti bali nokuponenamo.

³³⁹ Nombá, Taata, ukuba fye paco tulemona ukuya monse mu calo, ukushinguluka isonde lyonse, mu Africa, ama dazeni, nama dazeni ukupita monse mu South Africa, Mozambique, monse ukuya mu calo conse, amabumba ayanono balesenda aya ama tepu. Kabili eico neyi tepu ingaya kufya ibela-amakumi yabili, ifyalo fyalekana lekana. Nabatampa ukucimona Cena no kufumako, imyanda ne myanda ya bena. Tacaka sende abengi, Shikulu. Nombá lintu membala wakushalikhisha apokelelwa mu Mubili, Kristu aali no kwisa.

³⁴⁰ Shikulu Lesa, Ndeipusha Nabwinda, munshita ino iya bushiku, aba bamo Nde cumfwa bali fumako kabili balelolola, lekeni bena bapatukeko abene beka ukufuma ku cintu conse ica mwi sonde. Bafwile baikala mu Kubapo ukwa cikabilila ca Lubuuto lwa Mwana uwa Mwana wakwa Lesa, ukulasamba mu Cebo Cakwe, ukutemwa Kwakwe. Cifikilisheni ico, mwebatemwikwa Lesa.

³⁴¹ Lekeni aba abantu pano, abalemoneka, abo abemishe amaboko yabo, munshita ino uyabushiku, ama dazeni ya bena muli lino ihema ilikalamba, Napepa, mwe Lesa, ulya Mweo upya walaisa muli bena; Napepa ico ukuya monse mu calo kabili nokushinguluka icalo conse, monse umo tepu ikalabikwapo, ukutila nabo pamo bakalepokelela iyi Mbila ya Kutotela no kwishiba, muli ifi fikomo ne fintu ifyo ifyapelwa, pafyo bafwile ukucita. Napepa ico, Taata. Cifikilisheni ico. Bapaleni. Bena Benu.

³⁴² Ninjishiba cena ukuti lutambi nomba, Taata, ukuti tulepusha abantu ukwisa ku cintamba. Kabili Napepa, mwebatemwikwa Lesa, ukuti mu mulimo onse, konse konse ukushinguluka, kabili ukuya monse mwi sonde, ukuti bonse bala isa ku cintamba: abafita, aba buuta, aba mutuntula, aba fitulukila, konse uko baali; abakankala, abapina, ababu caibela, bakalomba lomba, fyonse ifyo baali.

³⁴³ Ifilonganino, abo abaicitila-ifyalo kabili abaimona-palwabo, O mwe Lesa, "Ubwamba, ababulanda, abapomonwa, impofu, kabili tabaishiba nokwishiba." Mwalandile ukuti cikaba ifyo fine, kabili caba mu musango wine uyo.

³⁴⁴ Eico Napepa, Taata ukuti Mwa ita u Lubuto lonse, mu nshita ino iya bushiku. Kabili na konse konse ukushinguluka isonde ukuti Ici cinga ponenako, lekeni Cena cikate ulya kapumpe munono uyo uwaishiba i Shiwi Iya kwa Shikulu wakwe. Cifikilisheni ico, Shikulu. Naba bika kuli Imwe, mwi Shina iyakwa Yesu. Ameni.

³⁴⁵ Nomba ne mitwe yenu iyakontama, pano mucintu bwingi icilemoneka. Bushe bamo muno, abo abashilati ba pusuke, nangu ukupela umutima yenu kuli Lesa, bushe tauletontokanya ukuti ufwile ukuba uwatotela paco Yesu akucitila? Ukutontokanya, ukutila iwe uuli mu bembu, ukutila iwe uulifye umweni ukutali na Lesa, kabili cibe Icintu cimo pa mutima obe, cilekonkosha. [Munyina Branham akonkosha pa cintamba—Kale.] Nimu musango nshi waishibilamo lelo ukuti iwe waba umo pali uto tu kapumpe utunono! Iwe waba uwabulanda, kabili uli nokuba uwabulanda, mpaka wa cimba kuli Cena. Mulandunshi tawinga pangila iyi ukuba iikalamba iyakutotela uko tawatala aukwatapo, lintu wapokelela Yesu Kristu ngo Mupusushi obe.

³⁴⁶ Bushe teti wise kuno no kwiminina pa cipailo? Nalapepa pamo naiwe nga cakuti waisa, umu bembu onse, umwaume nangu umwanakashi, umulumendo nangu umukashana, membala wa chalichi nangu te membala wa chalichi. Ukuba membala wa mu Chalichi tacikulenga ukuba umwina Kristu nomba. Icipailo na cisuka. Bushe kuti waisa, umubembu onse uyo uwingafwaya ukwisa nomba, pokelela Shikulu Yesu Kristu. Ulefwaya icine cine ukuleka . . .

³⁴⁷ Imwe bamo mweba mufilonganino mwebengafwaya ukusha filya ifyakulya ifya nkoko, ukwakulanda ukuti, “Imwe weba ba muli *ifyo* kabili cilifye bwino,” iwe icine cine ulekabila ukwishiba ifyo ulubatisho lwa cine ulwa Mupashi wa Mushilo ifyo lwaba? Isa, ufwailishe.

³⁴⁸ Icipailo naxisuka. Tuli abaipekanya. Imwe isenifye pamulu, uku—ukufuma mufipuna fyenu. Isenifye pamulu pano nokufukama pano pacipailo, uyu munyina uyu uwaisafye.

³⁴⁹ “Ifya kutotela, O mwe Lesa, Ndi uwa Mi totela. Ukuti, umweo wandi onse, Nalishiba ukuti palibako icintu cimo, Shikulu. Nshaba uwa sekelemo. Nalyesha. Na—Na letontokanya, ‘Uyu umwaka uleisa, Nka cicita cena. Umulungu wakonkapo, Nka cicita, inshita imo iyo Nko mfwa ubwite ku cipailo. Nka cita ici, ubushiku bumo.’ Ine ndacifumyapo, kabili nokucifumyapo. Lelo, Shikulu, Ninjishiba palipo icintu cimo icilubene naine. Ine lyonse nkabafye uwa cetekela ukuti paliko icintu cimo icapusanako. Kabili nomba, Shikulu, ubushiku bwe lelo, Ndi uwatotela pakupekanya konse ukucitilwe no Mwana wakwa Lesa, ukuti imembu shandi, nokukana cetekela kwandi, kuli no kusambwa ukufuma pali ine. Nalaisa, mu nshita ino iyabushiku, no kufukamako no kupokelela ukutotela ku kalamba ukwamapalo pa finu Yesu Kristu ancitile lintu Amfwilile pa Kalbale.”

³⁵⁰ Bushe kuti waisa? Nomba pali abantu abafukeme ukushinguluka icipailo pano. Cinshi tawingeminako nokwisa? Iwe ulafwaya ukucita ico. Walyesha ukucita ico.

³⁵¹ Tontokanyafye pali Munyina Lyle Palmer, uwawama, umusuma munyinefwe. Aikele mu lubansa, eico Nakutuluka, ukulolesha fye pa mukashana wakwe umunono uwa leteya umuila wakuma ne cimuti kulya, nangu icintu cimbi, kabili aikeleko pa cipuna kabili afwile ukwabula ukusunkanako. Tawishibe inshita intu ukekala pano. Iwe tawishibefye inshita iyo uuli nokuya. Kuti limbi caba, bushiku bwa leelo, kanshi cinshi ico teti wishile nokufipwisha fyonse?

³⁵² Iseni, mwe bantu. Bushe tamule umfwa Icintu cimo icilemitinta mukwangufyanya? Ni—Ni njishiba epo muli mwe bengi pano abafwile ukuba pa cipailo, kabili abafye mutanda nangu cine lubali abantu pano te bekele muno pano. Nomba, nga mwa ncekela no kulolesha pa cintamba pano, ifintu ifilecitika,

ncetekeleni ine nomba. Ubushiku bumo ishiwi lyandi likaba tondolo. Tamwa kalyumfwe lyena na kabili. Kuti mwakabila nokuti kanshi nga mwalishile.

³⁵³ Imwe mutiila, “Lelo, Munyina Branham, Ine naba membala wa chalichi.” Ico tacipangapo ubulekano nangu bumo kufyo waba. Eico na—eico na Nicodemus ali ni membala wa chalichi. Ifyo efyali Yohane, Petelo, Yakobo, Paulo, na bonse abashalako bali niba membala ba chalichi.

³⁵⁴ Paulo ali ni membala wa chalichi mpaka nelintu icintu cimo cacitike munshita yabushiku bumo, nangula mukasuba kamo, kabili aishile. Kabili aishile membala wa chalichi uwa cinja, mumwana wakwa Lesa. Bushe teti mwise? Oh, aali uwa kanshiwa. Aali uwa mano. Aalishibe ukuti aali uwa kanshiwa, pe sukulu limo ilikalamba ilya ku kansha ilyaliko, Gamaliel, umo pali ba kafundisha abasuma abaliko mucalo mulya. Lelo alishibe ukuti alekabila icintu cimo.

³⁵⁵ Bushe teti mwise? Nakabili Ndemwipusha bushe teti mwise. Umo umwaba...Pano nangu ukushinguluka icalo, Ndemwipusha apo ponse apo muli, mwibumba lyonse mwabamo, pali ino inshita yakutotela. Ibukisheni, bale Mbika pali tepu pano; tepano peka, lelo namu Muulu.

³⁵⁶ Namwishiba, cali shininkishiwa na scienci ukuti conse ico wacita cilasungwa. Bali shininkisha ico. Ibukisheni, icitunshi tunshi calishininkisha ukuti. Icitunshi tunshi ta—ta tacipanga icikope. Iwe niwe cikope. Cena citumafye ico, ico iwe ulecita, ukutwala umwa kupitila. Iwe uli palya, mumusango onse. Mwamona? Lintu wasesha umunwe obe, kulya ukusesha kulaya monse mu calo. Inshita yonse iyo wafwala icakufwala ukumoneka kobe kulaya mu calo monse. Cena cilasungwa. Itontonkanyo lyonse ilyo ilipita mumano yobe lilasungwa. Kabili ubshiku bumo cilya icasungwa cikaleka ukushinguluka, cena cikabikwa mwi seleti.

³⁵⁷ Kabili nomba pa Bupingushi cena cikesa bwela. Palya wiminine nemishishi yobe iyaputulwapo, elyo ulelanda ukuba umwina Kristu. Palya waiminina pamo nama tontonkanyo yobe mumano yobe ulesusha i Cebo, kabili cena cili namu mano yobe. Teti ufise ico. Ibukisheni icitunshi tunshi, na scienci fyalishiba ukuti ico ecine. We wiminine nomba line, ukwishiba ukuti mufwile mwaba panopene, ibukisheni, ifi nga fyalembwa, pa Bushiku bwa Bupingushi, itontonkanyo limo line lintu ukwete lya kulabwela mu matontonkanyo nakabili. Ico cili nokuba mu malembo. I calo conse cikamona ici ciletambishiwa. Mulandunshi icalo teti ci...Pakumilolesha, pa Bushiku bwa Bupingushi, bonse ba Malaika palya.

³⁵⁸ “Nga wa Mbela insoni pano, lintu icikope cilepangwa nomba, pa Bushiku bwa Bupingushi Nka kubela insoni. Pantu,

Na li suba i Cebo Candi, no ku Cituma kuli iwe. Ta wa Ci cetekele. Wa ifishile kunuma ya cintu cimo.”

³⁵⁹ “Oh,” watila, “Na libafye bwino. Na licita *ici*. Na lishanina mu Mupshi. Na lilanda mu ndimi.” Na ba senshi bala cita ico. “Na lipundile.” Na ba senshi balacita ico. Kuti wapilibukila shani i Cebo nomba?

. . . mulandunshi teti cibeke ifyo,
Mulan dunshi teti wishile kuli Ena nomba?
Mulan dunshi teti cibeke ifyo, Mulan dunshi teti
cibeke ifyo,
Mulan dunshi teti wishile kuli Ena nomba?
Mulan dunshi walalolela, munyina musuma,
Oh, mulandunshi walalolela inshita ntali?
Yesu alelolela uku kupususha
Incende mu Ng’anada ya shliishiwa.

Akubikamo nga umo pali ba membala ba Mubili Wakwe!

Mulan dunshi . . . ?

Oh, kapumpe munono, isa nomba.

Oh, mulandunshi ushingeshila . . . ?

³⁶⁰ Shikulu, Ndi uwatotela. Ndi uwa totela nganshi. Ukutotela kuli Imwe, Shikulu; te pa fyakulya fya cifyalilwa, cibe ngefyo. Lelo, Shikulu, inshita ya mpela na ifika. Ndi uwatotela pa Cakulya ca ku mupashi, Shikulu, i Cakulya caku mupashi ica Fikakatikilo Cine lubali fya lailwe ukwisulwa.

Mwatila, “Ico cili nokuba icintu cimbi.” Iyo, iyo.

³⁶¹ Teti mulundeko icebo. Kabili ukusenda . . . Ici kale kale cili Mulya, ica fiswa. Cili ica kakatikwa. Nibanga bakutulwike ico? Tileni, “Ameni.” [Ulukuta lwatila, “Ameni.”—Kale.] Mwamona?

Mutla, “Ukuba, ico cankama icili nokwisa.” Oh, iyo.

³⁶² Cali Lembwa kale. Teti ulundeko icebo cimo kuli Cena, nangu ukufumyako cimo kuli Cena. Mwamona? Cili kale Palya. Cifwilefye ukusokololwa muli buno bushiku ubwakushalikisha.

³⁶³ Ta waise? Isa nomba, cibusa. Nga teti ucikutuluke, isa. Fukama, landa na Ena pali Ico. Nga teti Ine Nci pange ica ololoka kuli iwe, Ali nokucita ico, pantu Ena e—e Kasungulula wa kutwishika konse.

. . . mu cipuna Cakwe ica shishiwa.

Oh, mulandunshi . . .

Ta waise?

. . . Mulandunshi tawaishile,
Mulan dunshi ta waishile kuli Ena nomba?

³⁶⁴ Ibukisheni, uku kuli ukusunga amashiwi, te pali tepufye, lelo pali tepu yakwa Lesa. Cila umo pali imwe, ukusela konse, lintu mwa kontamikako imintwe, lintu mwa kontamikako imitima,

ifyo muletontonkanyapo, ibukisheni, filebikwa pali tepu nomba line ku Bukata, kabili ne seleti lili nokulishiwa pa Bushiku bwa Bupingushi. Ukusala kobe kuli kwi? Oh, ifyo mukafwaya ukuti licinjishiwe, pali bulya Bushiku.

³⁶⁵ Na lalolelafye, pantu pali abengi, abengi, ukushinguluka icintamba. Mwamona? Limbi umo pali bena, nga Na sangilweko pakashita ukutwalilila, limbi kuti kwaba naumbi kunse kulya, kuti caba ku ncende kumo mu New York, kuti caba ku ncende imo mu Philadelphia, kunse kulya ku California, ku Arizona. Kuncende imo, kuti kwaba na umbi uuleisa. Kakumba, konse kuntu uli, wileka ukwita abantu ku cintamba nomba.

³⁶⁶ Limbi teti tumone nakumbi Ukutotela. Iyi e ingaba iyakupeleleshako, ne fya lembwa fili nokubikwa, munshita ino iya bushiku, panshita yaku shalikisha. Tepu ili nokupwa, bumo pali shino nshiku. Ifya lembwa fikaputuka no kubikwa mucakusungilamo cakwa Lesa. Nomba ili nokulishiwa nakabili, fintu amatontonkanyo yobe yali nomba. Wikalanda ukuti iwe tawaishibe ifya pusanako. Walishiba. “Lelo takuli umuntu uwingesa kuli Ine, kano Taata Wandi amwita. Kabili bonse abo Taata ampela Ine, bakesa.”

. . . ukwisa kuli Ena . . . ?

³⁶⁷ Munyina, Ni nceletela, nga Na cikala kunse uko pa ncende imo, kabili nalikwete itontonkanyo ilinono, Kutu naisa bwangu bwangu ukulingana nefyo Ni nga kwanisha. Hmm.

Oh, mulandunshi teti ucitile ico,
Mulanunshi . . . ?

³⁶⁸ Bushe na upwisha? Na ushininkisha ukuti taulekalifya u Mupashi Wakwe? Lekenitutwalililefye ukukontama nomba. Na ushininkisha taukalifye u Mupashi Wakwe? Na u shininkisha ukuti ucitilefye fintu Akwebele ukucita? Wa cisuminisha nomba? Ibukisheni, imwe—imwe teti mukwate inshita na imbi. Ifya lembwa kuti fyapwa, muli ino nshita ya bushiku. Ici ecingaba icakupwilishisha. Ino tepu eingaba iya kulekelesha kuli iwe. Naushininkisha ukuti nau ipekanya nomba? Nga cili ifyo, Na cishilafye mu maboko yobe, mwi Shina lyakwa Shikulu Yesu.

³⁶⁹ Nomba lintu ba kamba ba leimba panono panono, Na lapepelako abali panshi pano. Na libafye umwina Kristu uwaibela. Na licetekela ukuti Lesa eu pususha. Na licetekela ukuti Lesa eubya i Cebo. “Ine ne Shikulu,” efo Baibele isosa, muli Esaya, “Ine ne Shikulu nali Ci byala. Nakula Ci tapilisha, akasuba no bushiku, epali bamo ba Ci nukula ku kuboko Kwandi.” Ilyo Nshi laipusha umuntu onse ukwisa kuno ku cintamba na bantu aba, Nde fwaya uku bapepelako, ne mwine.

Natukontamike imitwe yesu nomba.

³⁷⁰ Mwe Yesu watemwikwa, Na cambulafye i Cebo Cenu, cintu kasesema Wenu alandile, kabili Na lishiba ukuti ifyebo fya ba

kasesema fya cishinka. Kabili Mwatile, “Ine ne Shikulu nali Ci byala.” Mulandunshi, mucituntulu, Mwa Ci bikile pe Buuku Iya mwana wa Mpaanga Ilya Mweo, cibe umufula we sonde taulabako. “Ine ne Shikulu nali Ci byala, kabili Nka Ci tapilisha, akasuba no bushiku, kanofye bamo nga ba Ci nukula ukufuma mu maboko Yandi.” Aba, limbi, Shikulu, balyumfwa ubwite bwa kucintamba ubwingi. Lelo Mu cili mule Ci tapilisha, Shikulu.

³⁷¹ Aba bali pano, munshita ino Iya bushiku. LekenI ba kakulwe, munshita ino Iya bushiku, Taata, ukufuma ku fintu fyonse ifya mwi sonde, shonse imembu na macushi ayali mu mitima yabo, kabili mukushikimanafye, no mucinshi, mu mitima yabo, ba kakulwe ku Cebo Cenu, nomba line, kabili ukulanda, “Shikulu Yesu, panshi ya mutima wandi, Iyonse Nali cetekela ukuti kwaliba icintu cimo icandi, ico Nshila tala kupokelela. Nangula Na Iyeshu, nga fintu ubulondoloshi bupangilwe muli ino nshita ya bushiku, ukukonka inkoko, lelo kwali icintu cimo icamoneke iceni kuli ine. Ta caumfwikike ica lungama. Nomba, munshita ino Iya bushiku, Nde umfwa ukuti Nde isa ndepalamina mu maboko ya Cebo ica mweo. Nde isa kuno no mucinshi, mumatontonkanyo yandi aya lungama. Ninjikala pano pambali ya cipailo. Nde fwaya ipusukilo, Shikulu, nganshi. Ndi nensala icine cine! Nde Mi fwaya, Shikulu, ukunjikata mu maboko Yenu, muli ino nshita Iya bushiku. Te kupitila mu fyakumfwa umfwa, lelo ukupitila mu Mupashi wa kutemwa, mbikeni mu maboko Yenu, Lesa wa temwikwa.”

³⁷² “Ndi mwana Wenu. Nde umfwa ukuti Ndi ulya kapumpe tulelandapo. Njikateni, Shikulu. Nde toloka. Na cima pa cipuna candi, no kwisa fukama pano. Njikateni, Shikulu. Nde toloka. Ndeteni pa mapindo Yenu, Shikulu, ukumfumya muli ifi fintu fya mu calo. LekenI mpupuke ukufuma mu fiko fya muli cino calo, ukufuma ku misango yandi iyabipa, ukufuma ku ntambi sha mucilonganino. LekenI njisefye kuli Imwe, Lesa watemwikwa, ukuti Mupashi wa Mushilo Wenu engapongolokela muli ine ukwelelwa kwa ku twishika kwandi. LekenI Ine, muli ino nshita ya bushiku, mbe umwana Wenu, umupya, ukufyalwa, kabili icibumbwa cipya, muli ino nshita ya bushiku. Njikateni. Nsendeni ukumfumyapo, ukucila pa kulila kwa kwa nankoko. Nsendeni ukumfumyapo, ukuntwala ku cinsa cakwa Kapumpe, uko eko Ndi nokufundwa ku Cebo cakwa Lesa, mpaka Nka kwanishe ukupupuka.”

³⁷³ Cisuminisheni, Lesa wa temwikwa. Basendeni. Bena Benu. Ili lipepo Iyandi na bu cishinka, Ilyo nde pepela pa bantu balefwa. Cisuminisheni, Taata. Na ba pelelako Ili pepo. Ku bukata bwakwa Lesa, Na ipusha ici.

Nomba ne mitwe yesu Iya kontamikwa.

³⁷⁴ Nde elenganaya, pa cipailo ino nomba, ukuti nimwe mufukeme pano. Mwebengi mwali landa ukuti muli bena Kristu,

lelo mwalyumfwa ukuti lyonse paalaba icintu cimo, kuncende imo, ico tamwakwete. Limbi mwalicita ifya bu kapepa fyonse. Kuti limbi mwalipunda. Limbi mwalicita fyonse ifi ifintu. Limbi mwa lishanine mu Mupashi. Limbi mwa lilandile mu ndimi. Kabili tapali uwinga landa ifya bipa pali ico. Ico nacilungama. Ico conse nacilungama. Lelo, mwa mona, ifyo fya *bupe* fya Mupashi, ukwabula u Mupashi. Nga Mupashi eko wali, uko kumfwa kwa kusekwa ukwaba ngefyo teti kubeko.

375 Bushe mucine imwe, mucu shinka, kuno ku cipailo, namucetekela nomba line, lintu muli pano, ukuti ukucitikafye kwa kuikula wemwine, te fya kumfwa nomba, lelo mu cituntulu, icishakoweshiwa icicetekelo, ukuti Lesa ali noku kupokelela kabili ukukufunda ne Cebo Cakwe mpaka waba kapumpe, we mwine, no kupupuka? Nga kuti wacita ico, kabili mulefwaya Lesa ukucita ico, imyeni amaboko yenu, mwe bashingulwike icipailo. Lesa amipaale. Cila umo uwimishe ukuboko.

376 Nomba, mube tondolo, Na la ipusha abaume abashilishiwa na banamayo abaishiba Lesa bwino bwino.

377 Abengi pali bena, ici cili iceni, cilemoneka kwati cili muli iyo nshila, ukwitwa ku cintamba Njita kubafye abaume. Na mwishiba, ilingi line, kuba banamayo. Lelo bonse baume pano. Ndetontonkanya kuliko namayo umo pa cintamba, muli ino nshita ya bushiku, limbi babili. Ilingi line ni banamayo. Lelo, kumulandu wacintu cimo nangu icinankwe, Nde elenganya cilemoneka kwati banamayo bamona kwati Nda landa ukubalwisha bena. Nshi cita ico, nkashi. Batatu, Nde cetekela, bamo abantu batila eflyo bamona. Nshile mona pamulu wa cintamba palya. Cisuma.

378 Bamo pali imwe mwe bena Kristu aba ipela iseni kuno nokwiminina naine mwipepo pali miniti imo. Pa cintamba,ponse pantu muli, pa cintamba, umuntu umo uwaishiba Lesa icine cine, uwaishiba ukwiminina pano pali ba miniti banono ukupepa nabo, elyo nomba tusalanganye ba komfwa. Bonse mupele umucinshi nomba. Mwiya. Isenifye kuno nokwiminina kuno.

379 Bamo pali imwe mwe bantu aba cetekela Ici ukuba Icishinka, ukuti tuleingila mu nkulo imbi, tuleingila mu Nkulo ya ku Sumbulwa, namwishiba ukuti ichalichi teti liye muli ino mibele, kabili tailewaminako. Ifwile uku bipilako. Nibanga baishiba ico? Tileni, "Ameni." [Ulukuta Iwatila, "Ameni."—Kale.] Cifwile ukubipilako. Kabili teti cende ngefi. Mwamona? Cifwile caba Icintu cimo, kabili Ici cilesela nomba, cibusa. Ci—ci—ci lecitika, ukwenda epo kuli ukwa kwa Nabwinga. Ico Cishinka. Ico EFYA SOSA SHIKULU.

380 Seleni nomba, abaipelesha abena Kristu aba lefwaya ifyenu—ifyenu ifyalembwa ukusanga ukutila, aba abesa muli bucishinka, ukuti mulefwaya ukwisa pelako ipepo nabo, nga

ba munyina ne nkashi, iseni ku cintamba. Iminineni pano pakashita akanono, tupepe. Pali nabambi abalefwaya ukwisa? Iminineni pano. Fukamenifye pambali yabo. Eendenifye, uko mwe baume babashingulwike balya abaume; mwe banamayo. Bwino bwinofye, mukuicefya bapepeniko.

Lesu Watemwikwa, twafweni . . . ? . . .

³⁸¹ “Nacimba fyonse. Nacimba kucilonganino candi. Nacimba ku bwinga bwandi ubwa kubalilapo. Nacimba kumulume wandi uwakubalilapo. Nacimba kufintu fyonse, Shikulu.”

. . . nacimba fyonse.
Fyonse kuli Imwe, mwe Mupusushi wandi uwapalwa,
Nacimba kuli fyonse.
Nacimba kuli fyonse,
Nacimba . . .

³⁸² Iwe cimba kwi tontonkanyo lyobe? Bushe kuti wacimba ku mano yobe, ku Cebo cakwa Lesu?

Fyonse kuli Imwe, mwe Mupusushi wandi uwapalwa,
Nacimba kuli fyonse.
Nacimba kuli fyonse,
Nacimba kuli fyonse,
Fyonse kuli Imwe, mwe Mupusushi wandi uwapalwa,
Nacimba . . .

³⁸³ Bonse abo aba cetekela nombu, mwi bumba, iminineniko. Leken i twimbe lwena, capamo, nombu.

Nacimba . . .
Imwe bonse cimbeni, ipekanyeni ukulwimba?

Ine . . .
. . . kuli Imwe Mupusushi wandi uwapalwa,
Nacimba . . .

³⁸⁴ Nombu, mwebu shingulwike icipailo, ngacakuti icine cine mwacimba, imyeni amaboko yenu pamuulu kuli Ena, imbeni, “Nacimba kuli fyonse. Nacimba kuci longanino. Nacimba kuci longanino. Nacimba ku chalichi. Nacimba nemwine. Nacimba ku mano yandi. Fyonse kuli Imwe, mwe Mupusushi wandi uwapalwa, Nacimba kuli fyonse.”

. . . kuli Imwe, mwe . . .
Nacimba kuli fyonse,
Nacimba kuli fyonse,
Fyonse kuli Imwe, mwe Mupusushi wandi uwapalwa,
Nacimba kuli fyonse.

Bushe imwe namucipilibula icine cine ico?

Nacimba kuli fyonse,

³⁸⁵ [Tapali kantu pali tepu—Kale.] Imwe nomba pacipailo. Imwe pano mweba shingulwike icipailo, mweba bapepeleko. Ichalichi nacimi pepelako. Mwaci pepa, palwenu. Nomba kulifye inshila imo iyo mwinga pusukilamo, iyo, “Ili kuci cetekelo eko imwe mwapusukila, kabili neco kupitila muku senamina.” Ukusenamina kwakwa Lesa kwacilanda kuli imwe, kwacimileta naku cipailo. Imwe mulefwaya amapalo yakwa Lesa. Imwe mulefwaya i Cebo Cakwe. Imwe mulefwaya Mupashi wa Mushilo. Imwe mulefwaya ububile bwakwa Lesa. Kabili imwe nga muli, kabili kuti mwacita, icine cine, nemitima yenu yonse cimbeni ifyo, nomba, mwilolesha pali conse icakumfwa umfwa fwayeni Icline, Icline ico icilefuma mumutima wenu, muku cetekela. “Shikulu, Ndi uwakabila ukucita icintu conse ico i Cebo Cenu cilenjeba ukucita. Nacimba palwandi, nafyonse ifili muli ine.”

³⁸⁶ Nga cakuti wa cetekela ico no mutima obe onse, Ndefwaya wiminineko pa makasa yobe, pilibukila kuli lino ichalichi, ba komfwa, kabili imya amaboko yobe, kabili twalaimbila capamo nabo, “Nacimba kuli fyonse ifyo ifili muli ine, mwe Lesa. Ukukonka nokwishiba kwandi konse, ifintu fyonse ifyo Ndi, Nacimba.”

³⁸⁷ Nineni pano pa cintamba, imwe mwebali pa cipailo. Nineni pano pene pa cintamba, mwe babwananyina, pano penefye, imwe bonse, kabili imwe bamunyina ne nkashi.

Lolesheni kuno, chalichi.

³⁸⁸ [Nkashi atiila, “Munyina Branham, Ine ndi wa chalichi, lelo shino nshiku Nshaba—nshaba namo nakabili.”—Kale.] Chimba? [“Shikulu aali shiba uko Ndefwaya ukutungulula Ena. Ndefwaya...?. . .ku chalichi. Kabili Ndefwaya Mupashi wa Mushilo, ukwisushia na Mupashi. Kabili kuti Nafwa nomba line, nga ico efyo cili.”] Ee. Ico nacilungama. Bushe naucimba kuli konse akanono kuli Ena naku Cebo Cakwe?

³⁸⁹ Nkashi umo pano, ukufuma mu cilonganino. Ena atiila, “Ine ndi wamucilonganino.” Tatufwile tulecita cena. Ena mubomfi wa mulya. Lelo ena atiile, “Munyina Branham, Ndefwaya ukufuma ukuya ku Cine. Ndefwaya icintu icashika ukucila pali cilya.” Mwamona?

³⁹⁰ Leken i nga mbule i Cebo Cakwe. “Balipalwa niabo abakwata insala ne cilaka ca bulungami, pantu bena bakekushiwa.”

³⁹¹ Nomba, imwe, pano pa cintamba, imwe mwebeshile, nga cakuti namuipékanya ukucimba ku fintu fyonse ifyo muli, ifintu fyonse, nokunakila i Cebo cakwa Lesa... Tapali nangu umo uwamyebile, uno mulungu, ifyo mufwile ukucita. Nomba, nga muli abaipekanya ukucimba pali ino ine nshita kuli Ena, imyeniko amaboko yenu, *ngefi*, kwi bumba. Nomba, imwe pano

pa cintamba, natwimbile bonse capamo, *Nacimba Kuli Fyonse*.
Umuntu onse, capamo. Cisuma.

Nacimba kuli fyonse,

Nomba icine cipilibule ico!...?...ubushiku bumo
ubwakwe, kabili Ndi uwatotela. Ukumuleka acimba...?...

...Umupusushi,

³⁹² Bushe icine cine namucipilibula ico? Landeni, “Ameni.”
[Ulukuta lwatiila, “Ameni.”—Kale.] Landeni, “Ameni,” nakabili.
[“Ameni.”]

Landeni ukutla, “Shikulu, mbebeteni, njesheni, kabili
mpeleni inshita. Ifi efyofye Ine ninga cita, muno nshita
yabushiku, kuipela ne mwine palwandi kuli Imwe. Na
mwishiba insala ya mutima wandi, Na mwishiba ukukabila
kwandi. Ubulayo bwenu kwisusha kulya ukukabila, Nomba
Nacipokelela ico, kabili Nacimba kuli Imwe.”

Bonse pamo:

Nacimba kuli fyonse,

Nacimba kuli fyonse,

Fyonse kuli Imwe, Umupusushi wandi

uwapalwa,

Nacimba kuli fyonse.



UKWA MPANA UKUSHIMONEKA UKWA KWA
NABWINGA WAKWA KRISTU BEM65-1125
(The Invisible Union Of The Bride Of Christ)

Iyi Mbila na Munyina William Marrion Branham yaletelwe intendekelo mu Cingeleshi pa Bushiku bwa Kutotela, pali Cine mu cungulo bushiku, Cinshi kubili pa 25, 1965, ku Life Tabernacle mu Shreveport, ku Louisiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org